

光緒三十三年八月二十五日發行

售例

- 一 本雜誌零售每册大洋銀二角五分預定全年十二册大洋銀二圓五角本埠外埠外國一律詳後
 - 二 郵局新章見第二期本報加增報紙寄費輪船火車直達之處為口岸如購一册郵費伍分全年伍角日本同輪船火車未能直達之處為腹地惟郵局新定章程如行駛小輪之處每購一册郵費壹角伍分全年壹圓伍角外國同至未通郵政之處民局寄費閱者自給
 - 三 凡至總發行所定購者務請將資費送交總發行所收銀後當付收據惟未能照章寄足者祇可照零售例每册以大洋銀二角五分計算寄足應得册數為止
 - 四 在總發行所定購者本埠按期派送不取酒資
 - 五 凡一人定購五份寄送一處者照價九折拾份者八折
 - 六 在總發行所定購者如遷徙他處務託人代收一面知照總發行所改寄惟已寄原處之册不能複寄其在代售處定購者請自向代售處商辦總發行所不能接寄
 - 七 總發行所按即寄送以郵局民局回單為憑中途遺失閱者自理
 - 八 凡在代售處購報者報價郵費與總發行所一律其不用洋銀之處每圓合算制錢一千文由代售處逐月函寄總發行所清釐賬項照通例以八折核算除二折作為酬勞惟至少以五份起碼代售至二百五十份者七折五百份者七折七百五十份者六折一千份者六折再折扣悉依原定全年報資核算如一千份者六折即每份以大洋壹圓五角核算是也惟郵費分文不扣
 - 一 代售處收到資費即寄總發行所如定購者不將資費照章寄足照第三條辦理至代售處遣人送報不得另索酒資
- 一本雜誌總發行所在上海棋盤街中市商務印書館 本埠寄售處 各書坊 外埠代售處 北京 公慎書局 有正書局 保定府官書局 長沙集益書社 常德啓智書局 武昌文明書局 中東書社 新政書局 總派報處 漢口 商務印書分館 江左漢記 廣東開新書報公司 聖教書樓 英文書莊 南昌廣智書莊 南京明達書莊 中西書局 杭州崇實齋 採辦書報處 史學齋 蘇州開智書室 日本東京金港堂書店

東方雜誌第八期目錄

圖畫

- 奧皇佛蘭約案第一
- 奧故后依拉薩白
- 葡萄牙王楷羅第一
- 葡萄牙后馬利阿墨利
- 丹麥王查力斯坦第九
- 瑞典瑞威王沃司加第二
- 比利時王賽坡爾第二
- 西班牙王阿芬瑣第十三
- 法蘭西總統勞畢
- 墨西哥總統得士
- 秘魯總統魯馬那
- 頤和園正影
- 頤和園側影
- 頤和園仁壽殿
- 頤和園排雲殿
- 頤和園佛香閣
- 頤和園內石船

社說

選論附

目錄

諭旨

- 改良風俗論下 可權
- 論國家倚賴第三國之無益 華生
- 外人輕侮中國多由中國自召說 錄六月十一日大公報
- 中國與波蘭之比較 錄六月十八日續東日報
- 論中立學派 錄六月二十日羊城報
- 論中國之宜力求信用 錄六月二十五日續東日報
- 論社會衝突之爲害 錄七月初五日警鐘報
- 最近之優劣談 錄七月初七日時報
- 論太平洋列強之勢力 錄七月初九日警鐘報
- 鐵侍郎南下之關係 錄七月十三日時報
- 論朝廷名實之不相因 錄七月十三日續東日報
- 論義和團第二次之出現 錄七月十九日中外日報

時評

- 政府之病狀
- 不要錢之大官
- 今日之儒將
- 三山會館歡迎會
- 湖南之官社會
- 廣東商務局挽回船捐

一

甲辰

- 葡使索賠二百萬之駭聞
- 檢査招工之初效
- 哀哉華人又被洋人騙死
- 東撫之辦事
- 廣東省河蛋戶提議與學
- 善長力阻演說
- 留學美國學生力爭國體
- 德兵船徑入鄱陽湖
- 華民在滇濱與德兵衝突
- 哀哉韓詞侃強者韓國
- 俄國之難與立憲
- 俄國之工人

內務

- 論朝廷用人之宜專 錄六月十六日滬東日報
- 論中國改革刑法 錄七月十三日警報
- 論裁胥吏宜先廢例案 錄七月十九日同文選報
- 兵部奏遵 旨裁革胥吏摺
- 蘇州撫韓投詞准駁章程
- 各省內務彙誌
- 各國內務彙誌

軍事

- 論英人侵略西藏 錄六月十一日時報
- 練兵之原理 錄六月二十八日中外日報
- 追論中國辦理俄艦之得失 錄七月十七日中外日報
- 兵部擬奏整頓軍營報銷積弊摺
- 整頓南洋海軍
- 驗收藥庫
- 水陸嚴防
- 川夷滋擾
- 高涼請兵
- 整頓沙團
- 廣西軍事紀要
- 廣英戰事紀要
- 日俄戰事紀要
- 韓境戰
- 崑山宗谷海峽戰
- 遼陽戰
- 俄國防務彙誌
- 戰事雜記
- 日俄兩國海軍損失統計表

外交

日本軍人執事九則
中國中立彙誌
各國中立彙誌
各國軍事紀要
歐洲各國軍費比較表

論英人外交之巧 錄甲辰第二十一號外交報

論延聘外人不可牽涉外交 錄七月初十日中外日報

論德國兵船徑入鄱陽湖事 錄七月十五日廣東日報

出使英國大臣張復英外部大臣藍斯唐侯招工照會

附訂條款之末照會

中外交涉彙誌

各國交涉彙誌

教育

廣布衛生書籍以強種類說 錄六月二十二日漢口日報

論科舉誤人之深 節錄七月初六日廣東日報

順天府尹沈請飭近支王公赴外洋練習海陸軍片

貴州巡撫李奏增設練將學堂片

候選中書科中書馬慶賈生方創辦皖報繕章呈請立

案察

目錄

財政

湖南仕學館章程

辦院報章程

各省教育彙誌

各省報界彙誌

各國報界彙誌

權島興學

論會議貨幣 錄六月二十一日新聞報

論挽回利權 錄七月初十日新聞報

直隸總督袁奏覆直隸籌款情形摺

兩江總督魏等會奏酌提報効銀兩摺

兩江總督魏奏江南銅元局增置機廠改革整理幣利

撥充興學練兵等用摺

署漕督陸奏辦理清淮銅圓摺

兩廣總督岑廣東巡撫張會奏商情不順暫緩改辦統

摺摺

湖廣道監察御史朱奏庫款外放本息全虛片

山東巡撫周奏紳民報効之款請由山東兌收濟用免

其交金解部片

三

甲辰

直隸總督袁世凱各州縣督銷鹽例章咨會順天府尹河南巡撫查照飭遵文

兩淮運司恩飭淮南總局傳諭場商加增棉價札

山東酌提常典息本鼓鑄銅圓章程

各省財政彙誌

各國財政彙誌

實業

論實業所以救亡 節錄六月二十九日中外日報

論女工 節錄甲辰第二十一期商務報

奉天將軍增奏蒙旗荒地招懇請派員收價文放摺

江蘇巡撫恩奏試辦工醫局片

鈞察磁業公司章程

各省農桑彙誌

各國農桑彙誌

漁業誌要

各省礦務彙誌

各國礦務彙誌

各省工藝彙誌

交通

再論粵漢鐵路 錄五月二十二日中外日報

福州將軍兼管船政大臣崇奏勅會辦大員摺

外務部咨兩江總督魏郵政新定專章文

湖南紳士公請張宮保據約注銷美國合興公司承辦粵漢鐵路北段合同呈

德公司代建山東膠濟鐵路接修小清河又路一段合同

天津內河行船規條

墨西哥國內部新定中國及東方諸國移民入境章程

郵政重訂新章

各省航路彙誌

各省鐵路彙誌

各省電政彙誌

各省郵政彙誌

各國鐵路彙誌

各國電政彙誌

小說

叢談

偵探小說郵賊

奧 故 后 依 拉 薩 白



奧 皇 佛 蘭 約 塞 第 一



葡 萄 牙 后 馬 利 阿 墨 利



葡 萄 牙 王 楷 羅 第 一



二第加司沃王威璦典瑞



九第坦斯力查王麥丹



三十第璜芬阿王牙班西



二第爾坡賚王時利比



法蘭西總統勞畢



墨西哥總統得士



秘魯總統馬那




頤和園正影




頤和園側景



頤和園仁壽殿



頤和園圓排雲殿



閣 香 佛 園 和 頤



船 石 內 園 和 頤



社說

選論附

改良風俗論下 本社撰稿

可權

夫一國風俗之起。固有無限原因。則欲改良舊習。固非一朝夕所能見效。一二人所能成功也。西人譏中國之風俗。謂不去其五經毒。鴉片毒。終無望治之一日。吾以爲其說未備。宜更合迷信毒去之。而中國上中下三流社會。乃無一人能逃其責矣。夫五經何必毒人。自皮相者習之。舉而不實。成一種痿痺痺緩之症。八股策論。節外生枝。無足論矣。其號稱明經之士。亦往往支離破碎。無當治體。積成風俗。遂有漢宋之爭。今且有目未識。丁遽以儒雅風流自命者矣。鴉片之毒。論者謂與醕酒美人同科。而陰慘過之。夫飲酒御女。未必遂有大害於身。至一近鴉片。則廢時失業。沈疴莫挽。且從經濟問題上言之。亦生無限漏卮。故不當以醕酒美人爲比。而直無異於洪水猛獸。云至鬼巫之俗。自洪荒至今。其毒不絕。雖若不甚爲害。然其足以阻障文明之進步者。則勢力甚鉅。茲三事者。實通乎中國之三流社會。而無能變革者也。今欲大爲改良。第一宜去五經毒。第二宜去鴉片毒。第三宜去迷信毒。去五經毒之法有三。

社說

一百五十三

甲辰

一廢科舉 人人有一科舉之目的。於是乎讀書者多。高者得翰林。下者得秀才。然猶千百中之十一耳。試問此十一之選。果皆通達治理。致用無忝乎。抑仍揣摩風氣。趨走錢神。然後獲免於播弄。而其餘千百之窮愁稿餓以死者。殆如恆河沙數。此皆不營一業。不名一錢。終其身爲社會之大蠹。古人有言。一鄉之讀書者多。其風俗必澆薄。語雖未免過激。亦實見科舉之誤人至深也。

二興學堂 科舉與學堂。居反對之勢。吾不謂學堂必無微倖。然按其程度以相教授。由普通以及專門。學一年有一年之用。學十年有十年之用。學成即業成。爲官爲兵爲士爲農爲工爲商。皆有切實之進階。不能貿貿從事。非如科舉之文章。做畫生時。即可望狀元也。三代之盛。黨有庠。遂有序。鄉有校。國有學。而其時風俗粹美。歐美人教育普及。實與中國之古法相同。胡爲乎數典而忘其祖也。

三修實學 五經爲古人之陳迹。大都推論原理。頌揚功效。非專爲學科設也。今使童子習之。何以收心得之效。古人有小學。有大學。入學有年例。卒業有考校。豈與末世之扁門給卷。糊名暗索者。同其指歸哉。亦必有實驗其所學之處矣。夫西人無五經事事能發明。新理中國有五經事事皆拘守舊法。吾不知變通盡利之謂何也。爲今之計。不如人大盡

修實學而列五經爲教典。奉孔子爲教主。則第一毒除而風俗美矣。
去鴉片毒之法有三。

一清流品 中國此時有階級而無流品。履歷清供。皆成具文。故有文無行。有財無行。皆可以爲官爲紳。今宜嚴爲分辨。凡癖嗜鴉片成癮者。在官必盡行參撤。在紳不得充舉。地方董事其餘士商亦不得報捐投考。有犯此者。准人訐告。告發之後。去其所應得之權利。而止。如是則事不擾而人易從。且人人知吸食鴉片爲濁流。爲卑品。雖不必嚴加禁止。而其風亦可稍戢矣。

二重烟燈捐 中國鴉片之禍。瀰漫已臻極點。始焉禁賣禁吸。禁種。終於無效。近年以財政紊亂。倒行逆施。反從而勸導之。土捐膏捐。所在皆是。豈復有人理乎。然在創立此捐者。固將謂變通其法。畧加徵稅。使購買不易。庶幾吸食者寡矣。顧又格於洋關則例。不能重徵。阻礙土貨之銷路。則有稅與無稅等耳。竊謂逆制之術。不如去膏捐。加燈捐。按市場之大小。查局舖之多寡。不論售膏幾何。概使有煙燈一盞。月捐若干。二盞三盞。至於十餘盞。以次遞加。則洋關不能爲難。而不禁之禁。亦可收徵末之效矣。

三立演說會 文明各國。無論何等社會。皆有演說。中國則懸爲厲禁。專制餘毒。不可觸。

通。此最足以開塞文化也。然亦有循例爲之者。如恭讀於演說。而無效可觀。何也有形式無精神也。今宜著爲通行規則。或學生。或紳士。或地方長吏。或過境達官。皆可隨時邀集衆庶。演說利弊。此法不獨爲攻治鴉片毒。而設而鴉片毒亦因此可以減少。又煙館之中。特許青年志士。連袂入座。互相演說。館主不得禁阻。庶幾下流社會之人。知所警戒。免於沈溺。則第二毒除而風俗美矣。

去迷信毒之法亦有三。

一。改時憲書。王政首重授時。聖人心切憊天。故累朝馭世。不敢忽於推步之法。然但爲辨節候之寒暖。風雨之方向足矣。其餘之天罡河魁三合六煞等說。欺惑愚民。莫此爲甚。然國家旣公然著之時憲書。朔望祭告。禮救日月。舉爲重典。何怪民間之多迷信也。解大神曰。治歷明時。但著民事之宜。何用建除之謬。今若舉荒誕無稽之宜。忌一切刪之。而更改刊衛生種植諸方法。按月附列。使之明白易曉。則於濬發民智之機。大有影響。且並滅卻神權之氣。誠不使信禩。祥操符咒者有所藉口。而焚衆聽矣。

二。興女學。中國女子之識字者。富貴之家。十或一二。貧寒之家。百不一覩。而其爲迷信則一也。旣信奉之。則陰陽風水星相僧道之術數。因而無不貫注其腦筋。牢不可破。若能

使之向學。則千萬迷魔。一旦銷解。豈非快事乎。西洋之諺語曰。女子者。產文明者也。又曰。女子者。社會之母也。人生之嗜好。多稟受於女子。習慣為第二天性。豈可誣乎。吾見有高。明。儒。士。篤。信。程。朱。而。因。母。妻。之。僻。好。不。免。隨。俗。齋。醮。者。矣。吾。又。見。有。凶。惡。棍。徒。行。同。梟。獍。而。因。婦。孺。之。說。法。翻。然。持。戒。懺。悔。者。矣。是。故。女。學。昌。明。則。社。會。優。美。此。吾。敢。斷。言。也。

三。廣。白。話。報。今。之。談。進。化。者。動。欲。取。泰。西。文。明。託。之。彈。詞。小。說。輸。入。於。下。流。社。會。然。而。言。者。諄。諄。聽。者。藐。藐。何。也。下。流。社。會。之。識。字。少。也。吾。以。為。白。話。報。之。擴。充。當。與。女。學。並。進。蓋。女。子。之。向。學。者。衆。則。其。所。生。之。子。女。識。字。之。數。亦。多。識。字。之。數。多。白。話。報。乃。可。通。行。矣。中。國。說。部。舊。無。善。本。非。淫。媠。即。醜。誕。故。使。閱。者。生。邪。僻。之。思。今。誠。以。新。理。想。組。織。報。文。流。布。於。窮。鄉。僻。壤。使。妙。齡。女。子。爭。先。觀。之。為。快。而。一。般。之。人。心。皆。知。神。鬼。諸。魔。之。無。據。陰。陽。諸。忌。之。無。謂。則。第。三。毒。除。而。風。俗。美。矣。

夫。風。俗。者。非。一。朝。一。夕。所。由。致。也。非。一。人。一。家。所。能。成。也。其。來。以。漸。其。去。亦。不。能。過。急。苟。操。之。已。蹙。則。反。激。之。禍。益。烈。終。無。望。有。改。良。之。事。矣。故。五。經。為。傳。家。之。器。吾。置。以。最。尊。之。位。則。無。秦。始。皇。之。禍。矣。鴉。片。為。附。骨。之。疽。吾。治。以。最。緩。之。劑。則。無。林。則。徐。之。悔。矣。迷。信。為。藏。形。之。魅。吾。照。以。最。明。之。鏡。則。無。魏。道。武。之。惑。矣。草。蛇。灰。線。不。即。不。離。然。後。可。以。窮。形。盡。相。而。更。張。

社說

之。若。夫。三。者。之。外。尙。有。他。毒。不。能。洗。刷。淨。盡。要。亦。爲。附。麗。之。物。未。必。通。乎。上。中。下。三。流。社。會。而。悉。受。其。害。且。以。其。餘。力。去。之。亦。未。有。不。奏。刀。砦。然。者。也。故。不。備。論。

論國家倚賴第三國之無益

本社撰稿

華生

竊嘗觀世界各強國。凡遇國際問題。必先布告各國。此案應辦一切事宜。惟由兩國直接定議。第三國不得干預。誠所以慎交涉。重主權也。獨至中國則不然。一遇國際問題。則必冀倖有第三國爲之轉圜。一若第三國之果實心愛我也者。彼若先來。則委蛇以就之。彼不先來。則牽引以出之。而所謂第三國者。又無一定之方針。臨時救急。望門投止。蘇張之術。一誤再誤。至今日而猶不知痛改前非。吾恐交涉之事。日益多。而辦理者。日益棘手也。即以東三省論。甲午之日本。於我誠爲仇敵。然既已媾和之後。日本之上下議論。皆欲締好於我。動我以同種同文之感情。我政府果善爲應付。必可收桑榆之效。失此不圖。然後日本更與英同盟。而視我如無物矣。夫我政府以喪師失地之故。銜恨日本。思得第三國以制之。於是乎俄德法出而干涉。德法受俄之指使。其主動力。獨在俄耳。俄無怨於日本。而有怨於我。私移界石。強築卡倫。奈何忘之。自李文忠公引俄拒日。而東三省之局勢一變。請言其影響所及之弊害。李不納好於俄。則俄必不租借旅順。旅順不入俄。英亦不能據威海。法亦不能據廣灣。德

亦不能據膠州。此數軍港不爲列強所有。中國內海猶有鞏固之形勢。以備修復海軍之用。未必無雄飛太平洋之望也。惟李文忠公不直與日本交涉。而倚賴第三國之俄人。以爲牽制日本之計。其失遂至於此。戊戌庚子之交。內難頻興。聯軍深入。薄我京畿。俄人更擴充其遠東勢力。前之東三省不爲日本有者。至是竟不能不爲俄有。徒增五六天險。付諸外人之手。向使不倚賴俄人。則列強海軍不至盤踞要津。或者尙無義和團之蠢動。然則謂榮剛之誤國。皆由政府之聯俄導之可也。而所以聯俄之故。則由拒日之一念始也。雖然。日本之交涉止矣。俄人久據奉天。託言保衛鐵道。代平馬賊。遷延退師之期。至於袁大化剿捕劇盜。乃陰掣其肘。轉從而保護之。逞豺狼之性。肆梟獍之凶。一旦暴露其真面目。而聯俄黨反無所復施其技。癸卯秋冬之際。我國政府諸公。或受俄之擺布。或懼俄之恫喝。不敢出一言以相責問。雖外省督撫軍帥。有請戰之事。在下士論。有義勇隊對俄同志會之舉。政府終謝絕之。既不能與俄人直接交涉。又日夜望有第三國出爲調停。而適有滿韓交換問題。爲之代表意見。政府諸公。又得偷生苟活於其間。不問己之何以拒俄。何以收復東三省。而惟坐視日本與俄之協商。其協商之有益於我耶。不知也。其協商之有害於我耶。不知也。及乎協商不成。戰事以起。各國宣布中立。我政府亦儼然以局外自處。無所偏袒於日俄兩戰國。豈以爲

戰事既終。無論誰勝誰敗。東三省依然爲我之屬土。耶抑或早有成算。逆知日人必勝。俄人必敗。俄敗不能與日爭此巖疆。日本又迫於公議。必舉而還之於我。耶度政府諸公未必有此先見。特利其兩雄並峙之勢。姑緩時日以款其交涉之困難耳。然如在某公者。素主聯日之心腸。固已加乎聯俄黨之上。而以爲此之問題。非借日本不能解決。是又一倚賴第三國之故智也。夫日本之與中國。同洲共域。誠有密切之關係。非黑鷺所可比倫。然何以堂堂大邦。土地億萬方里。人民四百兆數。而遇事輒望他人之扶助。不亦深可惡乎。今者日俄之雄已決。東三省之局勢。又將變矣。俄人屢犯我中立界限。日本雖能顧惜名義。然亦不盡如政府諸公之意。交涉繁難。且百倍於往日。竊以爲中國興亡之機。必決於此時。以目前近事徵之。則猶不免爲倚賴第三國之思想。語云。畏首畏尾。身其餘幾。不知前途作何變狀矣。夫煙臺上海。我之商埠。俄艦何以能來而不去。日人何以能捕俄艦。此皆於公法不合者也。我誠張吾國威。據公法以與之力爭。不患俄日不就範圍。顧何以於煙臺一案。外務部必邀各國公使裁判。於上海一案。倫貝子駐節洋務局。且邀各國領事會商。至竟於兩事無絲毫補益。徒見其損國體。褻主權耳。是亦不可以已乎。抑猶有甚於此者。日本既得營口。佔遼陽。收海關稅。設民政廳。其措施頗異於俄人之暴橫。俄人又將以陰柔之手段。運動我政府諸公。

頗聞人言。京師之聯俄黨。勢已復活。一意謀所以對待日本之策。或以爲當聯英美。使與日本調和。或以爲當聯德法。使與日本反抗。果爾。是又一倚賴第三國之現象也。又有謂將使某大臣出使日俄。以探兩國之意。嚮使某親王聘問歐美各邦。以觀其對於東三省之舉動。雖此等計劃。尙未公然表發。然以前事推之。則其必出於此無疑也。夫東三省者。國家創業之基也。顧二百年來。設都建官。不能使有完備之守禦。一旦有事。紛然無措。始以與日本交涉。而倚賴於第三國之俄羅斯。而旅順威海廣灣膠州之軍港。失繼以與俄交涉。而仍不祛其倚賴第三國之性質。吾知俄國以外。又有俄國。則中國將來之大局。更不知其若何危險也。

外人輕侮中國多由中國自召說 錄六月十一日大公報

我中國爲何如國。東亞之大國也。當五洲未交通以前。赫赫聲威。震懾中外。四境各小國。無不納貢品。以表王試。披中國古史。中國之高尙尊貴。於東亞。獨有特別聲價。而懷懷乎不可犯焉。乃自環球互通而後。歐美各強國。皆漸與中國通商。其間或因事故而要求。或因違言而開衅。賠款割地。屢削國權。蠶食鯨吞。各施政策。至於今日。我中國既貧且弱。國幾不國。嗚呼。外人之對待中國。其如是之不仁哉。雖然。英何以不如是待美。法何以不如是待德。德何

以。不。如。是。待。日。蓋。彼。數。國。者。皆。各。知。自。強。勢。均。力。敵。雖。欲。輕。侮。無。隙。可。乘。獨。對。於。我。中。國。常。若。不。以。平。等。國。相。待。抵。瑕。蹈。隙。有。願。必。償。奪。利。爭。權。無。謀。不。遂。然。推。原。其。故。實。由。於。中。國。自。召。者。多。焉。我。中。國。最。拙。於。外。交。才。最。闕。於。外。交。術。以。故。往。往。予。人。以。可。乘。之。隙。於。事。實。上。誠。可。悲。於。理。論。上。殊。不。直。致。使。外。人。譏。我。為。野。蠻。遂。以。待。野。蠻。之。法。待。之。是。外。人。不。敢。輕。侮。我。而。我。自。誘。之。使。彼。輕。侮。也。茲。略。舉。一。二。事。以。為。之。證。廣。東。鴉。片。之。役。緣。道。光。二。十。年。林。則。徐。盡。焚。英。商。所。藏。鴉。片。二。萬。二。百。九。十。一。箱。且。禁。絕。英。人。通。商。致。來。英。人。之。間。罪。賠。款。至。二。千。一。百。萬。兩。以。香。港。讓。英。且。開。上。海。甯。波。福。州。廈。門。廣。州。五。商。埠。又。如。中。東。之。役。朝。鮮。原。為。中。國。之。藩。邦。光。緒。十。一。年。中。日。因。朝。鮮。起。交。涉。李。鴻。章。與。伊。藤。博。文。結。訂。天。津。條。約。茫。然。訂。定。爾。後。設。遇。事。故。必。須。遣。兵。至。朝。鮮。中。日。兩。國。互。相。通。知。云。云。是。已。隱。認。朝。鮮。為。獨。立。國。及。甲。午。構。衅。中。國。仍。視。朝。鮮。為。藩。邦。並。不。知。天。津。條。約。之。性。質。為。如。何。及。至。兵。敗。議。和。馬。關。訂。約。乃。允。認。朝。鮮。為。獨。立。國。賠。款。至。二。百。二。十。兆。割。臺。澎。二。島。開。沙。市。重。慶。蘇。州。杭。州。四。商。埠。更。如。庚。子。一。役。無。故。號。召。蠻。野。之。拳。匪。起。而。讎。殺。外。人。致。使。八。國。聯。軍。同。來。報。復。事。平。而。後。中。國。之。損。失。更。不。堪。言。合。觀。三。事。外。勢。之。所。以。內。侵。謂。非。中。國。之。自。召。乎。外。人。不。以。文。明。國。待。中。國。謂。非。中。國。之。自。召。乎。此。猶。是。有。形。迹。可。求。者。也。若。夫。於。無。形。之。中。示。人。以。可。侮。之。隙。者。

甚多。不暇縷述。茲姑就近事以明之。商標註冊。我國自有主權。乃中國政府。於訂定章程後。偏就商於各國公使。致來各使之辯論。不獲從容開辦。是外人不當干預者。我偏使之干預。此何爲者。又如美國精琦氏來華會議銀價。此何等重要之事。乃日前屆會議之期。精使如期往會。而各王大臣皆失信不到。致來精使之責言。但觀此二事。即以見中國實自有召侮之端。外人之輕侮我中國。復何怨乎。中國不能自強。以爲先聲奪人之地。而此等召人輕侮之事。時有所聞。故外人輕侮之來。即乘隙而漸入。噫。夫人必自侮。而後人侮之。以堂堂中國。秉國政者。多半爲無意識之流。笑罵由他。好官我做。黃梁大夢。終古難醒。若長此情形。永無發憤爲雄之一日。吾恐外人之輕侮我者。更將踐踏我。宰割我也。詎不重可悲哉。

中國與波蘭之比較

錄六月十八日嶺東日報

波蘭二百年來之亡國也。自十八世紀中葉。俄奧德三國合力攻波。波蘭二千萬人民。遂羣伏於俄羅斯專制黑暗之下。而不復見天日。今日中國雖弱。然猶巍然赫然。握七十二萬方里之版圖。擁四百兆人數之民籍。雖不得與東西列強比長絜短。亦何至下與波蘭齒。以自殺其聲勢。夫以其名言之。中國猶自主。而波蘭已爲俄屬。中國猶現存。而波蘭已久亡。以國民精神上言之。而我中國且有深愧弗如者。吾滋爲中國人權。吾又安得不舉波人之現象。

社說

一百六十四

八月

爲我中國人一警之焉。夫以理勢言之。絕亡國決不能與自主國相比例。何者。自主國言論自由。其民必智。絕亡國則種種受人壓制。其民必愚。自主國營業自由。民必富於實學。絕亡國則爲人所限制。民格必日趨於卑。自主國人有政治思想。其民必羣。絕亡國則久經芟夷。其民必散。凡此種種。皆中國人居優勝之地位。而波蘭人宜瞠乎居後者。而孰知波蘭人於萬無可逃之公例中。竟能出人頭地。而中國人竟反有可泣可驚之黑暗者。吾今試一一比較之。波蘭自歸俄屬後。俄人握其政權。絕其宗教。并舉其本國語言文字而禁之。言論自由。出版不自由。思想束縛。無微不至。波蘭人曾不因此消沮。雖以俄人警察之嚴。而波人之演說之出報者。日衆一日。案俄國定例。向不准波蘭人將外地報紙運入。今則無地不暗中購閱。近年以來之進步。較之九年以前。已大相懸絕。一千八百九十五年中。國中自印者。不過一萬二千七百紙。外間輸入者。不過一萬五千七百六十餘紙。至一千九百零三年。自印者。至增有十萬零三千六百紙。外間輸入者。則增至七萬四千二百六十紙。雖時慮俄人阻止報紙。多由地道運入。得之既不易。讀之者愈衆。往往一紙新聞。傳閱至數百人。其民智開通。爲何如。以我中國人數數什倍於波蘭。報紙所出之數。未嘗有過。且轉無彼等傳聞之多。數此民智之不若者一也。波人以自立之要。非人人自由獨立不可。而欲人人自由獨立。

尤非工業不為功。十九世紀之末。全國風變。一棄其平時農務。而從事於工業。其強壯者三
 分之一。皆遷居城中。四分之一。隸入工廠。尤多業鑛工者。此等舉動。雖歐美入皆驚以為不
 可及。而我中國危險至今。能真心謀自由獨立者。有幾。至下流社會。更昏昏如黑夢。不知國
 家為何物。此實業思想之不若者。又一也。波蘭數十年來。謀獨立者。前仆後起。愈接而愈益
 厲。國中自由運動之人。尤實繁有徒。明目張膽。不稍忌諱。自一千九百零三年。俄政府舉波
 蘭一百四十人。處以監禁。遠充等罪。而波人之謀自主者。益盛。初猶不過聚集於波京瓦沙
 法一隅。近則無論何處。皆有自由結集團體。尤足奇者。國內立有共和會黨。專以謀波蘭全
 體人民之幸福。如政治上之自由。交際上之自由。宗教上之自由。言論上之自由。甚而如工
 作上之自由。經濟上之自由。財產上之自由。等諸有為。文明國所不及者。而此會團體持之
 甚堅。昔喬巨勃蘭地會。評其會曰。波蘭彼有一物。俄人畏之。更甚於天主教人之一言。以為
 記念者。嗚呼。此其羣體為何如。以視我公德。腐敗羣體。沙散四萬萬人。析而為四萬萬之心
 者。又何如此。團體之不若者。又一也。波多國探近時四嗚呼。波蘭今固亡耳。而我魏天之
 國。且不能望其肩背。若斯波蘭有若是之民氣。異日者。安知不一躍而脫俄人範圍。放地球
 上獨立雄國。而我今日且如此。一旦瓜分。惟任白種人之從而魚肉我耳。欲求如今日波人

社說

一。綫。之。生。機。安。可。復。得。攻。亡。國。之。興。衰。慨。宗。邦。之。不。振。言。念。及。此。心。膽。欲。碎。我。中。人。盡。盡。自。奮。發。毋。并。波。人。不。若。以。遺。萬。世。羞。也。

論中立學派 錄六月二十日羊城報

世。之。為。說。者。曰。天。下。之。最。取。巧。者。其。惟。中。立。之。行。乎。以。言。乎。古。則。不。漢。不。宋。以。言。乎。今。則。不。舊。不。新。進。退。攸。宜。無。往。而。不。為。一。己。留。餘。地。其。究。也。阻。文。明。之。進。步。障。學。人。之。知。識。蓋。以。如。是。之。人。無。決。斷。無。意。識。而。決。不。足。以。任。天。下。之。事。者。也。是。言。也。吾。習。聞。其。語。未。敢。謂。其。不。然。特。以。若。輩。因。無。學。故。無。識。無。識。故。佞。然。無。適。從。而。折。入。於。模。稜。趨。避。之。一。境。其。細。察。之。點。固。影。響。於。社。會。矣。辭。而。闕。之。宜。也。褒。為。中。立。毋。乃。溢。美。為。是。言。者。殆。未。明。中。立。之。界。說。與。夫。新。舊。二。學。之。功。用。而。偏。於。一。至。者。歟。則。請。先。言。中。立。哀。哉。我。國。民。無。中。立。之。性。質。也。夫。中。者。不。偏。不。倚。無。過。不。及。之。義。立。者。有。以。自。守。確。乎。不。拔。之。義。能。中。能。立。而。後。卓。然。為。學。界。完。人。此。公。理。所。同。認。也。又。中。立。者。必。深。造。乎。兩。途。之。極。入。乎。中。而。出。乎。外。所。謂。擇。善。而。固。執。之。者。也。我。國。民。素。喜。浮。而。不。喜。實。淺。嘗。即。止。畏。難。苟。安。新。舊。二。學。之。津。涯。皆。茫。乎。未。有。逮。入。之。不。深。烏。能。悉。其。短。長。而。去。就。之。以。成。執。兩。用。中。之。詣。耶。則。宜。乎。似。己。之。不。中。途。誤。認。中。立。之。義。執。模。稜。趨。避。之。人。而。強。褒。以。翹。然。特。出。之。美。名。也。夫。所。以。誤。認。此。中。立。者。何。也。一。原。因。於。習。慣。

中國學人好分黨派。自昔已然。新學幼穉時代。無論矣。以舊學言之。漢宋之爭。逾千餘年。而未有已。乾嘉諸儒。溺於考據訓詁之學。流爲玩物喪志。而無用。而高談心性者。又多爲大言。而不實。皆偏詣也。而爾時士夫。能兼容并包。錄瑜棄瑕者。誰歟。卽陳東塾朱義烏。頗能調和。漢宋。然以言其實。仍有時不免模稜趨避。彼朱陸之爭。殊途同歸。而無人能深切發明者。更無論矣。夫其爲舊學如是。則其在今日。亦必偏於新舊之一途。而不知中立之義。其習慣然也。一原因於歷史。我國數千年專制政體。天澤之分。嚴而威福之用。著無平等。無自由。舉斯民而桎梏之。奴隸之。夫旣安之。若素矣。一旦門戶洞開。歐美之學說。風濤洶湧。而至其上焉者。悟壓制之非。而欲舉數千年之積習。摧陷而廓清之。其議論時軼於範圍之外。所謂抑之愈深。發之愈暴也。人情孰不樂平等自由者。況以久饑甘食。久渴甘飲之。儔而欲責其不矯枉過直。以圖中立。必無之理也。其下焉者。則偏守舊說。牢不可破。其頑固之結習。殆與數千年歷史同其陳。因而受薰陶之賜久矣。以如是之人。而欲責其明中立之義。庸有幸乎。故中立之不明。亦由歷史。然也有此二因。遂生諸果。一以模稜爲中立。一以趨避爲中立。夫模稜趨避。最不美之名詞也。而今乃與中立者同被詬病。何其盪也。吾向不云乎。中者不偏不倚。立者確乎不拔之義。而模稜趨避。又最倚賴。最不能自立之名詞也。蓋模稜之人。始皆無學。

而欲爲中立之行。故游移靡定。無一定之宗旨。趨避者見新黨則詆舊學。見舊黨又詆新學。專務迎合而更無宗旨之可言。而其爲社會之賊一也。而我國民反以是爲中立。何其整也。夫中立之與模稜趨避。其異點正復多端。請舉其說。中立者必兼通新舊學。而後能擇其宜而並用之。如亞里士大德之以性理學調和柏拉圖德謨利圖之學說。是也。模稜者無所適從。而不知學問趨避者俱適從而無定見者也。此一異也。又中立者不倚於一偏。故能審兩途而去其流弊。如斯賓塞之言。國拘可謂能審兩途之弊矣。而模稜趨避者則不知其偏而好爲解人。往往於新理之極完健者以爲奇。而置之於舊學之應唾棄者。反以爲珍。而重之。見之不明。故無一是。此二異也。又中立者調新舊之和。不新不舊。而又能新能舊者也。模稜者不然。不知所以爲新。不知所以爲舊也。彼於新舊之學。毫無聞見。而謂能涉其涯乎。趨避者非新非舊。忽新忽舊。而未能卓然自立者也。其奴隸之根性。殆較模稜者尤甚。與有以自守。確乎不拔者。大相逕庭矣。此三異也。中立者於新舊二學。皆有譏彈。有激賞。故民智未開。則兩派之人。俱不以其說爲然。驟視之。若與模稜者無以異其實。乃大謬不然也。至趨避者。則兩派之人。無不樂聞其說。人情惡人之獨立。而樂其爲吾奴隸。此一端也。而趨避者乃坐得美名。此四異也。由是觀之。中立之與模稜。與趨避。詎非反對之極端耶。而乃混模稜趨

避者爲中立。此吾所大惑不解者也。抑鄙人之爲是言。非必斷斷於俗論有所辨也。以我國學界雖屬幼稚。然中立之期望。終必有償。則其界說不可不正。今縱未能具中立之全體。而於新舊二端。苟有所見。正不妨去短取長。而無爲二學之奴隸。則得之矣。且夫不能中立。卽不能爲新。不能爲舊。以其說皆阻礙治安。而不可行。故中立者。天演進化。必至之階級也。今日新舊相攻。勢成冰炭。守舊之政黨。吾無責焉。所號維新志士者。又或持之過激。守之太偏。於舊黨之肯言新者。尙必故意攻擊。斬以新學之名。此所謂既入其筮。又從而招。甚無謂也。甚且新興新亦互相衝突。則尤授人以口實。近年來觸目所見。比比皆是。攷其原因。皆由氣質偏而不能執中所致。吾人目的。在實事之成。何暇謀謀以口舌相攻擊哉。然則中立者。實當今之對病藥石也。以舊學爲保存之國粹。以新學爲輸入之文明。此於中立之義。雖未能盡。亦庶乎其可也。

論中國人之宜力求信用 錄六月二十五日嶺東日報

立國於大球中。從而別之曰。民政國。立憲國。專制國。又從而別之曰。某也自由國。某也文明國。某也黑暗腐敗國。嗚呼。何民政立憲。專制與自由。文明黑暗腐敗國之名。之有。夫亦曰國之尙信用。不尙信用。得信用之效益。與不得信用之效益而已。民政立憲。特所以確立信用。

之機關而專制獨裁。又所以破壞信用之蠹賊。得於彼者。故自由而文明。陷於此者。則黑暗而腐敗。故真自由而文明之國。必呈出種種信用之現象。而利獲種種信用之幸福。其始也。箇人對箇人。恐不得其信用。而為之重廉恥。尚氣節。昭忠信。去私利。一或不善。終身擯之。不齒。鄉里奉為大戒。箇人對團體。恐不得其信用。而為之尚清節。信然諾。一行不苟。一事不怠。一或不善。則終身為團體所廢棄。而不可以一日居。箇人對於社會。恐不得其信用。而為之講求公德。嚴戒紊亂。重立契約。深尚公論。雖五尺之童。闔閭之婦。不敢不犧牲一己。以求社會之效益。一或不善。則全社會皆非笑之。而嚴刑峻罰。且不足以喻其恥。箇人對於國家。恐不得其信用。立法者以國家為一大團體。無不列。而為之明權利。尚自由。服義務。保秩序。憑選舉以授權。立議院以論政。公私不能逾限。出入皆有常表。自大統領以至國民。莫不以此為準。一或不善。公議廢棄。全國不容。而權勢無所用其能。上下莫或枉其法。久而久之。信用昭著。而於是行其郊外道。不拾遺。夜不閉戶。行旅無所苦。居人無不良。民與民相信用。遊其都市。藝廠如林。工夫萬千。公司巍立。著名遠邇。工與工相信用。商與商相信用。入其國門。登其政事。廳刑獄不濫。政度有常。民有常務。官有常職。君有常制。民與官與君。莫不有信用。國之允洽者。深故其結力也。堅一旦遭變。故萬夫一心。戮力紓難。無事不成。無敵不摧。嗚呼。

此東西諸名邦之所以震鑠全球也。黑暗腐敗國則反之。盜賊徧全國。骨肉皆嫌隙。爾詐而我虞。爾奸而我僞。爾欲成而我欲敗。爾或公而我偏私。創一利也。此竭其平生之心神精力而成之。彼巧其機械變詐而坐享之。與一事也。此出其口舌財力而苦心經營之。彼以不便於私利習慣而沮止之。以泱泱大國而竟無三人以上之法團。極其流禍。至一事不可舉。一業不能成。全國利藪日爲人據。而農工商各事業皆失敗。墮落而不能復振。而其間朝廷之於草野。官府之於平民。尤爲不信用之尤。民以爲是而朝廷官府以爲非。民以爲否而朝廷官府以爲然。民以爲苦而朝廷官府偏以爲樂。民以爲痛而朝廷官府偏以爲喜。政令之變朝三而暮四。法度之施陽是而陰非。種種欺飾種種掎克。民不勝其苦楚。而官府因以爲常。朝廷不之過問。久而久之。上下機關遂全相蔽隔。而無絲毫之信用。民有一舉一動。朝廷與官府相鷓然疑之。曰此民之欲反對我也。此不測之可憂也。上欲籌一款興一業。平民亦相與鷓然疑曰。此必朝廷與官府又欲計算我也。此特藉斯高美之名以增其宮廷之費。飽其囊橐之私也。而我之困苦何如也。雖至極困難極危險之境。漠然兩不相痛癢。上欲勝而下欲敗。上欲保而下欲亡。夫至於上欲勝欲保而下反冀其敗與亡。則其失信用之深爲何如。嗚呼。孰知黑暗腐敗國之實況。固有如是者乎。今之俄羅斯殆其證。而我中國今日尤於上

一斑之情勢。歷歷不爽者也。吁嗟乎危哉。吾朝廷而欲不敗不亡乎。其必立布憲法與民更始。以復其信用之實。而後求存之術可得。而講吾國民而欲不爲外人之奴乎。其必立斬前此敗羣之性。私利之毒。力求信用。而後自由之福可得。而享朝廷。勿視民政自由爲不道之談。民政自由實所以爲鞏固國本計。吾民勿視公德合羣爲迂腐之言。公德合羣實所以爲保爾身家計也。信用之能復與否。吾中國前途將於此卜之哉。

論社會衝突之爲害 錄七月初五日警鐘報

嗚呼。時至今日。凡夫學士儒生社會衝突之風潮亦甚亟矣。開嘗推究其故。則知事恆出於纖微芒芴。與夫猥鄙齷齪不足道者。居十之九焉。當是時。脫有優容大度者處之。何莫不可銷弭其迹。象而世弗能焉。則堅忍之功。有未造也。而且有宵人間之。因是益益構結益益激厲。而一日橫潰不復可遏。制乃墜。落於讒口之中。而效果因以不良。嗚呼。豈不悲夫。吾感於是。吾不能不卽衝突之原因。析而明之。蓋厥故有二。曰學校之衝突。與交際之衝突。是也。學校之衝突。其因有造於管理。及教習者。有造於教習及學生者。大抵官學校多專制。故管理及教習之人恆強硬。以臨其生徒。而過恆屬之。民學校多共和。校長則避嫌謙退。不復敢自擅。而教習之擔任義務者。與學生之相聞自由者。往往藐忽其自治規則。而不克建

守。或且任意違抗。焉破毀焉。抑浸淫至於侵鑠。管理者之權限焉。於是共和者亦復飛書馳檄。旗鼓聳張。咸轟轟然自以爲虎嘯龍翔。登舞臺而演大革命之慘活劇矣。噫嘻。未成排外先閱同胞。安顧將來聊抒敵愾。吾言及此。吾心盡然。

若夫交際之衝突。蓋又難言矣。或以公德之虧損。而石交化爲仇讐。或以私德之腐敗。而公衆引爲詬病。遂至團體解散。志士灰心。取笑方聞。召誣道路。歷觀三數年來。名士如鱗。學會如林。其始何嘗不出肺腑。以相示翕。然可貞千古。而不背迨夫大體既合。形式具陳。於是自圖便利者。乃日出其廬山之真面。手專制而口共和。貌仁義而心盜賊。詭秘譎詐。輕薄無恥。凡夫世界上一切社會。惡劣之狀態。無不循漸而呈露。不遺識者。知其然也。恆背議。其是非其不能忍者。且悻然發於詞色。而衝突之端。以起。乳臭好事。罔識世故。往往樂道人之短。長而顛倒播弄於其間。或者不察而過聽之。卒且爲播弄者之傀儡。萬一即解而此後之感情。已傷。雖欲爲社會計。而愛力已無所施。其可奈何。不幸一判而不復合。則私怨愈構。而愈深。團體益散漫。而事益不成。徒日滾滾於醉生夢死之中。以聽異族之繫割。而不爲計。而黃帝之子孫。微矣。悲夫。

要之今日之社會。一往者極腐敗之社會也。今日之人格。一殘缺不完全之人格也。而所見

皆新世界之人。所聞皆新世界之事。所希望步武而欲仿效之者。皆新世界之盛德之大業。故其為狀也。不特如蚍蜉之撼於大樹。且無異螻蛄之不知春秋。力薄智單。漫無統紀。狼奔豕突。卒於成功。彼道德持重。有志氣之倫。目擊一般志士之擾擾攘攘。既浩然抑志。不樂側身以為之援。而乖僻苟賤。剛愎驚戾之夫。乃得矯情飾行。以圖廁其間。故訓之不聞。儒術之不素習。舊道德之一無所有。而哆哆然掉臂少年之場。以沽名而釣譽。卒之學殖疎淺。能力無多。成事不足。而敗壞有餘。乃始媿藉憤激。決藩籬而去之。而世事益難為矣。夫才非若羅賓遜。則烏能託孤島之蹤。賢聖非若有媯氏。亦何嘗加四兇之誅。東林復社。皆君子而與為仇者。亦即其朋黨之人。則勢為之也。是故有合羣者為之倡。則即有害羣者以隨於其後。惟明者知其害之不能免。務各返本而歸於實。先自完其人格。使母貽人以口實。然後乃甄擇賢良。別裁偽士。斟酌損益。即舊社會之腐敗而革新之。去其蠹矜守其樸。誠母徒炫於標榜。母相尚以攻訐。篤實沈毅。力矯時趨。寡言敦行。闔無聲光。夫如是行之十年。而謂其勢力有不潛布於全國者。吾不信也。仲尼曰。言必信。行必果。硜硜然小人哉。吾願為今學士。儒生三復。論之。

最近之優劣談 錄七月初七日時報

嗚呼。物競爭存。優勝劣敗。豈不然哉。然而天演學家之爲言。皆深微幽遠。奧蹟縱橫。常智之士。已怖其言。猶河漢之無極。況於深閉固拒。汝閻鄙儂之衆。其抵死不悟者。又何怪乎其然也。憂時子諦思之。欲爲一切衆生說法。非就一切衆生之根器淺深。爲比例差。雖奪佛生世間。獻百千萬億化身。一一化身有一一微妙舌。一一微妙舌中出一一微妙音。如是普度一切衆生。各各生大智慧。得大解脫。而衆生根器淺薄。顛倒迷惑。認賊作子。執迷爲眞。終不得度。此無他。衆生之根器淺。而佛法之理想深。故成反比例。天演家之學說也。亦然。斯賓塞曰。民之察理也。常易其專顯。而難其渾元。蓋謂此也。憂時子曰。欲普度衆生。使各各澈悟。惟就淺近之現象。作普通之說法。或者於今日之社會程度。其庶有合乎。今請以競爭優劣之理。作淺近易解之說。爲吾國人畧述之。

一、因貧富之故而生優劣。此殆爲全世界人類所不可逃之公例矣。夫謂貧者生而即劣。富者生而即優。此其說微特未易收公同之信認。卽其理由。亦不能達圓湛之域。蓋凡一果之成。常始於無數之因。或錯綜數十事而結合一果。或積累數十年而結合一果。而貧富之分。爲優劣。亦卽以此之故。試取一窶人子與一富人子。使同受一班之教育。同一服食起居。同一學年畢業。則其成就也。必不甚差異。無如貧者往往不能受完全之教育。而常爲勞動之

經營。以勞動故而精力消乏。神經驚緩。其生長之發達。因之妨礙。而且屋宇淋瀝。空氣不足。飲食不精。血液枯敗。觀於疫癘之興。多鍾於勞動之衆。是其明效大驗也。且以貧故而婚嫁不能以時。因之有無室無家之苦。而男女願睽。生人道苦矣。以之與彼富人受完全之教育。服食起居。一切有制。婚媾及時。衛生有道。同立於此世界。無論尙有天行之淘汰也。即此人事之不齊。已居必敗之勢矣。

一、由巧拙之故而生優劣。語曰。巧者不足。拙者有餘。嚴氏幾道有言曰。資生之物。所加多者有限。有術者多取之而豐。無具者自少取焉而嗇。豐者近昌。嗇者鄰滅。此殆爲巧者與拙者比例之言也。巧者役智。拙者役力。巧者役人。拙者役於人。巧者發一理想。創一器用。常利及百年而已。亦食其莫大之報。拙者形神交敝。日昃不遑。而所獲常自給一身而不足。因巧拙故。是生貧富。富富既形。而勝敗之數。不可道矣。

一、由勤惰之故而生優劣。語云。勤能補拙。記曰。人一己百。人十己千。果能此道矣。雖愚必明。雖柔必強。又語曰。專精之至。神明自生。泰西近世發明汽力電力之功。何莫非由專門實業家之專精而生。然則巧拙初無定程。亦視其人之學力何如耳。又近之學者曰。凡生物之能力。以善用而長存。若安於廢弛。則其生物之能力。能自消於無用。若吾國今日之仰食於人。

分羣之利而不事羣之事。而卒之爲羣大害。一旦與他羣遇而敗亡隨之。故今之視國家之興亡者必決於民羣之榮悴。欲知民羣之榮悴必決於民族之優劣。勤者常優。惰者常劣。此一定之理勢。而人間世事類若迴波。一波動而漾洄連演。相續不絕。如是轉相爲因。轉相爲果。因勤而生巧。因惰而生拙。巧者能富而拙者常貧。富則優。貧則劣。優必勝。劣必敗。此即吾所謂一果之成。常始於無數之因之說也。競爭之道在於能勤而已。

抑吾所謂富者。非如美之託辣斯。歐洲之各大公司。大富豪。吾國之豪商富賈也。必合通國之人。平均而計之。約各各能自營業。待食於人。分羣之利者。日少。則吾一羣。乃受莫大之幸福。而將免於劣敗之數。否則富者愈富。貧者益貧。貧者占一國之最大多數。而富者不過有數之人物。穆勒約翰有言曰。產有限而食無涯。生類固有不並存之理。陰既長矣。陽則必消。蓋此有所盈。則彼有所絀。此泰西近頃所以有均貧富之黨派也。近世歐美通行之政治學說曰。以少數貴族之專制。而壓抑多數民族之自由。國未有不受其害者。吾今爲之下一轉語曰。一國之財力。常壅於少數之富豪。而不普及於公衆之社會。則其民族久將自爲羸弱。而卽於消亡。而況乎外界經濟競爭之風潮。且掀天揭地。而以吾國之商場爲其尾閫之洩也。斯賓塞曰。文明之民。以自治立。自哉言乎。

社說

一百七十八

八月

論太平洋列強之勢力 錄七月初九日警鐘報

近世以來。歐美各邦。實行帝國主義。而威力之加於東方者。遂釀中國瓜分之禍。雖然。西人之謀中國。非一朝一夕之故也。必先取鄰近之地為根據。然後乃逞併吞。故太平洋列島者。中國極遠之屏障也。而西人之吞滅列島。又瓜分中國之遠因也。則太平洋洲凡以東各島及澳洲亦在其中與中國之關係。豈淺鮮耶。吾試即列強侵略之次第觀之。

西人當十六世紀時。約當中國明代發明航海之術。而馬克哥羅東遊。可崙比亞西適。致歐洲各國。悉以擴張境土為方針。今舉列強對太平洋之勢力。分為三期。一曰西葡荷盛興時代。二曰英法繼興時代。三曰德美日漸興時代。

葡人越非州大浪山。入印度洋。以柯亞為根據地。浸假而據蘇門答臘爪哇矣。又浸假而至馬鹿加島及澳洲西北矣。雖然。葡人之勢力。能及太平洋以西而不能加太平洋以東。故提摩海以東。無葡人之屬境。當時之西班牙。則何如。葡人之勢力。由西而徂東也。西人之勢力。由東而加西也。觀其越中美洲之腰。繞麥遮蘭之峽。而加洛來因沙賽的非律賓諸羣島。盡入版圖。而商業之交通。遠及婆羅州之北境。其績不亦偉哉。

繼西葡而航海者。則有荷蘭。荷蘭之闢地何如乎。當此之時。葡人商業盛於西。西人航路開

於東。而荷蘭殖民之地。則在赤道南緯二十度之間。故新錫蘭及澳洲之東西。皆其屬境。雖然地勢無常。惟強是視。葡西之殖民地。遂一變而爲荷蘭所有矣。荷蘭之殖民地。遂復一變而爲英法德所爭奪矣。居今日而披太平洋之圖。西班牙之屬地。曠然無聞。而葡人之商埠。亦僅地本耳島東境之一隅而已。不亦可歎也哉。

當西葡之航海也。英人之勢力。僅及於印度海岸而已。而至今日觀之。則握太平洋之實權者。非英也。耶。英人之殖民地。首重澳洲。新西蘭者。澳洲之屏障也。取盧義西阿達飛及諾耳弗克東佳駱齒馬諸羣島者。所以通美洲之航路也。守新幾尼南境及婆羅洲北境者。所以通印度之航路也。英人之勢力。所由固與。

當此之時。太平洋之列強。僅有荷英二國已耳。英人由澳洲而拓境於北。荷人由爪哇麻鹿加西里伯錫蘭木魯。以拓境於東。而戰爭之禍以開。

法人嫉英荷二國之盛也。遂亦實行航海之政策。其所拓之地。大抵在英人屬地以東。觀其取摩楷薩斯征康拜取沙賽的洛牙耳。何一非與英爭利權乎。況新加勒多尼一島。在英屬各島之間。使法人即其勢力擴張之。非英人之不利哉。

今日之時何時乎。今日之勢何勢乎。非德美日漸興之時代哉。德人以新幾尼東北爲根據。

地。於東則開俾斯木克新不列疑新愛蘭沙暹蒙。以與英人均勢。於北復取加利來因馬利安。以與西班牙起釁。近者德人勢力。浸及荷蘭屬島之中。一旦荷蘭起戰爭。則屬島必為德人所有。德人之勢力。不亦大可畏哉。

斯時之美利堅者。亦棄其門羅主義。而期帝國主義之實行。檀香山則視為保護國。菲律賓則奪其自主權。致太平洋航路之權。半為美人所操握。而西班牙之勢力。遂從而歸於消滅矣。此近日美人之奇績也。日本者。固自古以來孤立東方之國也。今者開小笠原。奪臺灣。以謀伸權力於東境。使無德美二國阻其前。則日人之威力。必早伸於太平洋之中矣。觀壬寅之年。日人與美人爭島。東即小笠原以亦足見日本之志。非小矣。

要而論之。西葡之於列島。能有之而不能守也。荷英法之於各島。能有之而並能守也。德美之於列島。能有之而並能奪之他人也。居今日而推測未來。吾知太平洋之勢力。必將為德美二國所獨擅矣。

及返觀之中國。當明代之時。若鄭和之流。亦以海師南下。而錫蘭蘇門答臘爪哇之屬。悉作藩臣。自此以來。中國人民。其至菲律賓各羣島者。以數萬計。使能實行殖民政策。則南洋羣島。必入版圖。一以固漢族之藩籬。一以阻歐人之東漸。詎非中國之遠略與。而卒為西人所

有者。則以將臣之關。士知耀武而不知殖民。而人民之遷徙於外者。又知殖民而不知耀武。視西人以兵力助殖民之用者。夫固有霄壤之別矣。此其所以召列強之禍也。

吾因太平洋列島之滅亡。而推其所以滅亡之故。蓋五洲萬國。以太洋洲之開化爲最遲。夫開化之速。由於列強之爭。由爭而智。由智而強。故世界之開明。多由於強鄰之逼處。今太平洋列島。界亞美二洲之間。孤懸海際。各戴其酋。各守其俗。草昧榛莽。終古鴻荒。人民熙攘。至老死不相往來。於此而欲進文明之域。豈不難哉。此歐人東漸以來。所以悉罹慘禍也。雖然。太平洋列島之民。不過島夷之流亞耳。然檀香山菲律賓之民。稍被文明之化。尙有獨立自主之風。彼世之受制他族。而不思抵抗之策者。其智識不更出島夷下哉。是可歎矣。

鐵侍郎南下之關係 錄七月十三日時報

六月初九日。得京友傳來消息云。兵部鐵侍郎。近奉赴南部各省清查藩庫及各局廠。又赴萍鄉查勘製造局基址之命。記者聞之。欣然色喜。以爲南省士民。何幸得此。日夕翹首望使節之至。若大旱之望雲霓。乃流光如駛。忽忽者又一月矣。本月初十日紀。侍郎於初八日始請 訓出都。記者於此。竊有感焉。夫侍郎此次奉 命南下。上意所在。一清查藩庫。二清查各局廠。三查勘製造局基址。合而觀之。要皆不出乎理財之計。第一第二。搜剔贏餘也。

駐說

一百八十二

八月

第三。節省經費也。凡此者。皆為理財計也。顧所謂清查者。必以南。部。各。省。藩。庫。局。廠。已。有。侵。
 漁。中。飽。之。弊。已。達。乎。一。天。聽。故。皇。上。以。侍。郎。公。忠。體。國。必。能。忘。家。忘。私。乃。以。此。舉。相。屬。此。
 在。今。日。為。查。辦。事。件。之。欽。差。即。漢。所。謂。繡。衣。直。指。使。巡。行。郡。國。之。故。事。也。然。記。者。於。此。竊。謂。
 政。府。於。此。項。清。查。事。件。苟。不。欲。得。其。情。實。則。正。無。事。乎。虛。有。此。命。必。欲。得。其。情。實。則。當。下。
 嚴。密。之。命。欽。差。公。正。大。臣。馳。抵。應。行。清。查。各。省。而。此。大。臣。不。能。仰。體。上。意。則。已。否。則。
 奉。命。後。即。輕。騎。疾。行。馳。赴。應。行。清。查。各。省。施。其。迅。雷。不。及。掩。耳。之。手。腕。尤。莫。妙。於。先。派。親。
 信。偵。探。布。置。各。省。其。經。過。及。所。到。之。處。無。論。京。外。官。均。免。見。地。方。官。除。應。辦。供。張。外。亦。無。庸。
 置。地。方。應。辦。事。件。伺。候。行。轅。至。於。訪。閭。閻。之。疾。苦。攷。政。事。之。得。失。應。俟。奉。命。清。查。事。件。已。
 畢。乃。不。妨。召。地。方。官。吏。及。紳。衿。相。與。討。論。冀。以。宣。上。德。而。通。下。情。然。猶。不。得。淹。留。即。宜。回。京。
 覆。命。如。此。則。人。臣。事。君。之。道。其。庶。幾。或。得。一。當。焉。不。然。清。查。之。命。既。先。一。月。使。天。下。聞。
 知。則。該。各。省。官。吏。自。知。不。肖。必。遭。彈。劾。必。預。為。彌。縫。之。計。趕。造。清。冊。濫。開。浮。支。而。又。巧。本。省。
 大。吏。之。庇。護。或。逕。乞。京。員。之。救。援。多。方。請。託。必。達。其。面。面。俱。圓。之。目。的。而。後。止。縱。使。欽。差。有。
 汲。長。孺。之。慙。李。元。禮。之。直。包。孝。肅。之。清。守。法。不。撓。臨。事。不。惑。恐。終。不。能。覲。若。輩。之。破。綻。六。如。

本報政界紀聞載欽差南來之預備條下云江督魏午帥日昨札行宿縣設法彌補並飭士將全
 錄正雜各款查明數目趕緊造具四柱清冊分知有據據虧空速即設法彌補並飭士將全

陸兩總辦局江南銀元局及其他各局所各將現辦實在情形詳具報從前所有積弊
務即迅速革除淨盡開支亦即迅速裁汰員司人等尤當力除怠玩通飭各屬遵行等因觀江
督此語亦若深懼侍郎此次倘澈底清查必與自己統率僚屬不能身先作則有所藉口而
特爲此佛脚之抱此無怪近時奉 命查辦事件之欽使往往以查無實據一語復 命者
項相望也乃侍郎此次奉 命南下正復坐踏此弊其能孤行己意與否要不可知記者於
此竊就管見所及爲侍郎效芻蕘之獻倘亦公忠體國之君子所深喜而願聞者乎
凡欲詰究一事之底蘊苟非就種種方面參伍錯綜以攷覈之必不能得其真相也蓋人事
繁、蹟、因、緣、複、雜、真、相、所、在、常、出、於、此、事、本、相、之、外、加、以、吾、國、上、下、巧、飾、情、意、蔽、塞、而、吾、人、之
所、聞、見、又、常、不、免、於、狹、隘、則、僅、就、一、事、之、方、面、以、推、測、事、實、之、真、相、者、無、怪、乎、與、歷、物、之、意
相、違、也、吾、以、爲、欲、祛、此、蔽、在、集、多、數、之、智、識、以、釋、此、蕃、變、之、理、由、而、已、即、如、侍、郎、此、次、之、南
下、也、可、以、用、吾、前、說、以、收、著、然、之、效、也、而、所、恃、以、實、用、此、說、者、請、略、以、三、事、爲、斷。
一、班、之、輿、情、不、可、不、周、咨、博、訪、也、東、南、爲、財、賦、所、萃、此、說、既、深、入、於、忠、君、后、效、媚、茲、者、之
心、故、凡、欲、圖、報、效、者、莫、不、專、注、於、東、南、財、賦、以、供、西、北、之、度、支、故、自、甲、午、以、來、迭、經、庚、子
之、變、兩、次、賠、款、各、省、均、攤、而、東、南、以、數、省、獨、當、天、下、之、半、於、言、利、之、臣、益、信、東、南、財、賦、所、萃
之、說、爲、不、謬、矣、殊、不、知、起、視、吾、民、其、轉、溝、壑、而、踏、饑、寒、者、已、日、殺、吾、數、千、萬、之、民、而、自、今、以

社 說

一 百 八 十 三

甲 辰

往。且相續而未有窮期也。夫東南風俗。素稱文弱。民重禮教。乃近頃以來。亡命社會之團體。直以揚子江一帶。爲其中心點。伏線殆遍。觸機卽燃。致使借端鬧教。抗捐罷市之案。相尋不絕。此皆民不聊生之苦。況強迫而出此者也。東南文弱之民。尙如此。西北強悍之俗。更可知矣。故輿情。不可以不加察者。此其一。

一報章之清議。不可不兼收並蓄也。西哲云。報館者。政府之監督。輿論之代表也。泰西各國。君主之權有限。其行一事也。既與議院以協商之權。而又有政黨以互勸。猶慮其不洽輿情也。於是博採之輿論。以爲其後援。報館者。乃適爲輿論之代表。要之報館之職業。在泰西實握一國無形之政柄者也。吾國報館。雖尙未必有此資格。然而其所議論。則皆天下之公言。而非一人之私言。則吾斷斷乎敢爲之決也。爲天下之公言。則必爲其一羣之最大多數謀。最大幸福可知也。故清議。不可以不採擇者。此其一。

一士民之上書。不可不虛懷樂受也。明目達聰。重華所以昭帝德。集思廣益。武侯所以效公忠。且也爲人謀者。之不如自爲謀。受人治者。之不如自爲治。既爲世界具普通知識者。所公認矣。故處局外而言局中之利弊。固不如身受者之言之能詳且盡也。蓋受士民之言。論其取徑較捷於紳衿紳衿之所建白。往往謀貴族專制之權利。其去官之階級甚近。故常與地

方官。因緣爲奸。是以官吏之不肖。紳衿或出而袒護之。紳衿之把持。官吏常無可如何。至於士民。則其去平民之階級已近。其於四民社會之真相已實。自與於身受者之列。故其言常能披卻導窾。善達多數人之情意。故士民之上書。不可以不謙受者。此其一。

右所論列。未嘗就侍郎今日奉命清查之事件一方面而言之也。然而清查之道。依吾所說。亦從無不得其情實之理。而清查之後。猶有事焉。竊聞侍郎此行。或疑其真意在於集權中央。以爲預防家賊之計。若果然。則是助長國民之離心力。適足自危其立國之基礎耳。豈記者之所敢復道乎。嗚呼。河決魚爛之勢。觸目堪傷。覆巢破卵之危。噫。願我侍郎藉此一行。爲我國前途立長治久安之大計。而毋使東南各省。稍有怨國家不免於私自利。是侍郎之所以不辱使命者在此。而亦即記者之所厚望也。

論朝廷名實之不相因 錄七月十三日嶺東日報

今日措事者之離奇。意常在甲而故託乙以出之名。與實常截然成反比例者。未有如朝廷之甚者也。庚子以來。疊詔維新。敦促疆吏以施行者。未嘗不三令五申。而外則言詞奮發。內則謗敗更甚。名則革舊趨新。實則頑持不已。說者謂每一變法之詔下。樞臣必陰囑疆吏。以勿實行。雖言者之過甚。而以朝廷之不實。意振作不由人之不疑議及此。極而至於今日。東

三省之禍端。爆發未已。而各國擴張勢力之野心。又各向吾分途而進發。國勢之危。實較庚子爲更甚。而朝廷初無感悟奮發之心。俟之久而又久。方於五月間而有節省用費裁減內務府人員暨京內外冗員之詔。有停止萬壽筵宴禁祝嘏卻進獻之詔。有整飭吏治令督撫嚴核各州縣政績之詔。綸音數頒。宇內氣象。煥然爲之一新。在實際本無甚關係。卽此數端。亦今日朝廷分內當止之事。而自天下人士觀之。已不覺慶喜無量。以爲朝廷既有其初。必成厥終。庚子以來所因循而莫革者。今而後或可變之一旦。蓋所責望於朝廷者。固非特僅僅止此而已也。乃自下詔至今。於政界之改革。仍絕不見其影響。而惟見朝廷朝促各省以派捐。夕遣一臣以查庫。心目所注。未嘗脫庚子以來之範圍。而讀五月二十八日之上諭。尤爲言之不成其理。似前此數諭。特借以爲此諭。張本而直以爲搜括貲財。張本也。諭中有曰。豈宮廷服御之用可減。外省浮糜之費獨不可節乎。豈內侍奉御之官可裁。局所浮濫之員獨不可去乎。夫此意果何爲者也。吾非謂外省浮糜之費不當節。局所浮濫之員不當去。而特以語氣之間。朝廷之節減內用。裁撤冗員。似特藉爲督責疆吏之口實。當前此數諭之下。而其胸中早已擬有此籌款之詔。是朝廷之用心。仍非爲政治上之改革。而特借此以稍稍飾人耳目。以爲淨盡搜括地步也。且今日朝廷似尤慣爲順民之語。以行其私。讀籌款諭中。

似無絲毫涉民之意。而其實如別釐中飽清提陋規等語。豈朝廷所宜出此。官吏之中飽多。取之於民而非取之由上至陋規尤不肖官吏之所以侵削民者上果有心民瘼除而去之。可矣。而從而提之是朝廷之與貪劣官吏爭利也。奚可哉。以今日政法之腐敗朝廷既美其名稱而以間接之法取之於官吏者取之於民官吏未必甘盡失其私肥而又以重重苛刻之法取之於民久之而朝廷官吏皆飽颺而去所苦者仍我民耳。又安在其不擾民生不傷元氣哉。且朝廷之籌款其目的似專為練兵。吾非謂兵之不當練。而特以今日之勢非大舉政界而改革之不足以救亡。決非練數萬之兵可以有恃無虞而徒練勁兵以自衛。尤足滋天下人之疑惑。且不舉全體精神而振作之。練兵亦仍糜費之一端。將來籌款有著亦仍不過歲耗數千百萬巨資而已。試觀練兵處之司員無慮數十百人坐享優資而不聞辦一事。可以為日後之影子。雖練兵而兵仍虛名乎。矧吾所慮者尤不備此也。五月中方飭釐定宮廷費用。不得調動戶部之款。而內務府更開戶部以宮內費二百萬。種種名實之不相符。又誰知其此次籌款果為實心練兵否耶。嗚呼。國事顛危。勢不容髮。及今改革猶難保其存亡。而朝廷好以自欺欺人之舉動自矜得計。其謂之何。夫有庚子以來名實不符之維新。而後致有今日之危。今復實之不與名相因。若斯其結果。又當如何。勿謂虛名可長。以欺人亦思。

社說

一百八十七

甲辰

日暮途窮有欲欺而無可欺之一時也。

社說

一百八十八

八月

論義和團第二次之出現 錄七月十九日中外日報

有人焉以一己之私為衆人之公。忍不能忍。以求遂其大欲。於是擲人之命如草菅。用人之財如泥沙。行其滔天之凶。以買丘山之禍。一擊不中。脫然事外。而惟不與聞者。承其殃焉。此何如人也。得不謂之凶人也耶。雖然。成事不說。遂事不諫。既成往事。則亦已矣。然而此人者。則方有不已之勢。彼將括吾人所未捨之命。竭吾人所未罄之財。以圖萬一之微倖。設其不遂。則橐載而去之。而遺其禍於吾人。與往事等。此何如人也。非至凶之人也耶。以此至凶之人。而將行其極凶之事。而事在將然。未然之間。於此之時。間不容髮。吾人而無知。則已。吾人而不知之。則將何以處之。吾知衆人之意。必僉謂當亟鳴鼓而攻之矣。知此而後。可以論義和團第二之事。考義和團之發難也。在庚子之夏。而其豫兆。則現於己亥之秋。己亥之秋。朝廷縱金伐鼓。而告天下曰。吾當籌款。吾當練兵。未幾即派剛毅南下。敲骨吸髓。所過如洗。天下之人。道路以目。然卒無如之何。任其得滿所欲而去。天下之人。卒不得其解。方謂剛毅為榮祿所排。而暫出外也。剛毅既已飽掠歸。李秉衡繼之。所到之處。輒詢曰。現兵幾何。洋人幾何。不復言及他事。於是識者知朝廷宗旨之所在矣。洎乎明年。而拳匪之禍果起。焚掠市

肆。凌辱精神。塗毒無辜。違反秩序。數日之間。上下皇皇。不復知有其生。此固不待有聯軍。而北方二百餘年之元氣。已索然盡矣。逮至聯軍既入。畿輔之間。無一乾淨土。室無完器。女無完節。在當時者。固不足言也。直至於今。行乎吾之野。而見吾之小民。一筋之肉。一瓶之酒。無不重稅。富者爲貧。貧者爲餓殍。鶉衣流汗。日夜不得息。稍有風雨寒熱之變。則轉死於道路。政府曰。爲賠款。故不得不爾也。督撫曰。爲賠款。故不得不爾也。州縣曰。爲賠款。故不得不爾也。勸捐之紳士曰。爲賠款。故不得不爾也。於是民之仇外益深。而教案愈不可制。教案益多。而戕賊益甚。其事無窮矣。游於吾之朝。自至尊以至有司。百執事一遇外人。則色動心折。不復能自爲地所知者。重制吾民。毋逆外人意耳。而國家至此。乃不復成其爲國矣。向使當日於剛毅初南下時。我之農商。能知其故。分文不相予我之士夫。能知其故。一語不相借彼。於謀之已洩。而財之不聚。庚子之難。必不卽作。而中國之保全者。不可勝道矣。惟吾之人。既不能逆。退於事前。并不能推原於已往。致使樂禍之人。無復忌憚。而欲從容以圖再舉。今者鐵良之來。又搥金伐鼓。以告天下曰。吾當籌款。吾當練兵。噫。此何聲耶。吾猶耳熟之矣。今吾東南之元氣。又不及庚子時。若任剛毅第二。再造一次義和團。則彼固無傷。而吾人之亡國滅種。必矣。本報深望吾東南之人。上自督撫。下至工商。皆徐察鐵良南下之動作。而先自爲

社說

一百八十九

甲辰

地。以。待。之。也。
社 說



諭旨

旨工部員外郎著孫登煊補授直隸廣平縣知縣著曾覺章補授直隸容城縣知縣著劉寅補授直隸南和縣知縣著如錫章補授直隸任縣知縣著謝麟芝補授四川平武縣知縣著夏書紳補授貴州鎮遠縣知縣著余應雲補授河南滑川縣知縣著金樹堂補授福建沙縣知縣著鮑德名補授江蘇六合縣知縣著李明鑄補授截取舉人吳本基李璩吳元耿趙葆祥俱著以敘職用寇從仁李昌煥王國賓張爾吉江甯經俱著以知縣用戶科筆帖式著奎蔭補授繙譯進士富爾遜著以庶吉士用依星阿著分部行走廕生崇蔭賽薩春俱著以待衛用景裕著以文職用景存著以旗員用朱煜森徐迪祥鹿學檀陳絨陳燕秦劉祖蘭李如棠福兆張璋俱著內用李廷銳余紹襄李烈欽俱著外用擬補江南道監察御史錢能訓著准其補授截取福建道監察御史蔡曾源堂江西道監察御史周樹模俱照例用保送直隸州知州禮部主事李世祥吳國鏞俱交部記名以直隸州知州用保舉甘肅補用知縣蔣人杰湖北補用知縣黃仁蔭廣東補用知縣王明奎俱照例用擬補刑部司獄莊祖烈著准其補授擬補兩浙鳴鶴場鹽大使蕭詩言著照例用解餉官江蘇試用知縣周南著歸候補班前補用病痊前福建詔安縣知縣厲嘉修著照例用開復前湖南龍陽縣知縣上官慶著准其開復原官仍發原省照例用捐復前山西夏縣知縣何濟元前河南輝縣知縣廉傑前江西零都縣知縣劉命德俱准其捐復原官照例用欽此 諭旨本日引見之補用道岑春蔭著發往江蘇以道員即補明保山東補用道朱鍾琪湖南試用道俞明頤湖北補用知府葉景葵著於十九二十二日預備召見直隸州用甘肅候補知縣史文光著仍留原省以知縣即補湖南試用知縣陳廷緒著仍留原省以知縣補用欽此 七月初九日

上諭鐵良現在出差兵部左侍郎著榮勳兼署欽此 曾鐵良現在出差正藍旗滿洲副都統著岳樓署理欽此 初十日
上諭周馥奏山東黃河伏汛盛漲下游北岸利津縣境灘莊堤岸漫溢情形一摺本年五月下旬雨多晴少河水逐日增
漲六月以來利津縣南岸十六戶廢墟冲毀溜勢自鹽窩下移灘莊堤岸潰溢口門刷寬一百餘丈被淹二十餘村莊鹽
灘三十一區雖因堤曲浪湧人力難施究屬疎於防範所有防汛官員候補知縣張瑄試用從九品王篤明管戴津北營
游擊王得坪哨官守備趙興禮著一併革職留工効力署利津縣知縣吳士釗著革職留任總辦下游道員朱式泉提調
試用知府高令蒞著一併交部議處周馥督率無方著交部議處仍著嚴飭各工員竭力保護毋得再有疎虞所有被災
地方著卽遣派委員迅放急賑妥爲撫恤毋任失所欽此 上諭錫良奏川省連月大旱猝成巨災懇恩賑恤一摺本年
四月以後夔州綏定重慶順慶保甯瀘州六府資瀘兩州所屬徭陽連月田疇荒廢前據錫良電奏業經諭令速籌賑濟
茲據奏報亢旱情形甚重小民困苦顛連實堪憫惻所有被災地方著發給帑銀十萬兩以資賑撫並准其開辦賑捐寬
籌款項遴派委員趕緊賑濟務當督飭盡心經理核實散放毋任一夫失所以副朝廷軫念災黎至意該部知道欽此十
二日

曾慶生慶沅著以文職用嵩莖著以文職用桂鑫著以侍衛用江春霖趙啓霖廖基鈺趙熙米毓瑞程友琦謝遠涵吳緯
炳俱著記名以御史用分發河南道劉雨田湖北道周學輝直隸知府譚駿謀四川知府孫澤霖山東知府趙世愚河南
知府周錫綸浙江知府汪一麟奉天同知屠慶溥河南同知曾錦陳永熙雲南同知楊巨川四川直隸州知州文德龍安
徽直隸州知州黎肇熙浙江通判劉念詒江西通判李傳統湖南通判陳蔚章林鈞立鄭立德林瀛四川通判姜彬四川
直隸州同宋之佐奉天知縣耿蓋臣直隸知縣宮守道江蘇知縣陳守最安徽知縣郭維泰山東知縣張以誠河南知

縣實文祺江西知縣宋承毅廣西知縣蔣體昌直隸知縣陸嘉藻江蘇知縣朱壽枏余德廣張兆韓朱世旦安徽知縣張沅山東知縣饒桂森山西知縣椿齡李金鎔河南知縣張金亭甘肅知縣陳家猷浙江知縣賀家德江西知縣金保權陳守義湖北知縣沈殿湖南知縣黃鏡澄陳棠余龍德四川知縣武繼祖梅承勗吳鴻壽廣東知縣王志恕廣西知縣黃成恩山西布庫大使林陽煊兩淮鹽運大使任毓岫盧昌盛擢宜德廣東鹽運大使高碧天俱照例發往 東陵工部員外郎著書麟補授擬補內閣中書溥賢慈胡傑授張振湘杭州將軍衙門右翼筆帖式迎陞俱准其補授擬補兩浙清泉場鹽大使蕭鴻章著照例用保舉山東補用知縣冬向陽錢正芳俱照例用開復前河南湯陰縣知縣褚輝祖著准其開復原官照例補用欽此 十六日

上諭柯逢時片奏記名提督廖景銳駐紮平山被叛勇圍困全營裹脅從賊據稱現聞爲匪所殺廖景銳著先行革職撤銷勇號仍著確查辦理候選知府雷震南帶領桂防赴嗣數月毫無布置原營舊勇隨意更換缺額甚多著革職嚴行審辦副將拔補把總閻榮卿於廖景銳從賊不肯順從隨同官軍進勦力竭陣亡著交部從優議卹餘著照所議辦理欽此

上諭柯逢時奏特參庸劣不職各員一摺廣西准補容縣知縣周紹澗庸劣巧滑縱匪殃民署歸順直隸州知州候補知州柳鍾貪黷怨成專事苛罰均著革職永不敘用陞補龍州同知鄭國楨終日醉鄉不理民務署上思直隸試用通判周漢寶性情庸懦辦事糊塗前署龍勝通判試用直隸州州判戴家善縱容家丁聽斷失當前署龍勝通判試用通判高藩貪劣無能遇事敷衍署羅城縣知縣栗彝才具平庸政事廢弛署靈川縣知縣試用通判陳爲翰志氣昏惰昧於治理署上林縣知縣候補知縣陳奎堂辦事因循難期振作署凌雲縣知縣候補同知顧樹勳差役厚徵毫無覺察均著一併革職准補陽朔縣知縣薛維均性情懶惰粉飾爲能恩縣知縣定保質性凡庸不知治體均著開缺另補丁憂廣盈

庫大使王嘉樹玩法誤公行同無賴融縣教諭李桂榮干預公事無恥已極岑溪縣教諭吳錫榮司教無方被控有案撤任西隆州訓導許慶慈圖充講席阻撓與學候補教諭文瀆包攬詞訟無惡不作上林縣三里營縣丞席克剛荒謬絕倫蒼梧縣東安司巡檢諸維清緝捕不力准補宜化縣三官堡巡檢蕭國楨收釐擾累署懷集縣慈樂寨巡檢補用典史毛敬熙貪鄙異常署武緣縣高林寨巡檢試用巡檢羅天琛操守難信署融縣思管巡檢試用巡檢李助胆大妄為平樂縣典史藍國鈞昏庸老悖富川縣典史馮家驊擅理民詞忻城土縣典史許希衍擅離職守試用州吏目謝績懋收釐不實均著即行革職永不敘用另片奏管帶右營補用參將傅光寶所部營兵藉匪滋擾著即革職管帶後營補用守備王冠英於哨弁守備楊慎然出隊時兵丁帶馬逃走緝拿無獲著革職永不敘用楊慎然著革職監禁補用知府黃淦岐治軍無方布置亦未合宜著以同通降補以示懲儆餘著照所議辦理欽此 上諭夏曾片奏參劾不職各員等語江西分宜縣知縣施聯元年少執袴離膺民社前署德興縣候補知縣陳公度辦事粗鹵違例濫刑安福縣丁漕委員候補知縣雷信孚縱容丁役怨曠煩與前辦官銀錢號候補知縣張仁荃曠日含馮物議滋多德化縣小池口巡檢邱錫恩擅受贖命萬年縣典史張從龍藉案索擾均著即行革職弋陽縣知縣吳慶揚目疾已久著開缺餘著照所議辦理欽此 上諭楊藩奏黃河決漲被災情形一摺甘肅皋蘭縣屬自六月初間連日陰雨黃河上游遽漸決漲至二丈有零河灘村二十餘戶梁被沖沒省城東南隅地勢極低適泉水暴發莫遏黃流關鄉內外悉成澤國統計救出災民二萬餘丁口業經樁著委員散放急賑惟甘省向受黃河水利該處河灘地畝已成村落一旦遭此巨浸小民蕩析離居深堪憫惻仍著該督妥籌賑撫所有庫存正雜各款准其移緩救急以資拯濟該督務當遵委委員核實散放盡心經理毋使失所以副朝廷軫念災黎之至意欽此 十八日

時評

政府之病狀

神而明之。謂政府不需人以行之。謂政府前後左右上下四旁無一息停滯之謂政府其諸有機體之一物也。反是數者則政府病其病狀則為麻木。

解之者曰。麻者血流凝滯之謂木者神經已絕之謂名之曰不仁不仁猶不人也。中俄以東三省事交涉有年。俄屢延撤兵之期。政府不之詰。可不謂為麻乎。日本之警告。歐美各國之責言。聽之若無聞也。見之若無視也。可不謂為木乎。日俄之將戰也。日本以中立事忠告中國。政府漫應之。且欣然以為能得一日安。非麻乎。三月俄滿洲艦事發。公文往復。稽延時日。東挑西撥。殆如木偶。非木乎。七月俄艦隊逸自旅順。一奔於煙臺。二奔於上海。煙臺之艦。為日軍擄之而去。上海之艦。雖有限期竣工即行出口之公文。然兩國均有責辭。不得已擬援青島案。以求位于第二之德意志。非麻者而能若是乎。連日日海軍猛攻旅順。計陷落便在旦夕。旅順陷。而日本海戰之局終。其陸上之軍。現已逼攻遼陽。遼陽陷。而日本之陸戰終。勝負既定。當即與中國開始交涉。而猶茫無成議。曠曠然為收復東三省以後之預備。前者政府中人頗注意于東三省收回以後擬改軍行各增道憲臣

以日使之詰責而止非木者而能如是乎。如木偶。然被人提其首。攝其足。以登于東亞大陸之新劇場。

吾聞諸醫。凡治麻木症者。或割折其某體之一部分。或以電力運動之。今日之麻木政府。由前之說。則中國二十一行省。屢割不一。割已形式之。僅存矣。由後之說。則自甲午以後。用之已十年矣。而終不可治。問東西洋諸醫學士醫士。對于今日之麻木政府。術何施。

時評

五十一

甲辰

不要錢之大官

中國官但得所謂不要錢三字。一若凡做官義務。於此三字盡焉矣。官所自負如此。民所期望亦遂如此。舉國上下所表率所奉行所勸勉莫非如此。果實乎則刻木為吏不更愈於此乎。即不論其他。第以不要錢三字論。所謂在任兩袖清風者。解任後真一肩明月耶。舉最近最著名不要錢如李秉衡。試問其所積蓄之兩淮鹽票何處來耶。以李秉衡概論他人。他人不問可知。雖然平心論之。中國之官。陽謂不要錢。陰實有不得不要錢。俸固薄也。且有而如無。官不分大小也。親戚故舊之來投。與夫上臺條子。朋友面情。下人乞求。均視此一官為乘人衣著飯碗。苟十百倍其俸金。亦不能不要錢。故官制不改。俸金不增。情面不絕。求天下之廉吏。天下無廉吏也。天下并無能吏也。

今日之儒將

吾不料以今日武備至廢弛人才至缺乏之中國。猶有所謂儒將。杜俞其人者。杜在江南統師久。其平日種種歷史。與其此次被命赴湘沿途逗遛之情形。滬上某報已著論昌言之。不贅述也。聞其道出申浦。道過花月。繼至湘中。盛張筵宴。其衣葛其扇蒲。又招致數武備學生。以當美術品。當裝飾品。真中國今日之儒將也。日本軍人。大都能詩。此次滿洲從軍。戰罷歸來。時亦有彼此酬唱之作。方之杜俞。吾未知度是相越。果何如。然軍人則因以殺敵。致果為能事者。軍備弛懈之謂。寬臨時不懼之謂。勇孔子儒者之大宗也。吾可不知對於今日之儒將。又何如。噫。已矣。軍人者。擁護國旗以行者也。軍之不張國。乃滅亡。雖然。此自有任其咎者。吾又何尤於杜俞。

三山會館歡迎會

前福建船政會辦大臣魏季清京卿瀚。近已到滬。在滬閩人。於七月六日。在四馬路三山會館大開歡迎會。列席者凡七

十餘人。極一時之盛。評曰。天下事。有非勢力。可以致而至者。雖以皇帝之尊。不能全於途。乞魏某。乃能使閩士。一致歡迎。者。斯何故歟。杜業爾。盤據福建船政局。幾八年。以政府之力。去一法人。殆如撼山。魏受任才。逾月。揮手却之矣。其於恢復國權。裨益船政大局。爲何如也。崇善嫉才。一疏劾罷。時非清明。冠履倒置。亦固其所。魏苟欲於桑梓。有所盡力。雖以匹夫之微。亦足以左右鄉國。世蓋有三公六卿。而唯唯。俸食者矣。則安見失敗。不猶愈於成功邪。羣望所屬。魏對斯會。其負責任多矣。各省薦紳。亦必有聞其事而興起者。特不審彼。賈鑄之鑿銘義。其視此舉之感情。又奚如也。

又聞之閩友云。方吾國遣士旅學之始。自閩船政局往者。以嚴復陳鶴亭薩鼎銘陳季同并魏五人。所成就爲最著。五人者。其一已死。存者皆落落寡合。又不免沈湎時尙云。烏乎。何其衰也。學之非其用行之。不以道。雖以尼父之聖。猶不能行於列國。况賢如魏氏者乎。魏秉受絕學。乘長風破巨浪而歸也。其必有乘時立業之心矣。既而一尼于杜業爾。再沮于崇善。向所蓄積。委棄榛莽。吾知其心中。宜抑鬱無聊。不平抑。因此自致於樂天知命之學。去之惟恐或遠。遂長此逍遙。閑放以終也。士君子貴。自樹立不得于人。則求諸己。魏負有絕世之殊材。苟有建白。安知左右之之。必無其人。通州張氏委身商業。所舉鹽務漁業之屬。要皆有大利于吾國。張材學資格。固皆出魏氏下。而猶有所盡力。然則魏今日。感於閩人歡迎之初意。又重以吾黨殷殷之所屬望。其自抱負。更宜何如也。天下多故。一得之士。皆出所長。以自衛吾國。魏君其亦聞風而興起乎。

湖南之官社會

湖南之官社會最奇。前有陳寶箴。後有俞廉三。前有趙爾巽。後有陸元鼎。一時通一時閉。奇矣。

趙在湘以整頓學務爲己任。每視學必有演說。無事時亦蒞止焉。而陸則尙未知學堂與學務處之區別。趙在湘知湘省

爲將來四戰地。謀設槍砲局。謀改兵制。其事雖未成。其心實以之。而陸則曰湖南不如清江好。種種乖異。如南北極焉。數年以內。湖南之官社會。一起一落。一往一復。乃如其離奇也。吾因有感于今日之地方自治問題。實爲整頓將來中國內政之第一要件。官不足恃也。特官猶恃政府。無家人父子之情。感無土地財產之留戀。買而來陽陽而去。其於地方歷史與其習慣。無一日二日之研究。服官數年。捲其所有而去。耳藉曰能久任矣。任之久者十年而止。二十年而止。若地方之事。果能以十年二十年而止乎。故以十年二十年而猶未止之事。必當付之于十年二十年而猶未止之人。地方治矣。何患乎中央。

廣東商務局挽回船捐

廣東船捐一案。牽動大局。前因有多數商人紛紛赴商務總局請維兩三觀察代陳當道。邀准撤辦。觀察徑謁撫帥。盡將陳樓下情。披瀝上訴。撫帥果爲動容。遂於當夜傳首府陳太尊至署。面諭一切。囑其立刻出示。先將該捐商斥革。隨以好言開導。解散各船戶。陳太尊奉命後。仍偕同各官。前往彈壓。出示照辦云。按商務局之設。原以宣上意達下情。其統一聯合之機關。非常尊重。而恰有羅觀察總辦之。以本邦者宿回鎮中流。正合古人鄉官之遺。吾固知其對於鄉族之愛情。是必比他人優厚。是以於其構造之始。已不禁香花招而饗禮祝。所信用於該局者。既重所實望於該局者。尤奢而猶不意其開幕崇朝。登臺初見。果然出現如是之莊嚴法相。令人歌泣。舞蹈於神劇。快劇。奇劇。壯劇。殆足引爲驛面之一絕。大紀念。觀者吁將茲以往。益涿厲。益發明。夫吾民幸福之進步。豈尙有涯哉。抑吾又聞之。去歲出洋米石之案。其風潮之澎湃。不亞於今。卒亦得觀察之一言以爲定。其時觀察適以閱操差竣返國。便道假歸。偶參謁於雲帥。雲帥詢及輿論。觀察遂乘間進言曰。帥之初來物望隆重。自有准米出洋之事。而民間頗有謠言。乘帥聆其詞。方未畢。忽肅然起曰。吾本爲民而

反。招。民。怒。吾。不。如。其。已。矣。乃。翌。日。旋。有。撤。商。之。命。下。此。觀。察。之。力。也。合。此。兩。事。而。觀。則。觀。察。在。本。邦。之。價。值。可。想。見。矣。吾。是。以。嘉。其。現。在。吾。仍。勗。其。將。來。

葡使索賠二百萬之駭聞

裴景福之逃澳也。由賭商盧某運動岑督。會將該商詭名承辦之小園姓公司。繳過按餉借款約五十餘萬。札飭善後局。暫予扣留。俟裴犯提省。再行核辦。近聞粵督接外部來電。以現准葡使照會。承充宏遠公司賭商之盧華富。即盧九。乃澳門籍人。前於光緒二十六年。由李前督批准承辦小園姓。八年期滿。乃迄未到期。遽行撤禁。該商虧本甚鉅。頃復無端將其按餉借款悉數扣留。不知是何用意。應向中國政府索回二百萬。以作抵償等語。本部准此照會。因特行知貴督。就近籌商核辦覆奏。當下督署幕僚等奉到要電。已即日轉稟行轅請示辦理矣。按某賭商之罪惡。在效裴犯走脫。包庇裴犯。以箇人與箇人之私交。顯招全羣之公憤。此其定論。雖該商有百喙千舌。因已無可置詞。而岑督之將其賭餉暫予扣留。不過借是以警刁頑。使其聞而知悔。亦猶電盛宮保勿簽押粵澳鐵路。以示抵制之意。故視其原札。初無有罰款充公之明文。尙謂俟裴犯提省。再行核辦。在今日該犯既提省後。是以當道之如何發落此款。旁觀尙莫測其所爲。乃該商始欲以鬼蜮之伎。終匿裴犯不交。迄於智盡計窮。無能爲力。又轉托外人之威勢。以虛聲恫喝藉口索賠如此。姦回之行。爲真屬狗彘不食矣。夫該商果息心靜氣。候裴犯定有罪名後。以一稟請於岑督。乞還此款。吾揣岑督未必不稍加以寬假之詞。就使不邀寬假。然後持之以京控。在岑督札局之文固在。諒亦無可推辭。是安用預立此奸謀。以蔑視中央政府地方政府如無有。反思假手外力。圖恣其恫喝索賠之所爲。是該商雖自以爲得計。吾實見其計之太拙矣。况盧華富之非盧九。衆人皆知。而在澳門注籍。祇有盧九。並無盧華富。一查便悉。矧盧九之名。又曾出現於案內。挺身作裴景福證人。豈

有。設。是。由。前。之。說。慮。華。富。之。不。能。冒。認。澳。籍。由。後。之。說。是。慮。九。之。不。能。脫。身。為。妻。景。福。案。外。之。人。合。併。兩。說。以。審。定。斯。聞。題。吾。想。該。商。決。無。容。身。之。地。而。謂。二。百。萬。之。賠。款。豈。能。達。其。目。的。哉。

檢查招工之初效

廣東檢查南非招工局。尙未開局。而近日委員薛令訪聞城內雙槐洞餘慶堂西湖街太邱正齋師古巷利名棧三處。均有私招工人情弊。當經密派家人。前往掛號。偽為應招。取有的據。隨會同朱直牧宏親至巡警總局面稟。局憲分飭各巡長。前往查拿。因拿獲拐匪三名。并取出部據甚多。現由巡警總局嚴行訊辦。兼開薛令此次奉命開局。擬堅守條約。決不寬假。倘有私招等弊。一經查出。務從嚴辦。又廣設司巡。秘密偵探。庶免愚民被拐。挽回萬一。按南非招工一事。張使之與訂條約。原具一片苦衷。明知其決不可回。不如從中施以干涉之策。即各省之設局稽查保護。正是此意。蓋我國民族。素無公德。各營私利。實同種殺同胞之手段。最其所長。而尤以粵人為最。甚記者。竊嘗為之痛哭流涕。故於該局提議開辦之始。即斤斤以此為言。夫以國際法而論。凡立有條約之件。即踐約行事。原為世界之至公。我不守約。而輒讓步於人。是謂之自喪主權。授人以柄。三十年來。邦交失敗。每由於此。諸公唯阿。徇容肉不足食。故有如今茲薛令之明權者。其實鮮矣。乎抑有如今茲薛令之強項者。其殆庶幾乎空谷足音。聞聲而喜。吾不禁為吾同胞賀矣。吾益祝薛令其慎終如始。示大無畏焉。則一夫之權。不枉撓而全省民命之所屬也。茲事影響。無待言矣。

哀哉華人又被洋人踢死

廣東新會七堡鄉人梁某。向往外洋傭工。十餘年來。積資頗厚。某日。附渡回鄉。駛至江門關上。照例停輪候查。關上洋人。着梁開箱查看。梁以箱中多金。恐為匪人看見。故操西語。求俟各人散後開箱與看。洋人不允。因而爭執。竟被踢落河中。

溺死。當時同行之人。甚爲鼓噪。不期而集者數百人。洋人託人調處。允償銀三千元。以贖其事。哀哉華人。不獲於茫茫中土。覓一謀生之區。展轉而傭工異域。託庇於人。其曩日之爲異族所欺。凌所壓。制所魚肉。種種慘毒。久矣備嘗。乃百劫餘生。忽幸而滿載言旋。忽不幸又無妄而死。死無足異也。死而爲洋人槍傷。爲洋人毆斃。且在內地而非在外洋。則殊可怪。可悲之甚。本年自有佛山車站洋工槍斃華童一案。以四百五十元了之。接踵而有黃沙車站一案。又援前例子之。今梁某之死。雖補置三千元。而甫入國門。遽遭慘斃。人命至重。不數月而三案遞起。論其事則如出一轍。而論其了結之易。亦彷彿相同。嗚呼。華人之命。豈真輕如毫毛。賤如牛馬耶。吾不禁爲吾華人擲筆一歎。

東撫之辦事

有客自濟南來。談及東撫周中丞近日政策。周中丞年雖七十有九。然精神猶甚強健。中丞由故相李文忠公屬下起家。實爲袁慰帥等之先輩。中丞自信之心甚堅。每奏一事。無所猶豫。若不獲行其意。則以去就爭之。故輒憤所願。今舉數例證之。德國嘗認獨佔山東全省利益。屢向北京政府要求權利。其所經營者。著著進步。周中丞見此情形。深知其害。遂將濟南濰縣周村鎮三處。闢爲商埠。俾利權不至爲德人所壟斷。密奏朝廷。既獲允。忽然宣布萬國德人聞之。亦惟深歎其手段之神速。而未可如何也。設事前稍不謹慎。洩露風聲。德人必起阻撓。然則中丞如何謹密之處。即此一端。亦可見矣。又中丞前因辭退鐵路技師三十六名。及於濟南等三埠設立領事館兩事。政府初不採用其言。中丞即具摺奏請開缺。政府知山東爲難治之區。非中丞不能勝此重任。遂准如議施行。又中德兩國。嘗有山東省內一切官辦事業。不得聘用外人之約。中丞不以為意。前年嘗聘日本農學士井谷君辦理全省農務。究以限於密約不能顯然延聘。因密諭最有名望之孔祥霖太史。糾合全省紳董。創一山東農事蠶桑會。即以孔太史爲會長。由該會具聘井谷君。如是事非官辦自

其密約相背矣。嗚呼。若東。據者。可謂。差強。人。意。也。夫。

廣東省河蛋戶提議興學

近聞廣東河泊所官王君鶴年。招三水某君。談及廣東蛋民。大半愚魯。其原因皆由於不識字。當於省河設立蒙學。施以教育。王君深建其言。立傳蛋民之有資望者到署。諭令設立學堂。並擬將日前某艇揭封之項六百兩。復捐廉二百兩。撥作開辦經費。各蛋戶聞之。亦極爲踴躍。已擬定章程。稟呈河泊所核議。將來擬聯合大艇數艘。在水面爲校舍。云。按日前有范某。會條陳當道。舉辦蛋籍捐。每人捐銀若干。即准予編入民籍。想因誤會蛋民不能應試之例。且時被居民魚肉。故陽借保護之名。陰行苛抽之實。不知其所以不能應試。係因未有戶籍。不關流品。此事具載學政全書。況雍正七年。會奉。上諭。著廣東督撫。臣一體保護蛋民。更不應特開捐例。今王君爲之提倡興學。與注籍之民。同享一般之權利。以視范某其所見相去何如耶。

善長力阻演說

廣東晏公街惠行善院。每辦一事。均取決於扶乩。日前值理議聘秋季講生。箕忽大書關某降壇。自後該堂宣講。宜仿照演說。發揮新理。以喚起國民之精神云云。是時適有志士在座。遂極力贊成。而頑錮之值理。謂有妨善堂名譽。又極力阻止。羣議請再取決於乩。而乩語如前。且謂演說一遺。所以利羣進俗。實與宣講本義不相違悖等語。卒爲頑錮者所困。迄不能行。云。夫民之生也。莫不有神權思想。而聖賢遂借之以立教。其間有迷信神權者。有用神權者。今該堂之乩手。可謂能利用神權矣。吾獨不解該堂之值理。平日事事皆取決於乩。而一旦竟毅然背之。何也。噫。吾知之矣。大抵扶乩之僞。在彼固未嘗不知。但思借此以惑衆。斂錢。故僞爲迷信。以堅他人之信。今演說之舉。於該堂獨無所利。故不覺自露其真。

相。其。與。扶。乂。者。之。利。用。神。權。則。一。也。然。一。則。用。神。權。以。謀。公。益。一。則。用。神。權。以。謀。私。利。而。謀。公。益。者。卒。為。謀。私。利。者。所。遏。阻。則。該。堂。之。價。值。可。知。矣。

留學美國學生力爭國體

此次聖路易賽會。中國之遊戲陳列品中。有一尋國事。即美洲各華文報館所唾罵之纏足婦人也。當時文與報會士。東於倫貝子。及黃開甲。請除此事。卒無效。及五月初十日。有美留學生梁仲策。程斗程。羅黃旭四君。到聖路易。翌日即往見游藝物場之總理。方言此事之可恥。並謂此事。乃吾粵人為之。而辱及全國吾廣東學生。若不能除之。何以對天下云云。又曰。今日所言私情。盡於是矣。足下若不從。則惟有各行其是而已。如此則恐為公議不能顧私情。倘有所拂。幸勿怪吾等學生之鹵莽也。該論凡五小時之久。於是該總理。顧不取那人之房租。而揮之使去。然查此事之始末。乃該婦人之夫某甲。自租其妻於某乙。以作此生涯。訂明每月薪金百元。以七箇月為限。并由大埠到會場之來回車費。共計八百餘金。今雖陳列兩星期。而此款必要取足。蓋章程所訂。固如是也。於是聖路易之中國維新會諸人憐之。乃為之籌停。查刻集四百五十餘金。以三百元與某甲。以一百五十餘元與某乙。蓋乙已交兩月之上期與甲。及甲夫婦數人之車費。乙之所虧。已在五六百金之間矣。此事聞者莫不贊該學生之愛國。

德兵船徑入鄱陽湖

德國水師擬借江西鄱陽湖為操練之地。聞該湖江督會飭巡道袁觀察。向德總領事竭力阻止。乃六月六日九江港署據湖口砲臺發來電話云。有吃水極淺之德兵艦一艘。逕進鄱陽湖。當經砲臺升旗詰問。該艦並不理會。無法攔阻等情。環道得報。已電稟督撫兩院矣。夫俄艦既因戰敗逃入我中立界內。不聽我限於廿四點鐘內出港之命。日艦又在煙臺擅

捕俄艦。致我國不能完全中立之義務。然此猶曰：一則畏敗。一則乘勝事起。倉卒不遑顧慮。而今德國乃竟敢於我國所屢次峻拒者。悍然爲此背約之舉。在德國行動自由。豈所謂強者之權利。固應如是耶。然吾恐此風一長。而吾國之主權遂成無所可用矣。嗚呼痛哉。

華民在橫濱與德兵衝突

橫濱有德國水兵二名。突至百六番。一手持三星戒指。一持鐵尺。直入該院。適中國人在此食飯。德水兵忽以鐵尺橫傷某甲。中其頭顱。甲執牀棍與之相持。乙丙等齊助之。傷及德水兵之頭顱。及腰部。吾國人某甲。并執德水兵。往警察署伸訴。其一先逃。後警察詢悉理由。德水兵因某甲會鬧戲其日婦。故啣之。但不合入門格。今傷勢既重。姑判某甲補三元藥費。案遂結。噫。吾國勇敢之民氣。不能伸於祖國。而稍伸於同文之日本者。蓋恃日本有治外之法權在故也。

哀哉韓國偏強者韓國

自甲午戰事既終。韓國得告獨立。今適十年。悠悠忽忽。未嘗有所改革。其政府與北京政府。又復甚相類。日人知濟韓兩國之不足與商也。於是有俄日協商之舉。協商終。戰事始。韓國不自知其禍。乃反布告中立。無何。日本陸海軍。屢得大勝。其國際武庫。亦猛進於韓國之全部。於是韓國首廢俄韓之約。繼立日韓之約。伊藤之旌未迴。李氏之車已發。星軺往還。宛如同盟。未幾。忽以荒地開墾問題。漸露齟齬。相持相搏。遂有今日林公使之提案。

是案也。其結果如何。雖不可知。然日本固早以韓爲其保護國者也。又各國亦早以韓爲日本之保護國者也。軍備者。保護國權之要件。增之且。不暇而奈何。減之地方政治。爲一國國權之所恃。有日人監督何爲者。抑吾猶有聞其言曰。此後韓對各國。毋須派遣公使。祇須由日本公使代理。又曰。將來韓之外交。當以日本人嚴重監督之。此說有無。雖未敢信。

要之如上所聞。韓國今日之地位。試問奚若。日本對於韓國之地位。試問又奚若。乃曰。吾固欲保護韓國之權。保全韓國領土。嗚呼。是奚容喋喋者爲也。

火及於眉。乃顧其睫。虎入於室。或遁於房。韓國上下。自經此急擊之痛。有所謂排日派者。其檄文未嘗不悽悽動人。其國民團結未嘗不堅且勁。雖然。又奚效也。排日之事。未有端緒。而日人已徐徐議其後曰。如是吾且受韓國之監督矣。或曰。宜急圖。或曰。宜緩圖。近頃日本政黨。其於對待韓國。若分兩派。然其流雖殊。其原則一。試聽日本法士之所談。又安得不爲之寒心。

韓國已矣。十年獨立之命運。今日告終。而其鄰尙有一龐大不舉之中國。試一返顧。第二第三之日本。皆依依不去。吾側吾悲。韓國雖然。吾又奚暇爲韓國悲也。

俄國之難與立憲

近俄人以俄廷素蔑視人民之權利。強行不法之手段。深啣怨恨。勢益加熾。嘗大喊道。市曰。專制打破。自由萬歲。其影響直徧及於各社會。乃政府不但不許其要求。反益嚴厲。因之人民益懷不平。政府屢試其消滅內亂之政策。如繪畫神聖。以期人民之感動。皆不得效。俄廷又續行勞動者解雇及賃金減額之法。詎料事端一發。驟惹起經濟頹壞之兆。民怨激昂。又進一步。此時惟急頒自由憲法。或尙可以防患一時。否則大禍不日而至矣。夫俄國內亂。自日俄開戰以後。隨之加劇。俄廷且有不能勝之勢。其結果如何。雖不可知。要之革命影響其漸次漫布於全國也。必矣。或謂凡專制國欲消滅其自國革命之運動。必先吸引外難。使國人心力全趨於國際之觀念。而後內患以消。斯語也。吾徵之民族。統一之國。而驗之矣。乃若俄之。以多數民族混合而成。彼於對待俄國家之觀念。固有怪視而無扶助。奈何以愛國之義務。詰責之。且詰責之。

而。未。嘗。有。效。者。也。不。然。如。芬。蘭。如。波。蘭。如。猶。太。諸。族。又。何。為。洵。洵。而。反。抗。且。甚。力。者。

俄國之工人

俄國農業之國也。故其職工之人占其全國之少數。俄國貧乏之國也。故其工價於歐洲諸國中為最低。其工價視美國之工價實少二倍至三倍。在烏勒推米爾及莫斯科附近一帶。其工價大約如下。男子每一禮拜工價十六元至十七元。女子每一禮拜工價十二元。少男^{十五}七歲時每一禮拜工價七元。少女^{十五}七歲時每一禮拜工價六元。幼年^男每一禮拜工價五元。然自此二處以東。則其工價更低。而自此二處以西。則其工價稍貴。此亦歐西黃白土地人種之相違也。又如一年之中工作之日數。則東部亦視西部為少。西部如波羅的海之沿岸。及聖彼得堡之附近。則每年之工作為二百九十日。東部則僅二百七十日。中央部則二百八十日。此蓋交通便利之處競爭劇烈而愛惜時日之證也。又如工作之種類。則亦錯雜而不一。今試列舉其額如下。紡績業每一月男二十元。女十八元。紗業每一月男十八元。女十二元。絹布業每一月男二十四元。女十元。糖業每一月男十四元。女十三元。玻璃業每一月男十三元。女六元。陶器業每一月男十八元。女十二元。銅鐵業每一月男二十四元。據此以觀。則女工之價雖不及男子。然尙得剛足其間。以視我國女子之安坐以待人衣食者。蓋有間矣。近來俄國政府之監督工人。頗極嚴重。不但禁止同盟罷工而已。即亞拉斯脫及同盟營業之事。亦皆禁之。因此工人甚為不平。而竊效德意志國之社會主義以反抗政府。至日俄開戰後。其勢益激。聖彼得堡之勸工場。有一不知何自而來之檄文云。工人乎。我等當祈日本人之勝利。俄人之敗北。以期伸張汝等之權利。嗚呼。此亦壓制過甚之弊也。

內務

論朝廷用人之宜專 錄六月十六日嶺東日報

近時以來。朝廷頗疑岑督之所爲。自柳州兵變後而彌甚。既經交部嚴加議處。又聞兩粵別有調人之說。事之確否。雖未可知。而朝廷之所以猜疑岑督與廷臣乘間進議之多。則不待言而可知。輿論紛紛。有爲岑督危者。有爲岑督鳴不平者。雖然。岑督一人之安危。何足惜。岑督一人之去留。更何足惜。以今日兩粵之情勢。與岑督之所以治兩粵。使朝廷一旦而別簡他人也。吾甚爲兩粵危。吾尤竊爲朝廷之用人不專。惜焉。何也。西匪之久而未平。措置之間。岑帥固不能辭爲無咎。然種之者數十年。而平之者一旦。雖極有材智者。不易以爲此。而況以兩粵積弊之深。兵事之廢弛。墨吏之叢多。其勢尤非易爲。自岑帥督粵以來。逐漸著效。雖西事未見肅清。而法人無覬覦之事。官吏憚嚴厲之風。雖不可謂有大功於西事。而究不能不謂其無功於兩粵之大局。故吾嘗平心論之。岑督之行政。雖不能謂爲盡善。而要於今日疆吏中。亦占第一二人之位置。岑督之於兵事。雖不能謂之無失。而要之今日疆吏中。又未必實有知兵之人。岑督此次之西征。雖不能決其必平。而要猶勝於倉皇初來之人。以此三

者。吾故甚願朝廷不使岑督之去兩粵。使朝廷用人不專。一時惑於讒言。另簡他員來專接辦。必蹈以下三大失。一使西事之糜爛而益甚也。夫用人之難誠難矣。而區別於專任不專任之間尤難。時有取舍立決。萬不可專任者。時有明知其人之無功。不可不專任者。蓋吾而易一人焉。必其人任事之材固遠過於其前。而事之不能弭者。必待是人而後可弭。而後始可斷然以易之。非然者。朝而易一人焉。其事之不平如故。夕而易一人焉。其事之不平又如故。故經數易而後。吾恐事之本易平者。且難平。事之猶可望平者。至此直無可平之一日何也。遷易紛繁。新者未悉情弊。而頭緒益以棼亂也。今試問各省疆臣中。確有知兵大員。能信西事之必平者乎。一旦朝廷責以兵事。紛紛告退。且不暇。又安望其戮力致身。爲國靖難者哉。兩粵而果另簡督臣也。數閱月中。軍事決難見效。而匪黨之乘間縱橫。且浸淫而不可制矣。一使外人啓窺竊之志也。法人謀我粵西。爲天下人所共知。故今日兩粵之任。非特關軍事之重。且必擇威名卓著者。爲之坐鎮。以弭患於無形。岑督於疆臣中最爲年少。亦最有節概。去載受命危難之間。卒以挽回大局。法雖狡詐。猶憚其名。一旦或擇柔弱庸懦之人。以爲之代。非特西事不可問。而外人之代我進兵。且未可知矣。一使不肖官吏益縱橫而無忌也。十年以來。兩粵吏治最爲各省下。今日西亂之猖獗。皆前日貪官劣吏。有以漸釀其成。岑督深

觀之。改革刑律。固為今日之要務矣。然今日之急宜改革者。則律外之刑而已。律外之刑有二。一曰差役之弊。中國官署之差役。其業極卑。充此役者。謂之皂隸。不與清流社會。而緝捕獄訟之權。悉操其手。又得諸官吏之權力。以魚肉人民。假公濟私。藉端勒索。偶所求不遂。則又百端羅織。以陷害其身。家凡小民。有爭細故者。彼即多方煽惑。唆使構訟。訟獄既成。則彼從而享其利。大約中國差役。其手多。彼即因之。以勒索。致有傾家蕩產者。小民見其為利藪也。故無賴不肖之徒。咸充其役。為奴隸者。名為掛名白役。而小民之受其害者。愈眾矣。一曰牢獄之苦。中國牢獄。從牛獄。從犬獄。固以污穢不治。聞天下矣。獄中雜記與巴黎巴士的獄。大約相同。而獄吏之逞淫威者。至較虎狼為尤酷。獄吏之逞淫威者。至較虎狼為尤酷。無休息之衣。甚至無居住之所。而牢獄而外。復有班快各房。皆為拘繫囚徒之所。司房之審中大抵皆官鞭撻之苦。縲綑之加。私刑之慘。勝於官刑。中國之俗。語有言。吾民何辜。乃罹此厄。觀吳泰與素小。燒屎使書。及諸子。刑律。刑律之原。因也。一日。無司刑之官。中國司刑之專官。內有刑部。外有按察使。若府縣各地。警察之法。既未普行。鉅細之事。悉倚知縣以辦。自命盜巨案。而外戶昏田土。贖入即判。夜以繼日。勢且難繼。故斷訟之事。既非專責。自然無暇。察之弊。不得不設刑。詆之條。以敲扑之。

刑。行鈞距之術。迫以疾言。誘以甘語。百端周內。以冀刑獄之速成。更慮上司之批駁也。之中國

大案必府廳三四級然後詳之司道司道三四級然後詳之督撫督撫而上。日又不得不稍

試模稜之計。以圖卸過之方。而小民之吞聲飲恨。不暇問矣。中國刑訊之法。最貴公理。公理

不得蓋至因銀錢借貸之舉。輒受鞭笞。又有夾棍大秤。乘諸酷刑。一曰無知律之人。中國習申韓

之術者。舍刑名而外。別無深明律學之儒。唐律特設律科。明代始置。去之而為訟師者。又首

干禁令之條。至斥為訟棍。府廳州縣夫構訟而不延訟師。是必人人知律而後可也。今中國

既乏知律之人。其稍知律例者。又屏之於清流之外。中國訟師。因乏善其之士。然推其原。因

卑級自居。而作奸則姦吏之定讞。悉得隨己意。為重輕而無一人本律意與之爭執矣。即

人知無於是而欲斷獄之公。豈可得哉。中國得不得之弊。亦由於此。從中記持矣。要而論

之。中國之刑獄積弊。叢生之刑獄也。由隸役而更胥。由更胥而幕僚。由幕僚而官吏。無一非

舞弊之人。由縣令至府廳。由府廳至司道。由司道至刑部。無一非倚弊為利之人。故訟獄之

曲直。悉憑勢力。以為衡。其勢力盛者。罪雖重而亦輕。其勢力薄者。罪雖輕而亦重。中國俗語

官放火不許百姓點所納之利厚。雖有罪者。亦可從寬。所納之利微。雖無罪者。亦將羅織。此

中國之刑獄。所由為弊。叢生之所也。而推其原因。悉由於上無司刑之官。下無知律之人。

內務

九十三

甲辰

而非盡由於定律之失也。故欲救中國刑律之失，必先設法學堂，以造就律師，又必設地方裁判之官，以與縣官分治。庶胥吏之弊，牢獄之苦，漸可改良。今也律師之才未選，裁判之所未開，驟欲革胥吏以清牢獄，謂非不揣其本而齊其末耶？吾恐其亦將有名無實矣。設律不設牢獄，必不能治。所不設牢獄，必不能治。所不設牢獄，必不能治。

推其改革之意，非真有見於中律之過酷也，不過欲取媚西人以收回治外法權耳。至通商之地，可從西律，而各省腹地，仍沿舊章。此詳說。夫同為中國之民，徒以所居之異地，乃同罪異罰，公理何存？故知改從西律諸公，非真有見於中律之宜改也。觀於今日之政府，於此等思想，仍不能信其決無。吾是以為中國之新法危也。蓋西律之所以稱善者，亦有數因。一曰司法權獨立。一曰君臣上下皆從法。亦中國管子一曰法律以權利為本位。與西律同。以字

法律為權利之代表，以權利為法律之內容，與中國以禮制為本位者不同。一曰公法與私法區分。公法即刑法，乃國家對國民。對個人之法也。若此，皆西律最精之意，亦即西律之根本也。今中國之於西律，固當擇善而從。然吾之所慮，亦有數端。一曰人民素無權利思想也。中國國民素無權利思想，此凡西人之相異。二曰奸民衆多，難以輕刑服也。刑中國奸狡之民，惡不畏死，治以重刑，彼猶弗畏，況足重以輕。三曰官吏假索訟費之名，而貧民愈受累也。乃律於貧戶，訴訟難設，若然，家資不貲，之八十五

之多。原利以致。蓋者例外多。取倘安能。禁此固今日官吏所最希望者也。以今日之政府。觀今日之人民。使常守其道而不易。吾恐雖有良法美意。亦適足以助其弊耳。至刑章之同異。悉隨時勢為變遷。蓋交通既便。如汽車輪舟則流徙之法可除。亞人徒犯人有西伯利身命既尊。則笞杖之刑可廢。野蠻之刑最爲粗暴今四國之民漸知身命之尊故以財產名譽之刑代身體刑而要之皆以愛民爲本者也。愛民命故若今日中國之政府。視民命爲甚輕於此。而望其改革刑法。豈不難哉。

論裁胥吏宜先廢例案 錄七月十九日同文滬報

夫以卑鄙無恥大奸巨蠹之胥吏。人人皆知其害。雖屢奉裁革之諭。而內而部寺。外而州縣。終不聞其有裁革之舉者。何哉。蓋例案之設有以爲之護符耳。今者兵部有裁革書吏之事。蘇撫亦有裁革胥吏之文。然例案不廢。吾恐有裁革之名。而終無裁革之實。裁革於暫者。終不能裁革於久也。中國辦事。動須援例。一事之上。不論其情理之若何。但求其合於例而已。一案之定。不問其情實之若何。但求其合於例而已。其合於例者。雖情僞百出。亦可照行。其不合於例者。雖毫無疑議。亦必駁斥。夫以條律之簡。尚且難得熟悉法律之人。而況例案之繁。幾如山積。而欲其鉅細靡遺。有條不紊者。豈可得哉。此胥吏之得以上下其手者也。故州

丙務

九十五

甲辰

縣之權操之胥吏部寺之權操之胥吏非胥吏之得以操州縣部寺之權實胥吏操例案之權正不啻操州縣部寺之權矣豈無公正廉明之人思有以維持而擯斥之也無如不諳例案動輒得咎遂仍不得不假手於若輩轉可以保全考成從容坐理也而胥吏之盤踞於州縣部寺者遂若根深蒂固不可搖動矣今一旦舉數百年之積弊毅然而掃除之正本清源莫善於此然第知胥吏之弊而不知例案之弊無論胥吏既去更無熟悉例案之員即使得有熟悉之員以承乏其間未必盡皆奉公守法者安知不借以夤緣爲奸乎且胥吏之可恨者爲其舞文弄弊耳今雖去一舞文弄弊之胥吏而易以作奸犯科之司員以暴易暴更何取乎利之所在人爭趨之如必謂司員之賢於胥吏者吾不信也況乎例案之存本以其合於事情俾其後有所遵守耳今則時事變遷日新月異若仍繩以從前之舊例未有不鑿枘不合者顧徒以不合時宜之例案反以滋叢弊之門乎矧一事不止一例一事不止一案據此則失彼引彼則失此顧欲示以遵守者反令其何所適從乎且其間之一成不變無所取義者往往而有如遇有越獄之案則必曰大風雨如遇有逆倫之案則必曰患瘋癲州縣以此上之部寺卽以此受之萬人一腔千人一面從不聞加以駁詰者其上之者以爲此向例也其受之者亦以爲此向例也豈真越獄者皆乘風雨逆倫者皆患瘋癲耶抑何相值之巧

也。在上豈真不知其未必風雨。未必瘋癩耶。亦以爲例在則然也。然此僅例案之流弊。顯而易見者。苟由此以推。則凡類乎是者。當復不少。是例案不廢。則此等虛浮之習。仍不能免。而吏治終不得清。第斤斤於裁革胥吏之一端。吾未見其可也。吾故曰。欲裁胥吏。宜先廢例案。或謂例案者。祖宗之成法也。今若廢棄。不亦有違定制而無所奉行乎。顧先朝之所以著爲定例者。以其有益於國。有益於民耳。非謂其無益而亦必守之也。且百年無不弊之法。法苟無弊。則守之可耳。法苟有弊。則廢之可耳。使必拘於祖宗成法。不可變。吾不知路礦之設。學堂之興。其將何所取法耶。況立法之始。必有其人。使事必援成例。吾更不知開創之始。又將何從引證耶。總而言之。胥吏既裁。則例案斷不可不廢。若僅裁胥吏而不廢例案。是胥吏之根株終不能斷絕也。試觀乾隆年間。曾有裁革部書之事。未及三月。因部中公事。無檔案可稽。遂至無從辦理。不得已仍舊錄用。前車之鑒。謂非後事之師乎。宜訂一簡明條例。將所有一切例案。概從廢棄。但問事之是非。不問其例案之合否。俾辦理者。既無叢脞之虞。更無處分之懼。漸而行之。庶曩時朦混之弊。將不禁而自絕矣。彼胥吏者。既已失所依據。自無所用。其覬覦已裁者。固不得不別謀生計。卽未裁者。亦將自行告退。更何待裁革及之乎。譬諸驅雀而不去其叢。不能禁雀之終不集也。譬諸驅魚而不竭其澤。不能禁魚之終不生也。裁

革胥吏而不廢例案。不能保胥吏之不能乘間而出也。求治道者。曷先於此加之意耶。

兵部奏遵 旨裁革書吏摺

竊自光緒二十六年以來迭奉 諭旨裁革書吏各部院咸遲遲未發者一則恐書吏盤踞太久不易驅除一則恐司員公事生疏致多貽誤因瞻顧而成遷就因遷就而成敷衍遂致有另募書手之名無裁革書吏之實部務仍無起色臣自奉 命整頓部務詳察部中積弊雖非一端若欲拔本塞源必自裁革書吏爲始數月以來深權熟計裁吏之法畧得要領敬爲我 皇太后 皇上陳之一册稿提歸司堂書吏向據册稿爲私產卽視規費爲私租欲去其私租非先清其私產不可因責令各司管股司員將本股文稿册檔接收文簿逐件清出提歸司堂編號收儲嗣後辦事方有根據一寬司員公罪書吏慣技凡緊要之稿每只呈烏佈較崇之員標畫烏佈稍次之員無從考究最繁之司所收文牘每月有數千件之多今責以裁吏烏佈較崇者恐精神不給烏佈稍次者又慮公事生疏遲回卻顧亦人之恒情然與其任書吏之把持事權長此下移絕無廓清之日不如寬司員以文法目前雖形竭蹶終有整理之期擬仰懇 恩施逾格暫免司員公罪三月惟索賄舞文私罪仍照例嚴參各司員必感激知奮稿皆自辦事必躬親公事生疏者三月之間亦可熟習諳練辦事日

久人才自出一招考供事書吏既裁酌給筆帖式津貼責令寫稿漢員無烏佈願寫稿者亦酌給津貼如仍不敷卽照考供事例取具同鄉京官印結方准投考錄取後咨吏部立案役滿時給獎咨吏部赴選優者給予分發進身有階彼必自知顧惜軍機處外務部供事不聞有作弊者明證也凡從前在署曾充經承者概不准考務盡根株一刪去繁文書吏舞弊往往藉口公事未齊卽以遲延爲索費之地如武職引見向有日期摺提頭片口奏排單大排單綠頭牌等件而每員又各有隨摺一分其所敘履歷皆與排單綠頭牌相同究屬繁複今擬略仿吏部辦法徑將滿漢字隨摺停止其餘應刪事件再隨時酌量奏明裁減一釐定簡明章程例案參差書吏乃易上下其手裁書吏後擬先將選補輪次保案等第奏銷格式細加刪改務求簡明再行請旨通飭一律遵照使外省咸曉然如是則准不如是則駁可省往返駁查之繁一酌予書吏出路向來書吏滿役勤慎無過准咨送吏部銓選今既裁撤似宜稍示體恤凡勤慎無過者無論著役已滿著役未滿俱准咨吏部銓選其實有劣迹者雖役滿仍宜斥退不得給獎咨選庶於曲加體恤之中尙不致有冒濫之弊以上數端謹最大要 奏明辦理俟奉 旨後卽將經承各缺永遠裁撤並將各經承姓名榜示通衢以免招搖影射近查數月之內逐日到署各員均知勤奮除辦日行公事外又須查點冊檔辰刻

入署每至酉刻散署所有釐定簡明例章籌集公費各事宜容臣等督率各司員詳細擬定續行具奏謹 奏

蘇州撫轅投詞准駁章程

一凡控告人罪狀已過 恩詔赦免以後者不准 一投呈稟詞之人不知稟內情形者不准 一控告案件須將全案原被應行牽涉人證詳細附記稟後不記者不准 一前次控由府縣應將歷次堂斷批語一一抄錄不可遺漏如不抄呈或抄錄不全者不准 一控告到轅須已經控由該管縣府實係訊斷不公者方准若並未控由府縣驟來稟控者不准並須究以越控之罪 一職官生監控告須將官職捐案聲明生員須將入學年分科分註明本轅已將全省學冊備齊如果捏名冒充一經查出定即嚴究若不遵照填寫者不准 一控告案證以五人爲限多者不准 一職官生監無抱告者不准 一稟詞以三百字爲限並須逐句點斷以便披閱如雙行疊寫者不准 一稟內加入混名綽號者不准並不許將婦女淫穢之迹任意妄寫 一無保人無歇處者不准 一盜切之案不候州縣踏勘或命案不候州縣蒞驗遽爾來控者不准 一指控官長而無實迹證據者不准 一有夫男而以婦女出面稟者不准 一戶婚田產涉訟者須將婚帖契據呈閱否則不准 一稟內列

有抱告姓名查無抱告之人者不准
一爭嗣爭產不將宗支圖附呈者不准
一胥吏不准用抱告混用者究辦

各省內務彙誌

北京 向來京城各銀號因辦捐務與吏部時有交涉或查輪次或查缺數到署均在茶房為駐足地近因整頓無論各項人等均不准擅自出入銀號中人更不許出入科房探聽公事 吏部當月處現已裁汰向有滿漢當月司員二人每日在監印處住宿看守印信監視用印以專責任頃奉張大冢宰諭將當月處改為印庫以為存貯印信之所將當月官改為護印官每日二人住班所有堂印行在印各一顆司務廳文選考功稽勳驗封等司印信顯均交護印官看守 兵部衙門於裁汰冗員分為四等其才具開展辦事認真者准其留署當差才具平庸無功無過者以對品外官選用年老有病久不入署者勒令休職聲名惡劣素有物議者分別 奏請飭革其年越六旬候補開散之司員分別咨吏部註銷或外選以合品之缺業已奉 旨依議 戊戌案內之員朱侍御伯魯現經陝撫升中丞 奏請開釋業蒙 俞允 奉天 聞奉天現擬改添一道三府八縣計昌圖府改為昌海道取昌圖海龍之魏海龍應改海龍府遼陽州改遼陽府營口海防廳改海防府奉天圍場地方廣袤擬添設四縣名曰東平西平東安西安昌圖界所屬之鄭家屯一帶地闊民雜擬添設一縣尚未定名近蒙古界有彰武門添設一縣曰彰武縣新民屯所屬有八角臺地方為遼水發源之處添設一縣曰遼源縣吉林甯古塔交界有小黑龍山亦屬衝要之區添設一縣曰黑山縣

山東 山東巡警局自開辦以來逐漸推廣巡捕隊外復有探訪消防除穢各隊近又訂購小火輪添設小清河水巡款項漸不充足東撫特諭該局總辦切實籌畫裁減用款茲聞裁去各項每年可省七八千金按山東巡警局每年不過用

內務

一百一

甲辰

十萬數千金又協撥烟臺登州鎮濟甯州各處此外又有鐵路一帶武定府羊角溝各分局

河南 豫省確山縣屬之駐馬店地方爲漢漢幹路經行之地現在火車賣票該公司議以駐馬店爲宿站商販行旅麇集於斯該處南至確山北至遂平均各四十五里相距縣城較遠照料難周陳彼帥擬將汝甯府附郭之汝陽縣縣丞移駐駐馬店實成彈壓緝捕作爲駐馬店縣丞分防汝陽確山兩縣仍兼司水利事務聞已奏請敕部另錄銜記一省中奉諭裁併局所將釐稅局併入籌款所惟暫留釐稅局之名礦務礦務兩局概併入商務局吏治併入課吏館各局委員亦已酌裁籌款所裁去提調一員文案一員礦務礦務各裁去一員支應局裁去軍火提調及報銷批發各一員

江蘇 蘇撫端中丞前將派辦政事處裁併以節經費茲又將警察局總辦一差歸糧道陸申甫觀察辦理原委督辦馮觀察提調恩大令一併裁去停支薪水另委臬司朱廉訪爲督辦蘇府許太守爲提調其餘七路總察馬巡則照常值差而省中商務局亦擬歸併洋務局故該局差務已札委洋務局督辦劉健之觀察體乾兼辦並不另支薪水局所亦歸併一處又正誼府中學堂督辦一差亦已裁去即委蘇府許子原太守爲總辦 江督魏制軍又將籌防局歸併支應局兼辦河泊廳一缺則改歸江防廳辦理 蘇撫端中丞以門丁作弊爲害甚大因通飭府廳州縣飭將向派門丁管理簽書各稿及錢穀漕務等出入案牘之門丁一律裁去聽候本院分委佐職各員到縣襄辦各事而長洲兼元和縣蘇靜安吳縣李紫璣大令首先裁去各自延聘候補官一員到縣辦理收發文件外蘇府許子原太守亦將此項門丁一併裁去另委佐職一員在本署宅門內另行收拾官廳一所以便辦公並於官廳外置一木榜凡傳喚差門皂班則分盤數之多少定呼喚之班口另裝電鐘至簽押房以便遇事唔商 丹徒縣楊大令奉端中丞札飭裁撤門丁等情大令遵照遂將稿案門丁革另派募友收發文件名爲收發處仍舊門稿向有積弊潛移門漕又將錢漕門丁一併裁撤另派親友經理

征收謂爲外帳房至向有之呈調等章及各項規契行禁革并明白出示曉諭懸爲厲禁云

安徽 誠果帥自奉到裁汰冗員之諭隨札兩司關齊各缺摺冊分核議茲聞已議請將安省效官復設者悉行裁

撤其通判主簿同知首領縣丞等官皆量加裁汰合計共裁八十一缺 懷寧在籍紳士余德銓等具稟會垣地方積弊

至少須需足十萬石緩急有所恃等情業蒙誠中丞批准仰布政使司會同賑捐局查議詳覆察辦

四川 成都婦女近日有放脚者幼女之父母多不令纏足實行者頗衆不獨紳宦識字婦女爲然即貧賤之家亦多使

脫棄舊俗且尤盛於富貴之家 清谿縣雷植廷大令現稟川督請捐辦實椒并請豁免各衙門例椒以除民瘼業蒙立

案永遠裁免

廣東 鶴山縣城垣自光緒四年捐修以來迄今已二十餘年樓墻燼燹半多崩塌計東西南三門共倒塌城牆一百六

十餘丈雉堞二百八十餘箇南樓全行傾毀茲縣令陳汝壽會商該縣城守千總方端籌款興修估價工料約在五千萬

以外現查得營地校場逼近民居操演槍礮擊射震動民間恆稱未便擬將該校場定價召變建造民房另在西門外空

曠處所改爲演武校場即以地價爲修築城垣之用如再不敷再行酌量捐募云

各國內務彙誌

韓國 聞韓廷近注意於內政改革之事故大臣頗有更調又擬廢撤間散官衙云 韓皇屢命駐俄韓使李範晉東裝

歸國該使抗不遵命外部奏請韓皇將李革職 聞韓國有勢力者欲圖政府維新故於韓京創立一會其宗旨有四一

扶持君權二改革內外事務三減兵額四各省開設銀行云

俄國 七月廿八日駐聖彼得堡路邊訪事人來電謂議政員迫勒拖諾夫君已派爲內務省大臣與警察總長之任以

代迫里夫君之職 聖彼得堡之倫敦某報訪事人報告云近有俄國著名文學博士墨希飛司甘幼年僅十八因犯國罪在司氣勒司優被殺聞該女被殺之故因著有一種小說暗置於俄皇送往遠東之食物箱中其書中大半誹謗俄皇後東方兵士見之通報俄皇遂將該女審實正法惟該女年幼稚此種議論諒必有人唆使但該女不欲嫁禍於人故自行承認現俄國亦未將此事明白宣布 俄國大臣普利微在俄京乘馬車外出有人以開花彈投入車內行刺普利微其御者即遭炸斃馬匹及車爲震碎普利微之臂腿身體皆已粉碎

英國 英國已議定撫卹南非洲陣亡各兵士家屬計一禮拜中寡婦給以五先零幼孩一先零半以外更有私家所貼補之費此實爲世界僅見之事 香港電英國已派費善君爲海軍大臣 駐科馬沙之英員斯錯屋大尉已升爲東非洲保護國之統帥 南非洲英屬各地之人口據最近調查計塔泊壳落奈^{非洲極南地}二百四十萬五千五百五十二名其中白人居五十八萬零三百八十名脫蘭斯哇及梭維齊倫兩處共一百五十五萬四千二百名其中白人居三十萬零二百二十五名奧倫樞河近邊各地共三十八萬五千零四十五名其中白人居十四萬三千四百十九名南羅提西亞祇有白人居七千七百零六名土人未詳納他爾二十八萬四千六百九十一名其中白人居九萬七千一百十九名 七月廿八日倫敦路透電英國泰晤士報言及緬甸馬來新加坡爲保護國之事若與印度分離則恐目下之政治歸諸主人所管其利益不能甚大且恐有所損目下緬甸全恃印兵爲之輔助故印度政府可以輕略緬甸也

法國 法議院特爲議員年老不能辦事者備有養老費七千萬佛郎克 約中國三千餘萬

美國 倫敦路透電美國之共和國家會社近在西卡哥會議現在賓舉羅斯福爲總統並舉議員費爾班克斯爲副總統

軍事

論英人侵畧西藏 錄六月十一日時敏報

英人侵畧西藏。蓄謀極久。光緒十四年。藏之藩部哲孟雄。與藏爭邊界。斯時哲孟雄受英印度總督誘掖。遂引英兵入藏。是年四月十三日。藏兵拒英人於邊境。為英所敗。死傷六七百人。六月二十五兩日。英兵復攻藏營。方開戰。天大雨。昏霧四塞。因而收隊。藏人更集兵禱於佛寺。誓衆復讐。其誓詞曰。我西藏全國男女。誓不與洋人並立於天地間。按當時藏人不知英兵為何國之兵。僅近稱爲洋人。將以七月初十五兩日。進攻英營。而爲駐藏大臣升泰所阻。升泰偏藏兵休戰。更使守備蕭占先說英兵停戰。英遂退兵。駐於對邦。遂於其時畧取哲孟雄部。是年九月。英兵苦寒。按藏地雪山互阻。每歲至九月已極寒。是時升泰催促駐藏大臣速定和議。遂與英人締結定界通商之約。此英兵第一次侵藏大畧也。夫英兵第一次入藏。不過以哲藏邊界爲名。而斯時哲孟雄。每歲元日。猶通賀表於藏。其爲藏之藩部。可以明證。西藏有二藩部。一哲孟雄。一不丹。即中國官書之布魯克巴。彼西藏與其藩部生交涉。英人乃干預其際。則英人之心。已可測度矣。尤可怪者。西藏自乾隆五十九年後。確然內屬英人。加兵於藏。即無異開釁於中國。而朝廷乃

軍事

三百九

甲辰

命駐藏大臣升泰爲之作兩國利解之人觀升泰當日奏牘亦儼然以局外中立自居當時往說英兵之蕭占先實爲甘志守備守備云者爲藩屬保守地土竟坐視英兵侵入而反責藏人不當開戰此真大惑不解之事則無怪藏人以一朝廷爲不可倚賴而欲倚賴於俄也夫第一次英藏之釁以界務始則亦以界務終可矣而必裁入通商一事西藏之於世界爲極隱祕之國通商之利能有幾何英人必欲如是云云者殆卽爲此番第二次侵略西藏伏脈也英人第二次侵略西藏藉口於藏人藐視英人不遵約以交接然與英親好之國皆言英人此次舉動實爲擴張印度之防禦線此言出於與英親好之國實不啻爲英人代表其口吻也蓋此種事行於平日英俄必至大生衝突或竟出於戰爭故英人乘俄於極東戰事開釁之時卽速起而遣派侵西藏之兵隊由此以推則英之與俄其利害實不容而有相爲反對之勢然西藏固我國之屬土也今日我國人對於英人侵入西藏之感情絕無有慷慨奮興如前此俄人初佔東三省時之熱度此殆由於不明西藏之關係於中國者何若一也誤於朝廷之政策二也爲英人之口說所欺三也夫此三者實爲吾國人對於西藏問題消阻其熱度之原因雖欲諱之無可諱矣惟第三事上文已置辨本論此後所重明者則第一第二兩事也

一吾國治史學者近十年來始有抽象觀念吾漢族人種由西藏高原以入中國本部者殆為學界所公認則西藏者實吾漢族發祥之地也且吾國所流行之內典皆由西藏轉輸而入影響於通國極大日語謂經本此是吾國人思想之開化多受西藏之嘉惠印皮之介問為中

教專於形式即今所謂喇嘛教且側流於蒙古受封國師以蒙古之殘掠中國故吾中國人對於西藏感情遂至淡漠明永樂間給宗國朝崇德年間藏僧遠至盛京通好冠裳之制多法於藏如今之珠璣利用其教以制蒙古於是吾漢族對於西藏益生契濶然苟一推佛法之流傳則西藏之影響於吾歷史者至宏極大彼歐人於希臘意大利之獨立除政界別有肺腸之人以外殆無不表同情吾人對於西藏問題顧乃若是之忽試一反觀內訟其舍垢蒙辱為何如也且姑不論此而但論形勢上之利害則西藏高原為吾國江河兩源所從出殆如高屋建瓴苟為英人所據其害較俄人之佔滿洲為甚蓋滿洲僅東北之偏隅而西藏則中國本部之首領英人得此拊背扼吭更加以其力之自海而侵入者上下交攻能使吾中國本部之全體皆糜爛也

二觀國朝開國歷史竊取漢事以附會者有藏僧之豫言開國方略卷二及乾隆時藏與廓

軍事

三百十一

甲辰

爾喀即因畧其地。以為屬土。有孫士毅福康安和琳之籌畫征伐。事定以後。有台吉噶布倫諸品級之制定。有鄂博之防衛。有操演番漢兵之章程。所以鎮壓藏人於駐防兵之下。又有糧臺職掌之條例。與寶藏局鑄銀錢之規法。及西藏與各部落交通限制之律。及四川土司赴藏辦茶事。經均須請路票亦限制之一。更有西藏辦事大臣。與游擊守備千總把總諸武官。其所經營規畫者。皆甚周至。人之待印度俄人之待芬蘭。不能過也。顧自光緒二三年間。英人已萌窺藏之志。而哲孟雄即被誘於英。先是哲部西鄰之廓爾喀。屢侵哲地。哲本藏藩。知西藏之不能護己。轉倚於英。又斯時總理衙門已徇英人入藏游歷。及邊界通商之請。終以藏人排外心強熾。不肯遵命。英既修鐵路於大吉嶺。至光緒十三年。俄人又有由和填入藏遊歷之請。英遂進兵於納蕩地方。及十四年。藏兵萬餘。拒英兵於邊界。為英所敗。英欲長驅入藏。以氣候不宜中止。斯時升泰為駐藏大臣。方抵藏。英藏既交兵矣。升泰受朝命力抑藏人。不許出戰。又令蕭占先說英兵停進。更由稅務司赫德居間調停。以威藏印交界之約。自不丹交界之克莫山。以至廓爾喀邊界。而以一梯斯塔山及山南。此外則開亞東為藏印互市地。更許英人入藏游歷。此十四年藏英議結之大略也。夫此次定界。藏邊險要。已為藏印所共。幸哲藏通路。必由納金山往來。納金山每歲積雪。僅

四。月。至。九。月。可。通。行。餘。月。皆。不。通。僅。賴。氣。候。以。為。防。禦。然。當。通。時。由。哲。境。至。後。藏。都。會。之。札。什。倫。布。僅。須。馬。行。三。日。道。途。坦。易。並。無。關。隘。於。是。隆。吐。藏。兵。十。四。年。敗。處。諸。處。之。卡。與。支。結。山。洛。納。山。諸。處。之。鄂。博。皆。歸。無。用。矣。夫。升。泰。當。時。受。欽。差。全。權。之。銜。命。辦。理。藏。事。如。此。草。草。事。後。且。受。廷。旨。褒。獎。則。不。能。不。疑。朝。廷。之。政。策。矣。蓋。朝。廷。治。國。政。策。實。以。享。其。利。而。不。承。其。害。為。惟。一。之。目的。觀。於。平。時。受。西。藏。之。貢。獻。喇。嘛。之。梵。祝。一。旦。有。事。則。不。許。藏。人。出。戰。自。衛。國。土。且。於。立。約。之。時。又。不。敢。有。抗。色。如。敵。之。意。割。棄。險。要。以。界。授。之。蓋。恐。不。割。棄。則。敵。人。不。從。必。至。交。兵。而。每。歲。所。入。賦。稅。即。不。得。不。移。為。軍。用。此。不。獨。對。於。西。藏。為。然。也。如。臺。灣。膠。澳。旅。大。威。海。九。龍。廣。灣。之。往。事。無。一。非。如。此。無。一。不。足。以。見。廷。意。之。所。在。更。以。此。次。英。兵。侵。藏。交。戰。之。時。地。證。之。益。足。以。暴。白。其。政。策。蓋。此。次。藏。交。兵。實。在。藏。地。甘。志。甘。志。原。設。有。守。備。一。員。有。駐。防。兵。而。當。日。前。電。傳。英。藏。戰。於。甘。志。之。時。絕。不。言。及。甘。志。守。備。與。其。駐。防。兵。作。何。情。態。則。揣。其。情。狀。殆。又。局。外。中。立。漠。然。不。關。喜。感。於。心。此。皆。本。朝。廷。之。政。策。以。行。彰。著。耳。目。無。可。掩。諱。者。奈。何。吾。民。之。猶。夢。夢。不。覺。耶。

練兵之原理 錄六月二十八日中外日報

數年以來。薄海之民。無不延頸跂踵。以望新政。然竊觀 朝廷之所舉措者。於諸事皆精神

不屬。而其所專注者，則惟練兵籌款二端。按近來各省督撫之籌款與政府之籌款，其各費之盛，固故不遑舉。此其實迹，固彰彰在人耳目者也。而推其籌款之用，亦大概主於練兵。此一事雖謂朝廷之政策專在練兵可也。夫練兵固為急務，而今日之事，百端交集，亦何一而可緩。顧諸事多未見推行，即行之而亦不力。獨於練兵則皇皇如恐不及焉。以為防內亂耶，似不至以全神注之如此。以為禦外侮耶，未必猶有此復仇雪恥之心。以為有非常之舉耶，庚子以前，盛傳此等譎言，今日則固無聞矣。夫以事勢測之，而不得其練兵之意所在，則非深究其原理，不易明也。說者謂政府諸公之心，以為中國自有相傳之治法，其所以不及外國者，惟兵耳。故於各國一切之治法，皆不經意。而但知效其練兵，此說近得其情，而猶有未盡。蓋中國政治之壞，當局者近日亦似知之，而終不明其所以致壞之故。譬人居漏屋之中，屋之漏也，自其祖父時而已然，則雖告以致漏之原因，而彼非曾目覩終不之信。此誠近日之確喻也。其觀於本國既如此，則其觀於外國亦必不明其所以興盛之故。宜其於練兵而外無他思想矣。雖然，中國之以政治敗於列國也，無形而其以戰事敗於列國也，則有形。有形之敗固未易忘，而練兵之說即從此起。上溯其原，則百年之前，中國學者已有師其長

技之說不圖積至今日而政府之所見者猶僅足以及此也且朝廷之變法其求效甚急而其他便民利國之政其成功多在十年或數十年以後而其爲效又無實跡之可指惟練兵一事則以爲數年之間即不難使成勁旅而一旦猝遇變故固可以兵之力而一擊去之其效又若此其著則其目光所射但見有兵亦無怪其然此皆練兵之因也抑吾猶有惑者專制之國其所設施無不以有利於朝廷爲本而今日列邦之政事則大抵以有利於民爲本今以專制之國而取法列邦所爲則先有勉強之見存而其措之也必不以實其精神所以不屬者良由政體之獨殊而惟兵之爲物所以建威銷萌安內攘外以爲在上者之保護是固專制國之所不廢者也其國之兵爲本者必不如此而專制者則不如此故變法之事千條萬縷其同時而並措之者亦既非一端而究其歸途則全神之所注終在此而不在彼此無他一切變法之事皆有損上益下之懼惟練兵獨不蹈此患而已必謂朝廷於著手變法之初已存此分別之意或未遽然而勢之所趨亦有不自觉者觀於此而知數千年專制之性質未易一旦滌洗其深情正可爲言政治學者之研究料也吾聞日本變法之時其人民固多不信新法既而因兵學與醫學二者之實驗乃深服歐人之長而革新之機遂從此沛然莫禦夫日本能以服其兵學者而服其政治等事以知所擇從此所以能成其立憲之政體也中國

之畏其兵威者久矣。於他事亦未嘗無所畏。而其所以擇從之者。惟練兵爲有實心。固由兵事之敗有形。又以求效之情過急。然推見至隱。不可謂非專制政體有以致之。其所以難望日本者。正在於是不必更論其他矣。夫國之所以必賴於兵者。其義至精。其事至要。而施於今日之中國。尤爲不可緩之舉。本館亦不謂練兵爲非是。然默窺政府之用意。似於練兵而外。別無餘事。則其所見不免已誤。而日後之結果。必有還受其禍者。此所以不能不一彈其說也。

追論中國辦理俄艦之得失

錄七月十七日中外日報

七月十號。俄艦之由旅順逸出。竄入中立之地者。共有三處。一青島。一煙臺。一上海。青島者。德國之租用地也。而日本軍艦。則在日外守候。俟德國自行請命於政府。自定處置俄艦之法。或限期出海。或解卸軍裝。即日本艦。偶入港內偵察。事後亦向德官聲明。自表其並無干涉之意。此何故也。竄入上海之俄艦。於出口及卸械二者。一再延緩。日本艦隊因之開駛來滬。日領事與我上海道交涉。亦有決裂之狀。然終未能駛入我中立港內。由耶松船塢拘去俄艦。而旋則逕由俄皇明諭旨。令俄艦下旗卸械。以了其事。此何故也。惟獨煙臺一隅。爲我中立國之領港。有地方官焉。有各國領事焉。有我軍艦與水師提督在焉。且俄艦僅來

一艘。爲數不多。晨至而夕被捕。爲時不久。水師提督已與俄艇商明。卸下軍裝。移泊商船之水面。我非不守中立條約。而偏助一戰。國使其能爲戰爭之準備。與久在煙臺以之爲戰爭之根據地也。乃日艦入港。捕拿俄艇。絕不與我之官員及水師提督商議。請求捕拿以後。又不遵我軍艦之信號。言明其故。且矚我水師提督之不備。乘間曳俄艇而去。不知我主權爲何物。此何故也。就逸入煙臺之俄艦而言。遠不及青島上海之多。就辦理交涉之敏鈍而言。青島尙爲合例。上海則最爲遲緩。凌亂。煙臺最爲敏捷。且甚爲合法。而墮損中立之威權。破壞中立之成約。轉在彼而不在此。此其故又何也。嗚呼。我知之矣。青島之屬地。德能行其強權。日俄兩戰。國皆不敢侵害其中立之主權。故依例照辦。彼此皆無後言。上海名雖爲中國之中立港口。而事關萬國之交涉。且承修俄艦之耶松廠。實爲英國之產業。故就其交涉之性質。以言幾於爲中英兩中立國與俄日兩戰國之交涉。而非祇中日俄三國之交涉。就其交涉之關係。以言則事變一出。各國財產必受牽累。而實言所集。必在首禍之人。故雖以中國辦法之迂緩。俄人商議之周章。而日本軍艦不能不靜以俟之。俄皇之諭旨不能不曲爲允從。此非中國之有權力。而實因上海之關係。至爲複雜。各就其所。便以求結局。不能終於崛起也。惟有煙臺一地。以義務言。中國地方官與水師提督。本未嘗不引爲己任。乃中國政

庶不能依據公法預防有他人損壞我中立權之事先事戒飭辦事人員豫爲之備以致日俄兩國在中立港內自爲戰鬪捕拿之行爲遂致以二隻之日艇區區一二之中尉一若不知公法之何若主權之何屬在我中立港內暢爲其所欲爲事後轉言我國中立之不完全煙臺可視爲戰地此其意豈盡由衷之言哉彼特謂中國不應有公法上之權利而已嗚呼列國之待我如此不亦大可悲哉今日者上海俄艦一案業有成言竊料我國上下之人又將以爲事已就緒仍可守我之中立晏然醉夢以度晨昏不知煙臺及上海二案皆爲我國國不得有自主權之明證竊恐將來交涉之上權力益微自保益難不知我政府又將何以善其後也。

兵部擬奏整頓軍營報銷積弊摺

竊方今時勢首重練兵而練兵報銷以覈實爲要臣部自光緒八年議定覈銷章程迄今十有七年內而八旗各營外而駐防綠營報銷冊有遲延舛錯遺漏者有不按例限混冒請銷者有不分別奏咨率行請銷者積弊多端殆不勝其指駁頃者各將軍都統督撫奏請抽調練軍改習洋操槍礮子藥所費尤屬不貲如繩以例章則有今昔之不同如其開報則日新月異幾於無可紀極臣等伏思旗營綠營抽爲練軍名目雖殊而規制自存駐防改

爲洋操器械雖異而操練則一值此兵弱餉絀之時屢有裁兵節餉之議各疆吏手縮兵符操練自其本職原不藉此罔利而不肖將弁以及善後局營務處各員難免不上下其手槍礮略變名色卽是新製子藥不計分數動輒千萬正恐積弊未周糜費日甚餉源因此而愈絀兵制爲臣部專責不得不極力講求以期補救萬一謹參酌舊例釐定新章約爲十條具列於後 一官弁兵勇季報冊定例按營分載員名限三箇月一次具報直省標協各營兵丁馬駝督撫各按年彙題造冊送部臣部統於年終察覈彙題軍器報銷及戶部給餉工部製造均以此冊爲徵信今直省季報冊或欠報一二年或欠報二三季度至綠營兵冊其舊欠者臣部已屢行奏催而現在裁存之數亦未一律報部遇有覈銷事件無從查對此次奏定之後各將軍都統督撫務將季報冊按照例限提歸銷冊前報部存覈止載管帶員名駐紮處所及各營兵勇總數多少不必造花名細冊以期簡而易行綠營兵冊其未將裁存實數報部者應令速行造報其已將裁存實數報部者仍應按年造報一次以備年終察核彙題如逾限不報報或不全者照造冊遲延例議處 一軍火器械銷冊定例營伍成法不得率議更張其製造件數更換分數均有一定期限遇有征調皆先酌擬章程具奏立案今直省銷冊止載年月起止不具章程案據所有冊內曾經奏咨在案及照章給發等語竟成通套

殊難憑信自此奏定之後各將軍都統督撫務將本省本營製造起案更換定章詳敘緣由載入冊首其有變通案章之處須切實指明具題請旨報部核議如仍前咨報不具奏案章程者照造冊遺漏例議處 一軍器按本省本營例限修製定例軍器有八旗官製而綠營自備者有此營官製而彼營自備者其修製年限又有此營年分多而彼營年分少者均因地酌定遇有修製時俱應按本營定例辦理毋得將各省別營之例比照援引今直省練防各軍改習洋操動稱仿照某省某營章程並不將本營向辦成例斟酌損益用示限制只圖銷款較多以爲侵蝕地步實屬有意欺飾自此次奏定之後各將軍都統督撫務遵照本省本營修製例限酌擬條款咨部覈議俟覆准後再行造冊請銷如不按本省本營定例輒援引各省別營例者照冒混修製軍械例議處 一軍器分別奏咨題估請銷定例直省滿綠各營修製軍器需銀千兩以上將軍都統總督巡撫將添新逾限各械名目件數原製原修年分及損壞實在情形詳細具奏俟兵部覈准後再行造具冊結題估估准後再行動項辦理如銀數在千兩以下仍造冊咨部俟核准後方准動項修製請銷如同一標營同時修製需銀千兩以上者不准分案咨報仍照例具奏今直省防練各軍改習洋操所有軍火器械並不題估亦不核計銀兩多寡係同營同時與否卽行請銷未免近於專擅自此次奏

定之後各將軍都統督撫務將購製添造洋槍礮子藥及別項器械確遵定例分別奏咨切實題估俟覆准後動項辦理除軍務有事年分及防海緊要地方應令隨時奏請外其平時修製軍火器械等項如不分別奏咨不待估准擅自動項修製者照添建營房率行請銷例議處 一軍器盤查保題定例將軍都統副都統總督巡撫提督總兵於到任時將所屬同城親標營一切軍裝器械限兩箇月委員盤查其外屬各營限三箇月委員盤查保題一次仍取具該管官員並無缺少印結及委員並無捏飾印結存案又於每年十月內將所屬各營委員盤查造冊於封印前保題並一切軍械及守禦救火器具數目原製原修年分分晰造冊送部查核其每年十月以後收支軍械即造入下年題報冊內送部今直省駐防綠營所有軍械多不保題即間有循例題報又或不按限期含糊了事遇有征調動請添製軍械其實存之數究無從查核至練防洋操槍礮之藥僅隨銷冊開列並未遵例盤查保題尤覺漫無稽考自此次奏定之後各將軍都統副都統總督巡撫提督總兵務須按照定例於到任後及每年封印前委員認真盤查保題取結咨部備案如逾限不題及僅隨冊開列者照造冊遲延舛錯例議處 一軍器交代撥補定例八旗駐防綠營新舊各官俱限一箇月交代離任官員取新任官員查收清楚回文方許起程接任官交盤並無缺少造冊出結通報

該管上司歲底造冊報部又各營額設軍械逾限損壞如該營尚有存儲盈餘軍械即照數撥補毋庸另行製造仍將撥補之處詳明該管上司報部備案如有製造別項器械准其撥抵應用其餘舊料據實變價報撥今直省駐防綠營交代冊結多逾限期其軍械有無缺少及是否損壞平時無從參驗有事愈難稽核至練防洋操槍礮既無交盤冊結又不具損壞期限一遇裁遣並不將領用軍械如數呈繳甚至轉入盜賊之手尤滋地方隱患自此次奏定之後各將軍都統督撫務令駐防綠營各專管官將軍火器械按期交代並存儲盈餘之數詳報備案遇有損壞亦聲明逾限與否咨部存核至裁遣時該營應將軍械如數呈繳該管上司委員查收並取具繳清切結報部如新舊官互相推諉捏飾交代不清或並不將盈餘實數詳報以至損壞無從撥補及裁遣時無軍械繳清切結者照造冊遲延遺漏例議處

一官弁兵勇製給帳房定例出師官弁支給鍋帳一品官連跟役給鍋帳四項副二三品官連跟役給鍋帳三項副四五品官連跟役給鍋帳二項副六品以下官給鍋帳一項副兵丁四名鄉勇五名長夫十名各合給鍋帳一項副又查辦夷務五品以下一員給鍋帳一項副千把外委兵丁五名合給鍋帳一項副今直省練防各軍改習洋操設有總統統領分總統帶管帶幫帶正副哨各等稱與出師查辦名同實異至兵勇長夫又籠統開支鍋帳漫無

區別名實亦不相符自此次奏定之後各將軍都統督撫務按統領統帶管帶幫帶正哨副哨六項製給夾帳房統領統帶各給鍋帳三項副管帶給鍋帳二項副幫帶給鍋帳一項副正哨二名合給鍋帳一項副副哨四名合給鍋帳一項副兵勇長夫三項製給單帳房仍照舊例辦理其總統分統督帶等名概不准設至兵勇循例彈壓及緝私防堵事宜亦不得援出師查辦之例支給帳房如官弁多立名目兵丁不分等差以及妄引出師查辦例者照冒混修製軍械例議處 一帳房及各械更換期限定例征防官兵隨帶夾帳房按八箇月單帳房按四箇月各更換十分之五其隨帶之鑼鍋等項計及三年准其更換一次今直省練防各軍改習洋操夾帳房六箇月單帳房三箇月各更換十分之五其器械或一年或未及三年更換一次與例本不相符一經駁查又多方捏飾或並不按限聲覆前案尙未核結後案又經到部殊爲有意延混自此次奏定之後各將軍都統督撫務將夾單帳房并隨帶鑼鍋等項及洋操器械爲舊例所不載一併扣定更換期限照例支給至旗幟號衣號帽等件各營均有修製更換年限亦不得援引別營之例任意飾報如不按定限仍舊延飾者照混冒修製例議處 一換防兵丁攜帶帳房定例直隸山西陝西甘肅兵丁前往西北兩路新疆換防四川兵丁前往西藏換防夾帳房十六年製八年修單帳房八年製四年修除此五

省及新疆西藏駐防外例無換防專條今直省練防各軍改習洋操希圖加給帳房動稱拔營換防甚至既建營房又製帳房與籌餉條款內有營房不准領帳房定章顯相背謬自此次奏定之後各將軍都統督撫果係換防省分仍照舊例辦理若非換防省分遇有緝私防堵及彈壓事宜不得援引換防之例加給帳房如本非換防省分及建有營房地方率請加給帳房者照冒混修製例議處 一槍礮子藥應定限制查京師內外火器等營操演章程每月演放槍礮或三次五次十餘次每次或三出五出十餘出每出所用鉛子鐵子火藥烘藥及藥信火繩等件俱視槍礮尺度斤重合計均有一定限制今直省練防各軍改習洋操槍礮名號極多忽舊忽新不載尺寸度數其火藥僅有尋常加工之分並不按鉛彈搭配核算次數出數並槍礮大小高下應用分數至鉛彈向有檢七耗三定例亦不聲敘檢耗數目報部備核此在平時既不得其的數一遇征調紛紛添子藥更無從知其應添與否殊不成軍制自此次奏定之後各將軍都統督撫務將所轄各營分晰未改洋操者用內地火藥若干已改洋操者用洋火藥並鉛彈若干再分別撥用製造局軍械火藥及採買外洋軍械火藥若干每月核計次數出數分數並將鉛彈耗檢實數分造四柱清冊報部至已設製造局省分應將每年製造槍礮若干每省領用若干實存若干及槍礮身長口徑尺度斤重藥

繪圖式開具清冊咨部備核如槍礮子藥毫無限制鉛彈耗檢不分晰開報實數以及撥用採買均無冊報者照造冊舛錯遺漏例議處以上十條臣等係爲剔除積弊講求兵制起見相應請旨嚴飭通行如各將軍督撫仍前延玩一任各營局承辦各員浮濫支報臣等當據實糾參以示懲儆謹 奏

整頓南洋海軍

江督魏制軍因南洋兵艦不敷調遣向閩省商議官廠之建安建威兩兵艦並添置礮械器具由徐總兵傳騰管駕回甯駛抵下關當經魏制軍派員點驗並加查勘又以南洋魚雷船八艘停泊向無一定處所擬於北河口築一船塢已委知縣舒濬會同籌防局南洋水師船廠兩總辦馳赴北河口查勘形勢以備興工

驗收藥庫

魏制軍查悉長江各礮臺火藥庫多未合法即飭令趕緊改造俾歸妥慎省垣獅子山礮臺藥庫圍工最早現已告竣制軍即飭籌防局委派李二尹光襄前往驗收工程

水陸嚴防

粵匪竄擾湖南邊境各路關隘防軍長江水師程從周軍門自奉 諭防堵後特札各營派礮艇馳赴岳州宜昌一帶扼要之地駐守以重防務而安慶水師協礮艇八艘先已奉撥啓程 西匪猖獗湘省邊地戒嚴自辰水沅增道莊觀察赴永州查辦生觀察率帶所部忠字四營赴邊防堵有防堵致軍機別無轉輸可調陸中丞乃飭隨帶武員顏梓琴軍門

軍 事

三百二十六

八 月

就近派專兩旅駐紮省垣以資鎮懾 鎮海為浙東門戶舟山為省會為英人所據因此派有水師吳常川駐守在因日俄構釁恐有兵艦竄入及海盜乘機生事奉督務處電飭所屬營汛嚴行戒備以固邊防

川 夷 滋 擾

川省自六月初旬以來馬邊油米平夷匪及雷波屏山哇夷匪勾結雲南東川府項家營夷匪出巢焚掠勢甚猖獗該處徐寶書外委顧紫玉二尹均被擄馬提督維祺聞警已調遣字營三哨前往相機勦辦

高 涼 請 兵

粵東高州府電白縣屬盜賊披猖陽江陽春等處土匪響應集各鄉落頻遭滋擾該處防軍勢力弱未能勦捕地方官恐釀成鉅患電稟省憲請撥大軍馳往會勦大憲即札調番字營安勇等隊往為勦辦各營奉命後即部署行裝七月二十日由省拔隊分乘民船藉以兵輪向高涼進發

整 頓 沙 團

廣東順德香山一帶沙匪素稱猖獗前經邑紳籌辦沙團募勇層給以資保衛現日久弊生匪風復熾邑紳溫子紹等赴撫稟具稟安議團防章程十則按款抽捐每款團費銀二錢五分採募練勇三百名并繳價赴軍械局請領軍火請委武弁管帶暨購輪船二艘拖帶巡緝悉由善後局發給牌照及由緝捕局刊發總局戳記選舉紳耆總理俾得整風而衛桑梓等情現奉批准即札行司局移行該管文武一體聯絡查緝

廣 西 軍 事 紀 要

桂林 永甯告急省憲派廖軍門統桂防一營前往堵勦該軍至三陸時被匪圍攻兵力不敵三陸為匪所破該軍敗潰

大半爲匪脅從槍械盡失糜統領不知下落 當柳州變起兵單匪迫危急萬分幸大股叛匪在中渡盤紮十餘日即行
遠去省垣危而復安現當道仍恐竄慶之匪回竄桂垣欲厚集兵力保障根本奏派右江鎮黃忠立率照字各營及綏靖
保安兩軍專防中渡三區一帶以屏蔽省城又將王道芝祥所統舊常備軍中前左右後五營全數由永維調回駐紮城
內近又新到廣東常備中軍武匡軍督轅親軍各若干營省城益安

柳州 七月初四日廣東銘軍張管帶在東泉之佛子均與匪接仗敗之匪竄田州大鎮而逃日暮收隊初五日符開銘
親剿匪於三板均戰至三鐘匪敗竄入洞 柳州自兵叛後八屬匪黨蜂起到處擾害柳城縣屬南鄉大畔村六月下旬
某夜被匪百餘人各持槍礮打入村內劫去牛隻及銀錢衣物等件又某日白晝東鄉拉建村被游匪毛玉林等率黨二
百餘人闖入牛隻什物一概擄盡村衆集練追捕與匪交綏被匪礮傷兩人練丁人少械拙未敢遠追匪得賊從容而逸
又南鄉九歪村某日將暮時有游匪數十人號衣旗幟蜂擁進村攻劫該鄉近在大路以爲官勇經過未敢阻攔及至搶
物始乘始行鳴鑼集團圍捕擒獲二名匪黨退散又西北隔一帶鄉鄉無日不遭匪擾各團練頗有應接不暇之勢 柳
州叛匪分股攻破長安竄赴懷遠縣之板江地方大肆騷擾該地屬苗疆苗民結寨而居專以種山爲業近年匪亂未
平木客羸足以致山木不銷地方窮困苗民深恨之六月間叛匪約五百人竄入苗寨作巢苗民數千人繞出圍擊匪黨
槍礮雖精而苗民慣用土鎗發必有準與匪相持兩晝夜苗民愈戰愈多將該匪重重圍擊殺斃三百餘名餘匪鼠竄苗
民亦傷數百人尤奮力猛追并不退緩

慶遠 慶遠東蘭州界有五十餘峒山深箐密匪巢其間最不易捕現竄慶遠之大股叛匪均向此間廣聚將有入峒負
觸之勢而岑柯兩帥主見則以匪分數十股零星散漫走而不守勦防均難不若任其竄入各峒再飛調大軍數十營合

匪徒劫聚於一隅而殲之以收一鼓蕩平之效現已電飭各路統兵文武員弁遵辦 著匪賀二自受擒後經派充某營什長此次柳州變起該匪復叛糾結陸亞登等股意圖大舉現為駐紮慶遠杜太守偵知踪跡即督保甲局紳及各哨弁協力兜截拿獲縣署訊明正法 慶屬東蘭州之納穀村被游匪數十人攻入盤踞拉生勒贖逼脅鄉人歸洪拜蓋匪黨偽名洪會勢極猖獗團練報州官派親兵五十名防勇數十名到村合勦行至納穀村邊匪黨出而迎敵互毆逾時餘匪分隊散去嗣又續來匪黨五六百人快槍甚多勇團人少勢力不敵被匪槍中崔哨官下馬並傷勇丁數人幸得鳳山團練二百餘人趕到救援匪在納穀村側之林鏡村開仗數時之久斃匪數名生擒二名匪始竄去且戰且走各鄉團練又到沿途追擊匪至納洞紅河渡江而逸

恩恩 遷江縣屬七洞地方山巖重疊有區四趙老毛等十餘股匪徒磨集其中時常窺探各鄉富戶擄物捉人有團練梁英聚家擁巨資自購快槍百餘桿辦理防務頗稱得力匪黨屢欲攻擊未得其隙六月間梁某帶團赴鄉捕匪被區趙各股黨乘間攻入村中將梁某一家男婦十餘人概行拉去梁顯出銀取贖匪不允逼梁親自會面勒繳快槍若干始可了事否則盡行殺害梁因被脅從之始得釋回 竄赴慶遠之股匪經過遷江縣城時城中猝不及備當被攻破擄掠所有而去

南甯 距南甯六十餘里之馬村匪首唐聚伏法之後其姪又結黨二三百人四出搶劫附近地方現據村人練勇會同擒獲槍斃匪黨數十人已將匪首解往宜化縣訊明正法 又距南甯六十里之那連墟有匪黨二百餘人到墟搶擄該墟團練勇少力不能敵卒被搶掠一空經團紳赴城稟報左江道余觀察以該墟毗連靈山永淳宜化三縣境界故即札飭三縣會同勦辦

七月二十一日京城得廣西軍報知該省四十八洞之匪有大股竄入貴州境內貴州防邊之某某等軍管帶汪格基王虎臣二員因防守不力致全軍潰敗亂匪竄入已由黔撫曹中丞奏奉 嚴旨軍前正法其餘該處道府屢飭加意籌防乃竟漫無措置亦屬咎有應得並著交部議處而桂臬劉春霖行至黔邊已就近先行防剿 又官場消息知粵匪有一股竄入湖南之洪江在湘防堵之杜愈一軍現正籌撥勁兵前往防剿

藏英戰事紀要

甘志信西藏達賴喇嘛其復陶及夫因此次之事皆由其一入起意此後一切擬求英國保護拉薩各僧仍有建議抵拒者惟兵士已四散恐難再聚英將幼夫現在曉諭藏民云此次英兵進攻拉薩因藏員前曾開罪英使故此來索賠此後藏民若再阻礙英人前線亦必重法嚴懲又致書於達賴喇嘛欲令其賠認失敬英使之罪謂英國甚願講和惟以後如再有拒敵等事適足自取其禍 六月十八日赤山飛報電英國楊赫斯奔大佐與西藏議和專員面晤二次首次西藏管閣官亦在其內力請楊赫斯奔大佐不可前進即以所帶達賴喇嘛來函相示該管閣官又謂若英兵前進聖城恐達賴喇嘛必閉而覓死楊赫斯奔大佐答之云所擬條約必須在拉薩簽押若藏人不攻英兵則英兵斷不入各寺觀一經條約簽押即離拉薩英兵停駐時日之短長即視藏人議和如何而定 七月十八日天津電中國駐藏大臣電稱藏人現與英國專使開議條款但達賴喇嘛現仍不見藏民建議將其廢去 二十二日香港電在藏英兵定於八月初六日退出拉薩 駐藏大臣有奏電致政府謂現已行抵前藏與英兵官榮赫朋會晤一切可以和平商辦至藏地凡有聖容之處皆已格外防護惟賞犒撫恤需款不資藏地無從籌取索之川省又不能應付祇得援從前某年例由外務部撥借云云旋由外務部允許撥給以後仍由川省歸還並屬其速與英兵官和平商議藏地通商之事而前由赫總稅司派巴

爾君前往西貢與英人商訂一切現已撤回

日俄戰事紀要

韓境戰

俄兵之在韓境者由北南下於七月初一日即與日本斥候兵小戰先是六月二十八夕漸有雨意日軍駐屯隊即乘夜拔隊前進高木所統之隊即駐通陽日洞之海岸街道津田所統之隊則在德源街道以待敵軍天既黎明驟雨驟降不辨咫尺迫上午六鐘雨勢益急時有俄兵約三十騎行抵孝子門洞津田隊遂遣一分隊出哨偵探無何俄軍近逼日軍開砲擊之歷十分鐘俄兵毫不抵抗而退未幾俄兵復使探隊進向德源街道別道一中隊半由文坪里沿海岸道路以迫陽日洞該地與望德山麓毗連隔德源川以對白沙青松之陽日洞日軍所佔地位甚劣俄兵則既控有望德山復携有阿基克斯機關砲兩尊日軍山口隊之中村中尉及甲賀轉務曹長各率一隊依松林而與俄兵對峙俄兵則布砲兵於對岸要地使騎兵徒步散於邱陵之上迫七鐘二十分兩軍開槍互擊中村隊更出海岸沿河流開展而由側面射擊俄之砲兵陣地俄兵大敗遺棄砲彈死屍而逃騎兵亦即逃走途次恣行掠奪殺戮韓人經文川而至高原是役也日軍無一死傷且奪獲軍械各物俄兵之負傷者十三人死者四人內有將校一員合乘戰場之屍共死七名邇來日軍尙在陣地警戒不稍懈弛以防俄兵之由北南下云

蔚山宗谷海峽戰

俄軍海參威艦隊屢至日本海面遊弋並擊壞其商船而日海軍中將上村氏所統艦隊終不能與之相遇日本人民頗有管其輕縱者自是上村巡察海面較平時益嚴七月初四日下午五鐘歸至蔚山左近忽見俄艦格朗姆拜露西亞到

立克三艘在其前及夜駛益近越一小時察知俄艦必由海峽而過乃於東北方面進擊之是時俄艦格朗姆拜抵禦最力受日軍砲彈亦最多故其戰力全失露西亞受彈亦頗不少不堪再戰兩艦均飛駛而逸其刻立克一艘卒為日砲擊沈艦長及第二司令官均自縊全艦將卒八百五十餘人紛紛躍入海中日兵拯救負傷者過半傷重淹斃者二百五十餘人所逸兩艦兵士死傷亦復不少並大減其速度力航行三日方歸海參崴是役也日兵死傷約及百名與戰艦為上村中將之旗艦出雲三須少將之旗艦磐手及巡洋艦吾妻瓜生中將之旗艦高千穗及巡洋艦常磐浪速自是以後日軍仍行備戰不敢稍懈乃以千歲一艦扼守宗谷海峽在北海道與庫頁島之間而以對馬一艦副之初十日下午至十一日午前忽遇俄艦娜伊克於薩哈連島俄屬在日本北海道之北之科爾薩科夫洋面俄艦受傷甚重旋復觸礁擱淺半身沈沒俄兵登岸爾逸日艦對馬之煤輪亦為敵彈所破餘無損傷娜伊克速力一鐘二十五海里為俄國巡洋艦中速力之最大者而上村艦隊遂獲勝其功誠有足多宜日皇之以溫詔褒之焉

遼陽戰

日本第一軍既佔細河沿其前面之俄軍全恃湯河右岸以為防禦之地自紅沙嶺經寒坡七盤弓張等嶺迤邐至溝子北以達大西溝北之高地築一長線砲臺復於各處峻嶺築砲臺以備俯擊而日軍則限於地勢雖有砲兵無可展布不得不分三隊進攻其中隊及全隊步兵以七月十五日夜半啓程往攻弓張嶺及硯山城之俄軍中隊日軍用槍頭刺擊逼近敵地俄兵漸次增加抵禦益力於是兩軍改用槍擊至次日正午俄軍不為退而安平附近之砲兵復猛攻日軍日軍頗瀕於危然士氣益壯卒逼令俄軍退至湯河東南其右隊之兵於天未明時往攻紅沙嶺七盤嶺及兩山嶺間之俄軍既破其左翼而未全佔紅沙嶺故自晨至昏劇戰終日日軍左隊亦於天甫黎明督率步兵前進攻擊於是兩軍互

以砲火相交自午後二鐘至四鐘砲聲最烈旋見俄步兵益復增加力逼日軍左翼致日軍不能猛進未幾直撲其中擊將俄軍截分為二處戰移時至曉始佔其地先是四鐘時雷雨交作各山烟霧驟起大西溝俄軍進襲日軍數次然皆無效日軍遂乘此佔領紅沙嶺獲其巨砲八尊十七日日軍冒霧前進其時俄軍僅一枝隊抵抗甚力相持至晚日軍漸將大西溝以北及孫家砦以南一帶之高地佔據此次之戰最為激烈者在紅沙嶺及弓張嶺兩處俄軍在月明中瞭見日軍進行對之猛擊砲聲連連且由山巔拋墜巨石日軍死傷頗多然日軍不顧冒死突進卒將俄軍擊退此時俄軍大半退往遼陽其中數隊仍於日軍前面駐紮日軍中右兩隊追擊敗之並擊退雙廟子砲臺之俄軍惟左隊之兵則為香山子俄兵竭力抗拒不能北進十九日中右兩隊進至雙廟子至石嘴子以西一帶之地左隊之兵亦擊敗大西嶺及香由子附近之俄兵於是遂向益友溪及孟家坊而進惟俄軍於是日大將兵力增厚故日軍不得復前其第二軍隊則從遼陽大路而進於十八日猛逐俄軍以後即於次日陸續前進佔領雷家堡至黑牛屯一帶之地以爲該軍右翼又佔黑牛屯以西至余家臺一帶之地以爲該軍左翼未幾右翼一軍與第一軍左隊聯合遂將是處俄兵逐去齊向孟家坊進發是夜攻擊遼陽各軍與俄軍對壘而宿二十日黎明日軍齊進是時俄軍陣地東則由孟家坊取道曹方屯新立屯樊家屯以至徐上堡西則由海城以至遼陽大路東西橫亘共廣十二英里半而日軍之進攻於西則以第二軍當之於東則以第一軍當之當第一軍左隊之進攻孟家坊益友溪也俄兵愈戰愈多午後三鐘尙未佔其陣地該軍右翼則自午前六鐘破擊曹方屯以南高地之俄兵初頗勝利嗣俄兵增至兩師團以上並有砲五六十尊於是日軍困難甚直至午後三鐘與其左隊互相聯合遂逐去曹方屯以南高地之俄兵即佔據瓦溝一帶之地惟反受俄兵攻擊至五鐘猶苦戰未已其進攻樊家屯新立屯者爲第一軍右翼及其左翼中之一部列砲轟擊異常猛烈乃俄軍恃堅壘力戰不

屈至午後五鐘尙不能進佔其陣地軍械上僅一軍則爲第一軍左翼方攻擊其西面砲臺之際俄軍以機器砲應戰軍雖猛不克進時已午後四鐘半乃以預備兵增入藉厚兵力其砲兵一隊則於前此兩鐘由左面突進歐羅屯繞出徐上傷俄軍之背然而俄軍兵力亦漸增拓徐上堡砲臺及其東面一帶列砲百尊而其陣地又極堅厚且又有第二防護之地故日軍步兵不易逼近二十一日晨兩軍復戰至午後勝負猶未決惟右翼一部得佔新立屯以西之砲臺二十二日日軍左翼併力攻擊又佔新立屯西北及徐上堡西面一帶之砲臺至是俄軍不支北向遼陽而退日軍以中隊及左翼一部追之俄軍大亂日軍獲其大砲即以攻擊遼陽車站附近之地遂毀其車站其右翼亦於黑龍堡追逐俄兵二十三日日軍更迫俄軍至太子河右岸俄軍擠入河中者甚多二十四日各軍齊舉續行攻擊遂於晨佔領遼陽全部是役也前後戰至十日之久兩軍死傷以數萬計誠自開戰以來之一大戰也

俄國防務彙誌

陸防類誌 錦州函遼陽城內有山名金銀庫者聳立千丈能眺見三十里之外附近又有煤山二座高可出城俄軍已建砲臺近因營口海城相繼失陷遼陽戒嚴三山添設望海樓多置大砲以防日軍迫城 七月初八日山海關函奉天消息俄軍前於奉天西門外十五里之渾河堡建築砲臺十座近已安置大砲每臺四尊 又函法庫門以東三百八十里之四馬江近來俄兵甚多數以萬計皆由俄嶺而來近在彼處興築砲臺二十餘座晝夜趕工汲汲不遑 又函遼陽俄兵日來防備益嚴因恐日軍北進故於鞍山店聚集大兵約六師團大砲百尊並於該處趕築城垣期與日軍決一大戰 十一日錦州電俄人在哈爾濱周圍修築戰壕仍未停工東山砲臺業已竣工連環七座俄如列星有俄馬隊二百餘名駐紮防守 又函駐遼陽東北約三十里奴芬地方之俄軍近正經營防禦工事該處邱上現有巨砲十餘尊環前

設有鐵條網並於前面掘一陷窄寬五尺深長各一丈積水約深五尺內樹以尖銳木柵上鋪青草以遮其跡 又兩邊陽以西八十里之東灣子現駐俄兵三百名並有巨礮四尊又遼陽西南約六十里之莊家子及遼河之渡場均駐有俄兵四十名晝夜嚴守 又函俄軍現於松花江之大鐵橋左近築有礮臺架設巨礮三尊橋之上下均設防具並派守備隊各乘輕艇浮於中流無分晝夜嚴加守備 奉天函俄兵數師團在安平一帶築壘掘壕以阻日本第一軍進取之

戰事雜紀

七月初四日東京電日本海軍協會因鑑於近日之事變擬製造假巡洋艦十餘艘作為戰時補助船以備不測平時則充海上運輸之用業經評議員會及理事會之決議且得朝野有志者之贊成其製艦所需之費則將以募集有志者之義捐金充之 十二日倫敦路透電俄皇電致司徒塞爾將軍嘉其防守旅順能以勇敢之志保持俄軍之榮譽 旅順有女偵探一名冒稱脫賴子爵之夫人其真名係渴立斯丁達露麻因受日本政府重賄特至旅順扮充偵探其居處甚華麗時開跳舞會以引人來觀俄官多與來往因此得獲確實消息在彼得阿帕羅司克未沈以前屢有密電傳遞東京聞日政府每字酬以英金五十鎊 十四日烟臺電本月初六日午前九鐘局肖色要塞之俄國兵士見有日本少佐士官各一名及兵四名手持白旗從劍山方面前進曼達林街乃由電話告知其第二十六聯隊長該聯隊長令停止前隊嚴擊俄國大尉拉布羅符出塞迎接以俄語行相見禮日本少佐復請見其有責任之參謀士官乃由電話告知俄軍本營既而俄大佐與二士官偕來日本少佐乃將勸降俄國陸軍指揮官及海軍司令長官之書各一封交與該大佐而別 又日本第二軍司令官與大將致旅順士鐵些路將軍及各將卒檄文略云俄國兇惡無道卿等為之防禦方與戰

爭不正不義日政府因自衛及世界人道之故遂即宣戰征俄今其艦隊殆歸全滅陸軍亦復喪敗旅順一隅不日陷落
 卿等命運危如朝露何尚為殘暴之政府効力死守其速擲棄兵械降服我軍請熟思之云云 自日軍占營口後
 俄人抗其前進每遇戰敗俄大將即治統兵官以軍法或活埋或槍斃現已不下七八人之多 十七日柏林電俄國現
 已購買智利與阿根廷兩國之戰艦數艘先懸法旗離去南美洲一俟行抵東亞方改懸俄國軍旗 二十五日香港電
 俄國海軍省因六月二十九日從旅順逃出之俄國艦隊卒至四分五裂此皆由海軍提督處置不善之故現將提督烏
 士頓斯職召至軍法會議審問處罰 二十六日東京電日本改訂徵兵之例已由樞密院議妥擬將第二預備軍之軍
 籍時限展長 二十八日香港電俄國華倫太尉今統領旅順艦隊以繼魯湯斯開親王之任 海參崴俄國司令官前
 曾示禁奸孺避難近復諭令遠徙略謂此埠水陸兩面受敵有眷屬者各宜豫避或不願遠入內地者即可往附近之尼
 古里斯克或伊曼兩處或就物價低廉地方或就親戚故舊均可隨便若有幼孩以及田產房屋商工業之店舖者即准
 居市內惟當明記其蓄藏食品若干呈報官府倘無房產及工業店舖者即不必逗留此地可速為避居之計 滿洲人
 民欲入日軍占領地開設商店除酒食及軍用物各店舖外餘皆不許近進戰地商人礙難進行日軍司令部特以開放
 主義決定以下管轄數則示諭於兵站監部一在兵站地域內日本人之諸營業無論其目的是否備直接軍隊之用總
 以不妨害軍隊之行動為主因是不得不加以限制且予以保護使直接或間接以充軍隊之所需二營業之種類及其
 方法苟經司令部察出實有紊亂地方之安甯及妨害軍隊之行動者不論日本人中國人及其他各國人當概加以制
 裁三制裁之法約分三種一禁止營業二停止營業三驅逐于戰地之外四日本人欲在兵站地域內營業者當出願書
 于兵站司令官及軍政員而受兵站監部之允許方可設立 日本滿洲軍總司令官大山巖氏因在青泥窪改修鐵路

軍 事

三百三十五

甲 辰

開通火車專辦接濟軍需糧餉等項特設勸誘沿道各村居民須遵守所開規條如下一毀損鐵路或意圖毀損者不論首從均行死罪二不論何事敢行妨礙火車行走者並意圖妨礙者一律死罪三各村居民會同公議以定各村地界嚴行監守為要四各村保界內鐵路如偶有查出損壞處所必須火速稟報五如監守失宜被人損壞惟各該村民是問徵收該村年稅全額以充罰款六各村民人如有舉報必有重賞云

日俄兩國開戰後海軍損失統計表

艦名	艦類	載重	噸數	速力	沈失日期	地名	事實
俄國							
華力耶	巡洋艦	六五〇〇	三十	廿三海里	十二月廿四	濟物浦	戰沈
亮立志	砲艦	一二二三	九	十三半海里	同上	同上	戰沈
依尼西	運艦	未詳	未詳	未詳	十二月廿六	三欽島	觸沈
卑耶	巡洋艦	三二〇〇	十九	廿五海里	十二月廿七	同上	觸沈
斯得力可敦	滅魚雷艦	三五〇	四	廿六海里	正月廿四	旅順	戰沈
斯高里	滅魚雷艦	三五〇	四	廿六海里	三月三十	未詳	觸沈
斯特起那	滅魚雷艦	三五〇	四	廿六海里	二月廿八	旅順	戰沈
彼得阿伯羅可克	戰艦	一一三五四	五十	十六十之三海里	同上	同上	戰沈
黑龍江	運艦	未詳	未詳	未詳	三月初十	同上	觸沈

東 方 飛 艇 八 期

船名	船種	噸位	乘員	位置	日期	地點	結果
失名	破艦	未詳	未詳	未詳	四月廿一	旅順	觸沈
失名	破艦	未詳	未詳	未詳	未詳	未詳	觸沈
薄爾克夫	滅魚雷艦	二八〇	六	廿五海里	六月十二	旅順	觸沈
西華起	破艦	九五〇	十三	十二半海里	六月廿三	遼河	自沈
勃斯起及納	驅逐艦	三五〇	四	廿六海里	七月初二	烟臺	被捕
劉力克	裝甲巡艦	一〇九三三	四十四	十八十之七海里	七月初四	海參崴	戰沈
失名	破艦	未詳	未詳	未詳	七月初八	老鐵山	觸沈
娜伊克	巡洋艦	三〇八〇	十九	廿五海里	七月十一	薩哈爾島	戰沉
濟洲	破艦	一四一六	十四	十四海里	未詳	上海	扣留
賽德彌氣	戰艦	一二九二二	六十八	十九十之六海里	七月	青島	扣留
未詳三艘	滅魚雷艦	三五〇	六	廿七海里	七月	同上	扣留
奧斯科爾	巡洋艦	五九〇五	三十六	廿三十之八海里	七月初二	上海	扣留
革羅伊蘇福	滅魚雷艦	三〇〇	六	廿八海里	同上	同上	扣留
狄耶那	巡洋艦	六六三〇	三十四	廿海里	七月	西貢	扣留
日本	魚雷艇	未詳	未詳	未詳	未詳	未詳	未詳
四十八號	魚雷艇	未詳	未詳	未詳	正月廿六	大連口	觸沈

三百三十七 甲辰

軍 事

三百三十八

八 月

宮古	巡洋艦	一八〇〇	十二	廿海里	正月廿八	同上	觸沉
吉野	巡洋艦	四一八〇	三十五	廿三海里	正月廿九	同上	觸沉
初瀨	戰艦	一五〇〇〇	五十	十九百之十一海里	同上	老鐵山	觸沉
海門	砲艦	一二六七	未詳	未詳	五月廿二	青泥窪	觸沉

日本軍人軼事九則

一松永少將鴨綠江未戰之先一日日本松永少將浴體剝髮換縞袴著白內衣而加戎衣於上部曲其故少將肅然曰明日之戰生還不可期若垢而醜態暴尸戰場詎非武士之辱耶於是副官以下皆效少將所爲 二藤井少將日本藤井少將凜然有威聞好諧謔談笑生風聞者多絕倒九連城大戰士氣甚盛是日午後諸從軍記者集於司令部索談戰況藤井君破顏曰今日乃黃白兩種人在東洋大舞臺演第一場火花座中人皆大笑 三長谷川近衛師團長日本長谷川近衛師團長當大攻擊之前日在北部元化洞高處望九連城曰壯哉山河堅不可拔非易陷也及下九連城猶推功將士深服其沉毅 四晴氣市三大尉日本中隊長晴氣市三大尉在敵彈急射中指揮全隊忽敵丸貫右腕猶大聲疾呼鼓勵將卒第二彈至適貫胸部仰面而倒勇氣凜凜更命其分隊今井中尉等急應擊今井中尉奮勇先登占領敵砲兵陣地大尉門報不自覺其負重創復張口呼曰萬歲萬歲 五近衛兵大橋咨吉日本近衛軍右翼第一隊渡邊河欲使人入水量其深淺忽一勇士奮然解甲躍入水中見彈丸亂下急向敵岸一敵兵攜銃遽前格鬪勇士身無寸鐵直闖入敵砲車奪取軍器打倒敵兵復迤而返是爲近衛兵大橋咨吉 六自抉額上彈丸之壯士日軍渡邊河俄人在對岸亂射甚急步兵伍長某勇進入水爲流彈中額傷不甚深彼大喝何物自舉手將額上彈丸抉出手上鮮血淋

濟自持彈赴衛生隊曰此敵中我彈也如此壯士惜逸其名 七西谷中尉莊司伍長等日本近衛師團西谷中尉莊司伍長等數人往虎山方面探敵莊司伍長先泅往岸身被凍不能動幸不見一敵兵偶見一斧棄電柱側西谷中尉曰吾決露西亞人之首亦如是柱矣乃奮舉起以斷其電柱而還 八工兵伍長藤澤一郎第二師團工兵伍長藤澤一郎作業時被敵流彈擊部微傷藤澤曰兵士後傷國之恥也命入野戰病院不聽仍作業如初 九不棄軍統之小兵日兵之負傷者雖在敵疆雨下之際亦從容將軍統接與戰友絕不棄以資敵人各國觀戰者皆歎為節制之師

中國中立彙誌

俄兵在小庫倫採買牛馬等物被日人偵捕駐華俄使照會外務部願以任聽日人自由見責外務部侍郎聯芳當往見俄使言前者俄人不許我兵駐紮遼西故遼西事我國均無從預聞今既以此見責當即飭馬軍門玉崑前往駐紮以後無論俄日兩軍有至該處干犯中立條例者當即捕逐且日人之犯中立實由俄人先啓其端今當一併禁止以昭公允俄使旋謂如果華兵駐紮遼西則俄軍亦須撥兵相防恐起衝突宜從緩議云云 新民西增子固太守甚得民心所練壯丁尤整齊有法俄籍譯某在奉天一帶勒索民財逼奸婦女害人無數聞者切齒因隨俄國武官某至新民復其故技太守立捕獲之俄員宵遁 駐華日使照會外務部云現奉本國外部來電內開中國所派遣之山海關道文報請暫緩前赴營口因軍務未已未便將地面即行交出云 奉天廷府尹風格峻整每逢俄人有非分之請輒嚴守中立據理以爭不稍假借故俄人忌之俄使告外務部略謂廷大臣不善交涉須揀賢良接替政府拒之且議以東省善後事宜悉歸廷府尹一人辦理 蓋平縣股大令鴻壽前被俄人挾至遼陽經解刺史華甫從中和解行將放適日軍進據蓋平苦將軍恐縱令股大令同蓋平必洩露軍情於日本願改議故尚留遼城 七月初十日山海關函駐新民屯之華兵

軍事

三百三十九

甲辰

軍事

三百四十

八月

計有奉天將軍部下一營由營官張左林統領昨奉增將軍札飭略云俄軍倘有侵入中立界內務須擊退不可絲毫寬假 十九日烟臺電俄領事會於烟臺東二十五華里之海岸德意志商人夏塔司商社所有之小邱上設立無線電與旅順互通消息雖數次由某道詰問終不撤退昨始取去電桿之附屬品及俄人留宿房屋內之各器具而停罷其通信之事 二十一日烟臺電有商船名葉的榮登者由日本裝載沙克伊皮酒金銀等物往營口及抵烟臺由該關稅務司囑令將貨卸岸因欲堅守成規扣留列入戰時禁品之貨物不使裝往俄地烟臺日本領事以其誤解中立國之任務力與辯論旋政府傳命不必將該船截往營口之貨物起出因其不過來此稍歇也 奉天增將軍電咨政府云遼陽及旅順俄兵紛紛來省者頗多雖約束嚴禁然該兵野性成仍不免有掠奪等事速請照會俄使電致該國駐東阿督早為設法以保閭閻而安商民 俄人於遼陽城多有毀壞之處各二三丈不等云預備兵亂時便於民間逃避又欲施之於瀋陽增將軍以瀋陽為 本朝發祥之地豈可任令毀壞當即竭力向阻 二十三日東京電有帆船二十六艘載運馬糞及糧食由威海衛前往旅順為監守旅順之日兵所捕船貨充公其船員則被釋放 七月十三日有俄兵數十名在新民屯東方八里之處為匪襲擊俄兵死三名賊匪傷十餘名俄武官遂照會中國營官曹某派兵勦辦旋據照覆云現當日俄交戰之時中立國官兵不能偏袒保護一國 俄使照會外務部略謂錦州大凌河紅螺縣一帶有日本人招募馬賊貴國官府並不詰問聽其往來現又在廣甯一帶招往鐵嶺昌圖等處騷擾於俄國軍務大有阻礙請迅速電飭該地方文武實力禁阻務令以後不得再有此等之事否則俄國只有自派軍隊前赴各處嚴密巡查禁阻以免危險云云 江海關道接有日本領事照會畧謂探聞近有俄人不惜重價購買民船多艘名為駛赴青島等處難保非乘機駛入旅順以圖接濟按照中立條規戰國不得在中立口岸購買船隻裝運糧食接濟軍隊如俄人果有此事實屬違背

中立條規應請轉致新國稅務司分飭各分關卡一體嚴查如有此項船隻必須扣留以盡中立之義務云云

各國中立彙誌

七月初八日柏靈電中立各國皆執定一意欲俄國辭去搜查開往遠東中立口岸諸船之權利然俄國亦執定其意見謂當不得已時必須有擊沈船隻之權惟允不率意舉行云 又青島電日本外務省致電青島德官聲稱德國將俄艦拆卸軍裝日本甚以為是並甚感謝又稱日本艦隊所以到青島者不過先時向未知俄艦已卸軍裝欲於俄艦離青島時捕之並非管轄德國云 初九日香港電俄國政府為查船之事答復英美詰駁之文內稱美英所駁尚妥已認分別照辦以後如實係戰時禁品方行捕拿至英國以外詰責之詞尚須熟思然後再復云 十一日香港電俄國巡洋艦提列司帶同水雷艇兩艘經過格列特貝爾特地方取道紅海搜查過往商船 德國政府嚴守中立將其訓令電致膠州凡戰國戰艦入膠州港可供煤斤糧食僅足行至彼國最近之港為止但須於二十四點鐘內出港如二十四點鐘內不能出港則再展限二十四點鐘凡戰艦如不能依以上所限之時期出港則須卸下軍裝為地方官拘留凡戰艦已入港後如一經出港即不能再入該港 十三日北京電駐華領袖公使已接到本國政府訓令電商駐滬各國領事及軍艦管帶勿助中國之中立亦勿干預日艦之舉動 又香港電駐滬德總領事已奉命令飭其於中國中立之事不可干預 十四日倫敦路透電毛爾塔地方示禁以煤斤供給前往戰地之戰國軍艦或前往他處阻止中立船搜查軍器禁制品之艦 五日東京電日人在旅順將法國輪船一艘及其貨物全行捕獲帶往佐世保 十七日倫敦路透電英首相巴爾福聲稱煤糧二物苟係運濟軍用者准其一體列為戰時禁品今已與俄人辯論此事及他事矣 又電英政府已明白照會俄政府聲明英國所守之地位 即德商戰時禁品一案 斷不稍有退讓 二十日香港電英國海軍省報稱英國駐滬海

軍事

三百四十一

甲辰

非洲好望角艦隊之司令官已於七月十六日率巡洋艦克里山福提塔爾魯三艘由賽齊爾港啓程出海南向追尋俄國義勇巡洋艦斯莫倫斯克及聖彼得堡 又電現駐開普浮爾德附近之南大西洋艦隊之司令官亦已奉命率巡洋艦聖卓爾基及畢列安出尋該兩俄艦 又電英國巡洋艦巴羅沙已在哇爾斯非趨灣及班蓋拉灣之間追尋俄艦派特別治則在哇爾斯非趨灣及西門斯灣之間尋覓云 俄國白尼滅魚雷艦前在威海衛沈沒其將官四名兵士六十一名今在香港由英人監守之 二十六日東京電法國汽船喬齊前圖破壞日本封鎖而私運貨物至旅順後爲日本艦隊所捕獲今已決定將其船充公船長以下及華人等二十五名釋令回國 又倫敦路透電俄國巡洋艦林耶那德往西貢其統帶已奉俄國海軍省之命卸卸軍裝 北京函法國公司船前運日本現駐華法使接奉法政府訓條飭即運回本國交因關緊兩國戰務由江海關道袁觀察飭令起存關棧不准轉運日本現駐華法使接奉法政府訓條飭即運回本國交還原廠俄國遠東總督亦已允許照辦云云故已照會外務部轉飭袁觀察遵辦矣 政府因日捕俄艦事已據情電達各國外部出爲勸停延至今僅接美使據其本國覆電照會外務部云俄國係守中立局外之邦日捕俄艦又在貴國界內礙難照辦云云

各國軍事紀要

俄國 芬蘭總督薄克立夫被刺後俄皇即派兵隊前往爲其復讐該處上等社會中人大受驚怖有最著名大學堂歐習三人一名河們一名埃斯倫特一名服賴時均被拘捕送往俄京其餘各教習家亦被查察 七月二十一日柏林電俄國與土耳其交界處之阿馬尼阿現甚不靖大抵以俄在遠東戰敗故有騷動之勢土耳其已募集大軍四軍團以防不測 哥培威根達於愛基斯波拉之報告云近芬蘭首府反亂大起有瑞典革命黨員一隊以某日夜分包围總督邸

廳殺總督子息及官吏十八名如阿脫米拉賓孔之子亦在其列警察署舍均被毀拆

英國 七月十九日倫敦電英國現向河爾維穩定造十八磅半之快砲五十尊及其附屬各物以備帶往印度 二十

六日香港電英國陸軍擬舉行特別操練現其陸軍中將佛蘭基已率部下各兵乘船從梭生伯頓啓程前往東恩札利

亞與麥斯能部下各兵互相攻擊以資習練

法國 法國以安南兵力單薄恐一旦有事無以為守故近已由歐洲調來法兵二千餘陸續添建兵房處東一省復徵

土人為兵約有四千其調來之兵大約破隊為多聞此後尚須增足萬二千兵額之數云

美國 美國向土耳其要求各事已由土廷商議就緒故美國所派艦隊已自斯米納爾撤還

歐洲各國軍費比較表

國名	一千八百九十一年	一千九百三年	增數
英	三十二兆磅	六十九兆磅	三十七兆磅
俄	二十九兆磅	四十八兆磅	十九兆磅
德	二十八兆磅	四十三兆五十五萬磅	十五兆五十五萬磅
法	三十五兆磅	四十兆磅	五兆磅
奧	十三兆磅	十九兆磅	六兆磅
意	十四兆磅	十六兆磅	二兆磅
綜數	一百五十一兆磅	二百三十五兆五十五萬磅	八十四兆五十五萬磅

軍 事

三百四十三

甲辰

期 八 第 誌 維 方 東

軍 事



三 百 四 十 四

八 月

外交

論英人外交之巧 錄甲辰第二十一號外交報

甲午以後。世界各國。咸眈逐於亞東之大陸。然自分租口岸區畫勢力圈而外。率形格勢禁。相持而不敢動。俄人一肆其野心。遂釀極東劇戰之局。喪艦墜壘。至今未沫。而各國視線。遂爲極東一隅之所縮限。咸欲俟日俄勝負問題之解決。而乃謀所以自處。而不意英國乃突於衆目不及之地。以處女脫兔之勢。挾世界之秘密國。以去嗚呼。其手段之靈妙。何如耶。英之謀西藏也久。其地與印度密邇。爲天然之屏障。而高據長江上游。又與其勢力圈長江一帶。有重要之關係。故西藏者。英人之所必得者也。而俄人之謀之也。乃與英同。藏人不諳外事。獨以與印度毘連。則稍稍聞英人侵略印度之事。又知英之宗教與藏大別。故英頗甚。俄人即乘此弱點而攻之。派遣間諜。附會符讖。以俄帝爲保護佛教之大教主。又復賄以金帛。賂以軍械。以爲防英之備。是時藏人親俄之心。實於英人圖藏之策。爲大敵。而法人又以坐收演越。亦欲攬西藏之奧區。以自廣。故西藏一隅。實已爲英俄法三國角逐之場。而英人乃不得不處心積慮。爲捷足先得之計。

外交

一百二十三

甲辰

法之謀初萌。而其關係亦未深。英而有事於藏。其與之相持也必不堅。故英之所忌。惟俄。英俄之爭。自土耳其而外。利害之迫。蓋未有過於西藏者。於是俄人以西伯利鐵路垂成。方銳意經營東方。一下凍海口。而無暇西顧。然使英一舉手。則俄人必逐而爭之。斯時英將以兵力決之乎。南非之役。區區特蘭斯哇爾。遣重兵。糜巨餉。歷三年之久。僅乃克之。況在強俄。故英必不願與俄開戰。無已。則牽制俄人於東方。使力必不足以西。及則彼西藏者。可以惟英人所欲為矣。雖然。牽制之道。奈何。庚子以後。英嘗與德日諸國。為保全中國之宣言。然不逾時。而德國即有除去滿洲之說。連雞之不棲。已有明驗。若欲以此問題。為牽制俄人之用。則又不能不自出。而與俄決裂也。自出而與俄決裂。則名為牽制俄。而適以自牽制。又非英人之意也。無已。則以俄事委之於日本。

日本。後進之國也。甲午之役。受三國同盟之干涉。割戰勝所得之遼東。而不敢報也。彼自以人種之界。宗教之界。決不為歐美各國之所贊助。孤立無援。決不足以抗俄。以是隱忍而不敢發也。勢不能不有望於英。而又不敵必也。英人知其然。乃慨然而與之結攻守同盟。於是日本喜出望外。若不自覺其國力之何以驟升於第一等者。乃始距躍三百廿以十年來。厚集之勢力。一擲而為抵抗俄國之用。於是英人經營西藏之政策。十行其八九矣。

雖然英日同盟方宣布。而俄法同盟即起而應之。其同盟之性質。皆以爲兩交戰國之間。如有第三國參與。則同盟國必出而助之。俄之與法。其債務密切之關係。爲世界所公見。使日俄開戰。法國或出而助俄。則英又不得不有以助日。而所謂牽制俄人之政策。又轉而自牽制。而英之政策又破。英人又繼而爲英法協商之舉。使法人知英人並無助日之真意。而法人助俄之念以息。故自日俄開戰。英法悉告局外中立。而英之謀又占一進境矣。

雖然俄雄國也。其欲無厭。其舉事能排萬難。英之所稔知也。使日俄開戰。而遠東俄軍之力。足以與日相持。則一旦西藏有事。俄尙能傾其國力以赴之。而英之謀尙未易遂。至於屢戰屢敗。悉精銳以出。無復他顧之暇。而英人乃始提刀四顧躊躇。而滿志矣。乃始有英藏訂約之舉。

十年以來。英人外交之譚緩。幾爲各國公認。雖其國各報。亦時曉曉焉。集矢於其政府。而孰知其效果。乃在於此。不動大兵。不糜巨餉。安然而撫有六千方里之地。以屏蔽藩部。而堅其勢力。範圍之根據。其譚緩之效如此。俄以外交敏活著。而東挫於日。西絀於英。已敗露無可復道。日本傾全國之力。以血戰於滿洲。雖幾幾可保其戰勝之名譽。而戰勝所得果足償其所失耶。推尋事始。卒不免於爲英人之傀儡。此正西諺所謂貓燂其掌。而爲猴取栗者也。

嗚呼。英人之外交。至能玩列強於掌上。以為己用。而世無覺者。其深遠而機巧如此。我政府乃以童蒙苟且者。應之。雖有十西藏亦委而去之耳。曾何足以當其一快乎噫。

論延聘外人不可牽涉外交

錄七月初十日中外日報

處今日中國之時勢。不能不藉於人才者也。而惟今日中國之患。又莫患於人才之不足。用於各省督撫。延聘外人之事。相接踵焉。而其所以用之者。則昇以教育之任為夥。然其用之之權。在我。則其御之之法。亦在我。固無與於外交。且更無與於甲國與乙國之外交也。乃以近日所聞證之。則其事有深為可異者。某省之有武備學堂久矣。向用歐洲之某國人為教習。下文即已而厭其精給之費。且病其無效也。則改聘與中國較親之某國人以代之。下文即比乙國之人已至。而甲國之領事。以所訂合同未滿力爭。於是仍留甲國人。而乙國人遂投閒置散。未幾而乙國又以聘訂有約相責。該省大吏不得已。乃別設一學堂。類於武備之名目者以處之。其事始定。此前數年之事。而牽涉外交之第一層也。然此猶為中國自貽其日實也。而自別設學堂以後。乙國人於堂中一切事務。固宜就我範圍。不當更有他說。不意近日該學堂整理章程。當事之某員。欲與教習。即乙申明校長與教習之權限。而該教習以去就相挾。某員即諷其自去。則悍然告以奉其本國參謀第二部之命而來。按參謀部

之其政權。第二部是否對於中國則未可知。對於非中國所能辭。已而又自爲轉圜。謂武備學堂之
甲國教習。一日不去。則已亦一日不去云云。夫以延聘外人而至於牽涉外交。其事已不經
見。乃竟因此而致甲國與乙國之傾軋。幾使此二國於中國自釀其外交。此豈初料之所及
者乎。竊嘗思其牽涉外交之故。蓋其始也。各省督撫欲用外人。而於其國之人才不悉。故賂
之於領事。且訂立合同等事。亦不能無藉於領事。然既與外交官相接。則交涉之端已起。及
其既久。則延聘外人既衆。而外人之譽。該督撫者亦衆。外交之聲名所繫。雖賢者猶不免有
所依違。故凡遇此等事。亦遂以外交之敷衍待之矣。既以外交之法待之。則其來者亦不
憚以外交之競爭施之於我。彼外人之醉心於中國教育權已久。而於兵事教育爲尤甚。其
受聘而至者。或秉其政府之意旨。或由其一己之野心。而要皆以攬權爲要義。一國既得攬
其權。他國遂以涎羨之心。激成傾軋之勢。亦固其所推原。其始則一言以蔽之曰。牽涉外交
之患而已矣。且乙國人之訐甲國人也。猶不止此。其少將某嘗語人曰。甲國皇帝固曾密戒
其陸軍中人。不許以適宜之戰術。授之於中國。今某省練軍用甲國人教之。而其所以爲教
者。則猶普法戰前之舊法也。據其所言。則其忌甲國者。已非一日。然聞甲國人之教練兵操。
實止授以軍人之用。而於士官將弁之學。則每秘不相傳。是乙國相基之言。又未必無因而

外交

一百二十七

甲兵

至矣。顧無論其相忌與其隱謀。而其所以搆此者。皆由於外交之思想。為之外交思想之所自來。則其國有利害於中國是也。故北洋水師教習琅威理之退。英人至今猶有怨言。而丙申丁酉之間。天津練軍之俄教習。湖北新軍之德教習。皆力爭統領之名。其事蓋不始於近日。特至近日始有甲國與乙國之相傾軋耳。而此諸國者。豈非有利害於中國者乎。夫當國初交通未盛之日。則一二航海之教士。猶能效用於中朝。以外交之事未起也。及於今時。列強相持。各圖利己。則雖以數十年信遇之客卿。且布為黃禍之說。以搆我以外交之爭方烈也。證據之顯然。若此。而謂當局者之於延聘外人。猶可不慎耶。以今日中國之無才。固不能悉舉延聘之外人而罷之。然而其人之國藉與中國關係。若何要不可以不察也。以波斯之昏闇。而猶知專用比利時人。以避外交殖權之害。若中國者。而可以無所戒乎。

論德國兵船徑入鄱陽湖事 錄七月十五日嶺東日報

洞庭鄱陽二湖。居長江上游。而實為吾南省大陸之中心點。必不容外人根據其間。前者德國先後索二湖。以為水軍操練地。且傳聞政府有允許之說。聞之不勝驚駭。旋知政府允許之言。為虛。魏張兩督督贊撫夏澍帥。方竭力設法阻止。心為粗安。意謂德人野心勃發。雖有得此甘心之勢。倘我政府我疆吏洞悉此舉之關係大局。始終堅執。折以公法。則我國土地。

本由我之自主權許與不許操之在我德人雖狡特多費交涉之時間耳乃近聞德人忽逞其強硬手段有兵船一艘逕進鄱陽湖內雖經該處礮臺詰問並不理會因此更不覺重爲失驚前之所慮者懼我政府之脆弱一旦受德人恫嚇猝然舉要地而委棄之耳今則我政府疆吏固明明不許其要求而德人悍然無理忽至此極此其事不尤出人意外耶夫一國有莫大之自主權利者三曰土地曰人民曰財產守此三者則名曰國失此三者則國非其國矣故非奴隸絕亡之國苟猶名爲自立者莫不有此三者自由之權利外人不得而盜奪之雖甲國勢力不敵乙國時或有種種要求然苟非經甲國之承認乙國決無暴然而攫取之之理此爲國際法所公認無庸多辨鄱陽湖爲我內地莫大之要口初非若邊界屬地也其確爲我之純全自主權誰曰不然誰得強奪乃德人一再強索言詞強硬一若我之土地應爲其練兵區域而彼國恃其雄勢有強迫我以允許之權利者其背理非法已足令人不平及事經我國疊次峻拒無理可言更復以強硬力出之德人之意又一若我之鄱陽湖取求惟其所欲雖出此無理之行動以爲我強國固有之權利者其蔑視我國爲何如在我國今日國勢孱弱雖遭此大辱不遽用強硬力以還擊而德人之違背公法約章當爲文明國所吐棄德人以無故據我膠州灣之伎倆爲可重演於我南省耶抑以俄人之驕橫無理掠

外史

奪我東省。至今爲全球人非罵其前鑒爲不足。畏將重繼其行爲以破壞我國平和之局耶。語曰事不可過求。非分德人其亦弗之思矣。雖然德人既有心爲此暴舉而我受之者其感情處置當何如。觀德人索鄱陽湖之力。事必有爆發之一日。今既以兵船逕赴湖內。是即其爆發之起點也。尤望我政府我疆吏不爲心怯。此舉既關南方大局足以啓英美諸國競爭之點。且勢不可苟爲承許。一時雖事姑息而德既可以強力索取我之鄱陽湖各國何事不效。尤而起苟有繼德而入我別省者我其何以對之。東方戰局未定一絲動搖即莫上其存亡。今日之勢雖難以兵力猝爭而不可不執公法以力爭。可速據理以詰責德人。并以商議各國公使各國決無以德人應有此操兵之權利。且英美必不喜德人之有揚子江根據地。使我國持之果力德人既不爲各國所直我全國之人復羣起而爭之其事不難挽回。倘一時委蛇其間則德人之狡詐必狂發無已。日後東南大局將不可復問。吾言及此不禁爲之心戰而股裂也。雖然我於此尤不得不爲我朝廷我國民告者。我國地非不大民非不衆。而特以腐敗不自振作故受辱至今。有東扶西倒左右爲難之勢。雖以德意志向來之未稱雄大而數年來之經營我中國者兼道而進。今日橫以強力加我無端而欲練兵於我中心地。彼固得矣。我之失爲何如時事至此我國人而猶不同聲一哭者決非人心。夫我固非徒

願。我。國。人。之。知。哭。之。也。蓋。亦。亟。思。有。以。自。振。之。也。

英外部大臣藍斯唐侯致出使英國大臣張招工照會附訂條款之末照會

爲照會事按照中英兩國所訂招工條款之第六款載云 大清國 大皇帝可以簡派領事官或副領事官赴華工所至之英屬或歸英保護之地照料彼等利益安樂俾該工等及該處所有別色華民得以格外妥行保護該領事官或副領事官所享之利權與他國領事官所享者無異等語將來該項領事等官務擇練員充當該員又須籍隸中華僅供中國國家差遣凡該項官員選定以後當將該員姓氏行知本國政府定其可否接待本國政府以此各節極關緊要用特具文詢問 貴政府能否允從如蒙允可見示所有此次往來照會應即附於所訂條款之末以爲此事業經議妥之據爲此照會貴大臣查核見覆須至照會者 西曆一千九百零三年五月十三日

出使英國大臣張覆英外部大臣藍斯唐侯招工照會附訂條款之末照會

爲照覆事按照中英兩國所訂之招工條款第六款所載應行簡派之領事官或副領事官務擇練員充當此事本國政府亦以爲極關緊要與貴政府相同將來選派該項官員時自當按照來文所指各節辦理中國之於出洋華工政府亦以爲固應如是也所有此次往來

外 交

一 百 三 十 二

八 月

照會應即附於條款之末以爲證據爲此照覆貴爵大臣查照須至照覆者

光緒三十三年八月三

中 外 交 涉 彙 誌

外務部致南洋大臣電略謂各國兵輪水手暨各洋人往往擅至內地游歷輒與民人細故起釁互相爭執或被毆傷或釀命案似此漫無法紀實於華洋交涉關係匪淺應即照會駐滬各國領事轉飭各兵輪管帶及各洋員商人等一體阻止禁入內地以符約章而免交涉云

中日 日本軍在復州地方設立民務公所所以組織團練保安地方清理訟獄調查物產爲主義每於月初一十一二十一日令各地詳報註冊一切費用捐之民間其民政局總辦由日本人揀派華人金某充當此後則由公舉復州之有財產滿五百圓以上住居五年以上年滿二十五歲之男子可以舉人被選者須三十歲以上方爲合格外務部因此屢向日使詰問令其撤去而日使未允其請

中俄 分設營口之華俄銀行主人前因該處恐不能久守曾求我國政府准其改懸法國旗藉資保護當經外務部王大臣允准并照會駐京法使簽押在案嗣後日軍佔據營口曾以該銀行照誌是否貴國允許該銀行懸掛法旗而政府諸公不肯承認故日人立將該行法旗撤去即行佔據現在俄法兩國公使均向外部質問云

中英 七月初一日英黎波羅爾在下議院將西藏之事英國對待中國之意見若何詢於印度書記官勃羅得烈曰是否以西藏爲自主之國乎抑以爲中國之一部乎是否中國駐藏大臣得有彼國政府之全權以與我英議約乎果有全權則所議之約是否無用候中政府批准方可施行乎若西藏爲中國之屬藩是否我英得有華官之擔任一經西藏之約簽字則中國必能照約辦理乎勃羅得烈答云議約之事係由我英與駐藏大臣及西藏代表會議英政府所辦西藏

之事亦已告知中國政府駐藏大臣行抵甘志時彼已向英楊赫斯奔大佐言明現在正預備開議云 七月十一日英使照會外務部略言近者本國兵船前往鄱陽湖忽被砲臺官阻止殊與烟臺條約不符經外務部覆以烟臺條約非指兵船而言理應禁止請即轉飭勿往以重睦誼云 現因旅順不日陷落聞英國將與中國議妥條約永遠占領威海衛按當時約文有云俄人若不據旅順與遼東半島則威海衛定須給回中國然今則蓋斯唐伯爵已盡其能力不許英人退出該處矣

中德 聞外部近日接南洋大臣來電云德人擬在鄱陽湖試演砲位一節前經駁覆昨日據報德人忽調軍艦二艘駛入湖口請貴部照會駐華德使極力峻拒云 德皇因膠濟鐵路告成嘉東撫周中丞保護之功特賞以金冕頭等寶星一座以示優異

中法 聞粵督岑制軍近得雷州府電稟略謂七月初六日據廣州灣法國官員發來照會內稱本國現派兵船兩隻往雷州測繪以為通利廣州灣越南航路之計初七日該船進埠聲稱擬在某處豎立旂杆為測繪記號并須在磊瓜山頂繪圖請為保護等語岑制軍立即電達外部并嚴飭該道府及洋務處照約駁阻 又岑制軍電奏云法國輪船駛赴廣州時帶有軍器砲火接濟匪黨之用實屬有違公法宜派大臣與法國使臣會議速為禁止云

中荷 張榕軒京師寓南洋歷有年所前為日里領事善政多荷人頌之聞近接外洋來電得荷蘭王特賜第一號寶星其弟耀軒觀察亦得二號寶星云

各國交涉彙誌

日韓 曩者各國駐韓公使欲謁韓皇須經外部豫為請求指定時日而後參謁今韓政府特許駐韓日使自後可以隨

時參議無須由外部豫請 聞日本政府於韓國荒地拓殖一案已允撤回惟關於日韓議定書內有日本可實行軍事施設於韓國各要地一條故日本今日施設之策其第一着即容一師團於韓國京城且急成直通元山之鐵道一面減少韓國兵數又改良韓皇之親衛兵然後以敏捷之策改良韓國庶政此日本閣臣近日之意計也

韓俄 七月二十四日東京電韓政府已將派往俄國之留學生悉數召回

俄德 二十七日柏林電俄德商約業已定奪自一千九百零六年起以十二年爲限 據德京柏林尼斯的新聞所載柏林某銀行之代表者近往俄都關係俄債簽約之事計所募一億二千五百萬盧布定息五厘惟募銀期尚未商定俄土 俄艦經過達且納爾海峽一案土廷聲明如俄艦經由該峽時仍照平時懸掛商旗不改爲武裝形式者則後可允經過云

俄英 頃聞俄人對英兵入藏之事以爲西藏首府拉薩及帕棟諸地之俄領蒙古諸族其於俄國有宗教上有重大之關係設爲他國所占卽有吞併俄領蒙古之兆當爲他日侵入俄境之預備云

英美 澳門之地屬葡已久今聞美國政府擬向葡國購買澳門而英國政府則竭力欲阻其事

意瑞 德文報云意大利與瑞士所訂新商約前經兩國大臣在羅馬協商現意政府已聲明將此約暫緩議訂

美土 七月初四日柏林電美國與土耳其交涉之事業已了結故美國艦隊不日即離去士馬拿矣

教育

廣布衛生書籍以強種類說 錄六月二十二日漢口日報

今天下競言強國矣。而不知種類積弱。則不能強其身。即不能強其家。又安能以強其國。故普魯士之中央行政也。以衛生與教育。宗教列爲一省。日本之訂正法制也。以衛生與地方警保。編爲六局。彼皆重視乎此者。以國民身體之健全與否。與國家實有直接之關係。今試入其境。其士夫敦龐而雄厚。其婦孺堅實而穎秀。必其國級之過人一等者也。反是則卑劣不足道矣。雖然。欲衛生學之普及。必官府實行於上。紳商協力於下。互相開導。使人人皆知此身爲國家之一分子。有萬萬不容薄待者。始可收強種之效於無形。官府之政策。舍置官興學。設局所。備醫藥。嚴檢查。防傳染。而外。無他責也。若紳商力量所及。或本其心得。勸爲專書。或轉譯別籍。捐資刊布。如日本醫科諸博士。石原弘。則有人體解剖學藥物學之作。門齋眞枝。有精神病學精神看護學。狐憑病新論之作。須田勝三郎。有衛生化學。三島通良。有學校衛生學。金澤巖首藤環兩君。有通俗療救急法試驗問答叢書之作。衛生學之發明者。多斯人種之改良。進步者。速維新以來。大和魂武士道之精神。如蒸汽熱力。澎漲騰涌。

教育

一百七十七

甲辰

至於極高之度者。蓋匪一朝一夕之故也。福澤諭吉有言曰。百科之學。遠近輕重。容有不同。然必自知其身為何物。其本質若何。其組織若何。其運動作用若何。乃為至切極要之圖。吾為此說。亦猶斯旨。非好為饒舌也。實悼夫中國官紳於衛生一道。毫不究心。不明此身構造。聯絡之機關。則解剖學之傳絕矣。不明此身運動轉作之原因。則生理學之術窒矣。不明此身保護康健之窳窳。則健全學之說虛矣。以故對於當躬飲食起居之無節。而虧耗於焉。不覺對於子女寒熱燥溼之無防。而夭殤於焉。疊見對於社會死亡喪弔之徒煩。而責任於焉。全辜舉國惛惛不務。研生命大事。小有不遠。輒委其權於見利妄害草菅人命之庸醫。幸而愈也。彼敢居奇以索其酬不效。則曰。此天也。命也。運也。於人乎。何尤。初不過一人一家受其誤。而影響所及。至使庭無健嗣。朝無健吏。饗無健士。闔無健卒。上與下留奄奄之一氣。幾儂焉不能終日。此即無外力迫壓自問其能久乎。恐亦萬不可得也。是惟熱心時局之君子。將近日出版一切生理書。刪繁摘要。括為淺說。以廣示國民。俾曉然於全體部位所在。若者可節勞役。若者可養身心。其於強種保國之道。庶不無微補也夫。

論科舉誤人之深 節錄七月初六日嶺東日報

科舉之毒我中國人者。千有數百年。中國之人迷焉。為之拋棄其真學術。消盡其良性質。而

從事於迂腐無用之學。濛濛混混。以致有今日之辱。嗚呼。慘矣。然自十年以來。在下者迷途漸覺。在上者亦漸圖更張。學堂次第興立。優予出身。與科舉等。意謂中國之人。必盡知科舉之非。從此不復爲科舉誤矣。乃我觀今日之現象。非特科舉之毒不稍減。而熱心科舉者。且因而加甚。非特足以迷腐舊之學子。而更足以誤青俊之少年。其事有深令人失驚者。今歲會試。借闈汴中。遠省之人。往往跋涉數千里。冒露數十日而得達。而人數依然巨萬。不聞稍減。甚而大學某生。棄其游學之額。而求博一第之榮。若此類者。不可屈指。而曩時槍替舞弊之風。又復熾盛如常。中國維新四五載。以科舉弊竇之易識。而猶見昏迷若此。所謂實際之進步。固安在也。使中國人士而長此苟且無志。雖延至四五十年。不猶此利祿熏心人不可救之中國乎。然彼等大半心慕數十年科舉之榮。平時於揣摩之術。常自命爲文章魁首。一旦朝廷改立學堂。而又有考試遞減中額之說。不覺垂首喪氣。而無可如何。其必乘此機會。拚力相赴。希或得風雲之遇也。其心甚愚。其情尙有可原。吾獨怪吾國之所謂青俊少年者。將來扶顛持危。非他人任。而全國少年之任。革舊佈新。非他人責。而全國少年之責。宜如何。高大其心志。激厲其精神。實心從學。研究實際。乃亦從而墮聲傷氣。步腐敗舉子之後塵。志氣既卑。種種思想。遂因之大謬。或以學堂不便考試。徘徊不進。以徵俸求進之故。而甘居不

學無術之謂。或以學堂本有送考章程。以爲時趨於新學堂。學生必見重於考官。可因以獲便利。有此兩派。可以概大半今日之少年。故上雖三令五申。以頓促學堂之興。而人士無要
求興學之心。官府得以遷延無事。卽有已興之學堂。而學者仍屬寥寥。而此少數之學生。其
處心仍在彼。而不在此。嗚呼。吾不料科舉之誤人。竟有以至此極也。悲哉。今者學務大臣頒
定章程。不准學堂將學生送考。致荒學期。實亦足以絕學生科舉之迷念。然吾知熱心科舉
者。必不以爲興學之良法。而轉以此爲學堂詭病。其託名考試。聞荒歲月者。必且如故。或且
以此故而轉以學堂爲絕境。至於無人顧問者。其思想之淺薄。誠何足道。然吾轉有爲之告
者。夫人之求學。豈必爲富貴功名。吾而爲吾國四萬萬民中之一分子。宜思所以盡吾一分
子之責任。處此種國危亡之秋。而能力心向學。以求挽回之術。更望何時富貴利達。有志
者。引以爲羞。何吾國之青年。乃獨逐臭不已也。夫當此過渡時代。士智未達。吾固不能概以
此責諸世俗。然學堂出身。甚優。以科舉之無憑。何若盡力學術。以得學堂可必之優階。而父
兄既固蔽。自守子弟。復忽遠不圖。此真大惑不解者也。然於此可知中國人之性質。全趨於
勢利。一途不可救藥。故不必問其爲若元若明。又不必問其爲若法若日。苟有開科考試者。
皆吾所以進身之途也。嗚呼。科舉之誤人。乎抑中國人之自誤也。

順天府尹沈請飭近支王公赴外洋練習海陸軍片

再我朝龍興東土

太祖

太宗親歷行間王公貝勒勝衣以上無不躬冒矢石

用能乘屨旄鉞混一區夏乾隆嘉慶年間西北軍務猶時遣親王爲大將軍而以滿漢知兵大員副之藉以閱歷軍情不忘武備今則不特此典久已不行上書房讀書亦幾有名無實諸王公春秋方盛日荒於嬉耳不聞絃誦之音身不親橐鞬之役於 祖宗用意無乃遠乎戰國策左師公獨導請以長安君質秦曰人主之子也骨肉之親也不能恃無功之封無勞之奉周公之告成王曰不知稼穡之艱難不聞小人之勞外國王子無不身入學堂與水陸師將弁齒其意有合於古其兩君相見以奉贈水師提督職銜爲榮寵殷之高宗舊學於甘盤俄之彼得充工於瑞典此皆中西貴人經驗有得以身作則之盛事况處臥薪嘗膽之日而無困學勉行之思乎擬請 特旨飭下宗人府將近支王公年在二十五歲以下十五歲以上質地聰明身體精壯讀過漢文者三四十人 欽派前往德國陸軍英國海軍學堂同其學生一體練習五年之後學成歸國整軍經武號令一新天命天聰之烈庶幾再見外人見我破除積習發奮爲雄覬覦之念亦可少戢所謂物恥足以振之國恥足以興之勝敗存亡之機轉移莫速於此

列祖

列宗在天之靈所啓佑我

皇太

敬 甫

一頁八十一

甲辰

后 皇上之教忠教孝正本清源者也諸王公上念
行不以廷臣之責難爲過舉矣謹奏

祖宗下察時局應亦慷慨請

貴州巡撫李奏增設練將學堂片

再治邊莫先選將而選將尤在儲才黔省兵備玩弛年久作養無方不獨干城乏選馴至奔走之材亦無以供任使臣歷官數省從未見人才消歇如今日黔省之甚者夫不儲將才於無事之時倉卒以求之必至僨事鹵莽以用之是謂棄師况黔省邊防環迫待用孔殷尤非於練將之法加意講求何以挽頹風而作士氣臣久擬增設練將學堂以目前人力財力而論勢難猝辦計惟預植基礎選擇年力强幹尙堪造就之將弁給以薪餉令供行營差遣先使勤苦歷練增長膽識藉儲不時甄拔之需卽爲日後練將之地惟黔餉久缺此項薪資苦難籌措茲據善後局司道詳稱黔中苗亂初平每月於各省協餉提銀五六百兩爲綠練各營候補月課賞需其時能戰將領尙多非若今日之稀若晨星悉就衰老課列優等得銀四五兩少者亦領銀一兩八錢當年豐米賤尙可贍養身家安心効用近則米煤昂貴四倍從前兼之庫儲奇絀每月此項考課極力支持僅能發銀二三百兩故領賞至多二兩少則四錢不敷一人養贍之資焉收羣材驥策之用且應謀員弁除衰老外世襲居多平時皆別謀

生業多不練習技勇臨課則僥倖式取視爲例有津貼絕無激勵心思事等虛糜略無裨益現在籌款萬難與其散銀數百兩作數百人考課無益之費仍屬不敷口食何如移以養數十員強幹有用之選尙可收效他時似應停止武職月課每年截存銀三千餘兩專備邊防養將薪水之用等情具詳前來臣覆加查核以爲言養士於今日 國帑益艱 天恩益重受之者當如何感激奮興及時圖效乃竟視課獎爲例得之物則不徒素志所在毫無袍澤同與之心轉覺微利所存實足爲頹廢志氣之具既無報效實濟焉用考課具文伏查綠練各營歷經奉 旨裁減該營武職月課自在應停之列况安徽及東南各省停辦月課業經數年黔省事同一律亟應即時停課而以截存獎資作爲養將薪水移緩就急不必另籌專款已可預儲邊材化無用爲有用一俟籌款稍裕得人稍多再請增設練將學堂以期推廣而收實效謹 奏奉 硃批該部知道欽此

候選中書科中書馬廩貢生方創辦皖報繕章呈請立案稟

竊維方今爲政要圖莫亟於通上下之情聯官民之氣使周知利弊而便弛張然欲廣播閭里收效無形尤莫便於開設專報近年直隸江蘇江西兩湖等省先後奏請開辦官報商部亦奏請創設商報均欽奉 諭旨准行雖其間私設報章間有體裁未善意雜言厲之病究

之清濁易見甄汰匪難上年學務大臣卽有咨請各省購閱外交報之舉而北洋大臣且於札派官報之外加等經濟叢編湖南亦於官報外加派通俗白話等報蓋官報詳於上私報詳於下參觀並聽爲益始閱是以該兩省年來治具畢張民俗士風蒸蒸日上論者謂其未始非推廣官報民報之力皖省下緝金陵上通鄂渚據長江之關鍵當吳楚之要衝自大公祖撫治以來政通人和百廢俱舉力爭凱約翰續約以保利權議修南北官道以便商旅凡有關於國計民生者均蒙亟予施行屬在岬嶮莫不同聲欽感惟是八府五州地分南北聯絡匪易呼應較難不特閭閻利病無自上聞卽德意所施亦猝難家喻戶曉現值 朝廷舉行新政之際推廣報務之時各省皆已創設官報民報皖省亦未便相形見絀近雖經商務局札派商報南洋官報然本省既無專報外省傳聞所得究未必深悉本省之內情其有議論代籌者亦未必如本省所自言者之警動親切甚或訛言失實顛倒是非尤於治理民風攸關匪淺况皖省邇來交涉殷繁財源困乏舉凡學校路鑛工商農林警察武備諸大端既仰賴各大憲提挈綱維於上尤須鼓舞全省紳民合力贊助於下非先由民間亟行自設專報何以宣上德而抒下情更非官長提倡維持何以廣流布而收實效職等目擊時艱思維桑梓爰邀在籍各紳自行籌款於蕪湖縣創設皖報首重力祛橫議端正人心注意於聯合

商情振興實業月出三冊毫無攻訐詭僻之論期以下開本省之利源上佐 朝廷之闡化
謹粘章繕稟仰懇大公祖大人俯賜核准立案扶植提攜並俟出報時呈請鑒核如果有裨
民智不涉浮囂再行援照北洋湖南成例稟與官報一體札派各屬訂購並請飭下蕪湖道
憲頒示通諭遵照實爲公便

湖南仕學館章程

一仕學館關繫全省吏治科學雖分多門而要以忠君愛民爲主是爲全學綱領 二省城
設仕學館一所內設講堂書樓齋房飯廳及各項辦公住宿之所學習人員住館者較少自
修室之數宜多於寢室不准置棹及在齋局睡 三仕學館所以造就官僚共濟時艱固不可
以濫竽亦須防其規避擬酌取候補同通州縣三十名年在五十歲以內佐班三十名年在
三十五歲以內謂之學員由憲臺示期考試先期赴館報名填明年貌籍貫須與履歷相符
其有年力合格尙未得差者不准託故不到 四候補人員皆有家室之累必須內顧無憂
方能專心向學擬同通州縣每月津貼銀一十二兩佐班每月津貼銀六兩有差事者不給
津貼若原領薪水不及津貼之數減半發給如有願辭差入館者仍照數發給 五在館人
員春分至秋分每日應於午前七點鐘到館秋分至春分午前八點鐘到館均於午後四點

鐘散館由館中備早飯一頓中午點心一分願在館住宿者加晚飯一頓即於榜示後自行到館分別註冊以便布置館中有人伺候不得帶送家人乘與者在門外停居出入請假離館另有館章六謹按欽定仕學館課程門目表分十一科本末兼賅極宜遵照惟直省與京師不同學員程度不一教習亦難得人故四川湖北江西各省章程畧有損益茲謹遵 欽章舍工藝而趨重政法普通各學略習大概之意擬分政治理財兩科爲一門法律交涉兩科爲一門算學博物物理三科爲一門輿地掌故史學三科爲一門外國語言文字爲一門政治所賅甚廣理財之外如教育種植武備水利皆係要務應由教習酌量指授 七以上五門每門聘一教習如一時難於求備則擇其通達治體者如政治法律之類先訂二三員以便開辦每員月送束脩銀三十兩火食在內多則四五十金除近任省城外酌道路之遠近另送盤費其有鴻儒名宦高出尋常者束脩另行議加各門教習每日上講堂一次學員分班聽講時刻先後另有館章 八學員與學生微有不同年齒既長學問已通現在教員既難全備則講授之時少自修之時多所閱書籍關係學術係用 欽章本譯出課本書此時尙未頒行揆度時地亦難概用西書應請教習開示書目由總辦等核過再呈憲臺定奪 九館中購備諸書有古籍有時務有圖有表有查閱之書有肄習之書惟肄習之書須按照所占門類每員給發一部總以

切於實用者為主 十學員既未習過普通又難久於屬下自宜分別辦理應令各員自占一門或兩門入館之初即在監督處註明以便分門講習並酌給書籍 十一各員每日先將講義錄出次將所閱之書用筆點識另設日記簿二本如於疑難之處有闡發之處即用行書繕入日記如是日並無疑難及闡發之處則祇將講義繕上亦不必強作解人次晨入館即將日記呈送監督轉送教習批答次日發還呈送第二本即領回第一本所閱之書即於星期早晨送交監督查核次晨發還閱書以十頁為度多者聽便書眉須標出日期 十二每月二十八日月課一次早飯後齊集講堂由教習命題或發問四五條或作小論一篇之類皆在講堂命題每人給三十二行一張當堂筆答監督即在講堂收齊分送各教習評閱月課之日教習撥講者不妨隨時可用者為合格者亦不礙其進步 十三各學堂概用積分之法館中自應照辦惟自占一二門與通習各門者不同擬分四項核記分數一日記一閱書一月課一館規既可以別其勤惰亦藉以規其蘊蓄照章以六十分為及格溢十分者獎銀一兩以次遞加少十分者扣津貼一兩以次遞減分數多少教習於次月朔日核出初二日由總辦監督閱過另繕三分呈送憲臺及督辦查核 十四教習於學員所答所論未盡愜意或別有高見可自擬一篇以示準的擬將來彙集講義及擬作月課佳作選擇刊布 十五

仕學館之設原欲合全省官僚咸資深造擬分爲三項曰住館曰不住館曰開治住館者照館規不住館者聽議之後可回寓閱書願在館閱書者亦聽自便餘照館規開治者如有要差及現任各員住優好學准於法律交涉政事理財四科中可占一門向監督處領取書籍自記日記簿按日閱書登記月終寄送到館由監督評閱另記分數開單呈送總辦及督辦總辦查核所閱之書則於年終送館不必按月寄送除署名外其餘及奔走差事外不准託故不學違者記過仍於月單內註明

十六恭查 欽定章程仕學館人員應俟三年卒業擇尤保獎惟直省與京員不同需次情形多屬拮据若三年內無委署差事之望則人皆視爲畏途學務難望起色擬每年於暑假年假之前由憲臺大考二次無論有差無差但曾在館學習即准與考分爲三等榜示由督辦總辦查明平日功課分數最多考試又列一等之員詳請註冊給予紹委一次優則委缺次則委差以示鼓勵開治人員則於年終擇尤詳請記功其有篤學之員能至三年卒業仍照章考驗詳請保獎道府各員如有擬作可隨時送館彙呈憲臺評閱 十七凡裏到起復及卸署銷差回省人員應即隨時報名考驗入館學習監督仍將以前請給予一分令其自行補習庶首尾貫串無虞扞格則造就更廣矣如到省回省兩月之後不

職名投考者移司記過其有永不投考者以一年詳請停委停委後復投考者即註銷停委字樣仍記過一次履歷年過五十者另議 十八學員所習以時務爲要尤以省章爲先湖南原有省章久未續纂應請憲臺及司道衙門通行章程並各局處新章飭承逐一鈔寫一分分別札移到館以備學員稽考時務電報等件一律傳觀俾衆知悉 十九凡有現在實缺府廳州縣如有將地方應興之利應除之弊以及訓農勸工通商緝盜水利種植之類詳務另有專局故未多及切實條陳稟館核示者亦即分別批答有關大局及立須舉行者由總辦另稟憲臺察核辦理 二十館中設總辦一員常川到館綜理全館之事每逢星曜日次第傳見學員商榷政學若功課得失有須面商者隨時指示不拘日期月支薪水銀八十兩提調一員幫同總辦經理館務月支薪水錢六十緡監督二員一經理學員起居出入掛號請假及館規日行之事一稽核講堂齋房一切功課收發課本核記分數諸事全館以監督爲樞紐事無大小均應照料每員月支薪水錢四十緡文案二員一收發文件核稿擬批一切筆墨事件一專管書籍儀器每月支薪水錢四十緡如一時教習難於延訂則於監督文案中擇其合式者兼充齋長代辦教習之事編加收支一員經營銀錢出入及添置各項物件編由知會月支薪水錢二十四緡自提調以下各員及各教習悉受成於總辦倘有不敷再行請

示添委 二十一館中細瑣事件另立館規略仿各學堂管理之法各項雜役增加不均於館規內核定 二十二開辦經費如整修房舍置買書籍儀器木器之類約須銀二三千兩核定略舉大概實開辦常年經費約須銀一萬五六千兩請撥定的款現在開辦之初先在善後局支取以資辦公 二十三館中公牘文簿關繫緊要應請飭局刊刻木質關防一顆文曰奏辦湖南仕學館之關防頒發到館由總辦開川以昭信守 二十四以上各條僅就管見所及舉其大概如將來有應行增減之處隨時稟請核奪

創辦皖報章程

一宗旨 本報主張全省實業速報世界時勢以冀裨益皖人生計學術喚起合羣自治之精神共保權利而措危局 本報彙合雜誌新聞為一編既臚實學以供研求復搜實事以資考鏡除本埠外並廣約同人採訪中西新政交涉事件以及商務暢塞工作良楮物產優劣隨時登載共分十四門每門自為起訖取便羣分類聚且可拆訂每期縱未全備必在五門以上就目前而論足啓八府五州互換知識之益數歲以後分裝類訂可得百數十種專門學業之書 本報每月三期每期三十頁以上事非射利無取珍奇不美裝潢廉取價值

凡有識者當同認焉 二體例 一論說由本館精心結撰發揮實理期於社會進益改良其於朝政是非官場得失姑守存而不論之義閒有陳述已見抒寫下情者亦非詩人婉諫之旨不得以訐爲直外國報章有議論吾國者從實酌譯二內政 上諭全錄奏牘擇錄其有新章流布國事要聞以及官抄輟抄不憚臚陳藉供他日史料三外交凡中外緊要事件各國重大舉動於中國有關者一一詳載四學術五農務六工業七商計八軍備其以上五門胥陳本省內容而以他省鄰國之設施參證其得失同異以資取法而求進步不爲高論大言期合現今之程度也不敢泛馳旁騖期達自治之目的也九歷史專擇名人事實足以鼓舞本省精神者推衍而擴張之務使讀者精搖目陶心曠神怡有聞風興起之概十地輿攷求本省山川道路設險溝通之術趨及鑄苗處所中外大勢說所不詳者附以圖表十二文苑凡詩文小說酌取慎收要皆以描寫人情風俗發揚志氣爲主十二來稿海內外有佳文寄本館原稿無論刻否恕不寄還其關是非得失者必確有寄信人名住址方可照登一切干係歸本人自任與本館無涉十三瑣錄或綴屬筆記或答覆來函其軼事傳聞有足引人興趣解人頤者均錄之以資談助十四編譯東西書籍有關係實業者均搜輯精本附報印行以便彙成叢刻 三規則 一館所設立蕪湖二職員總理一人總撰述二人分撰若

千人外埠分撰寄稿若干人特別訪事若干人會計一人校對二人書記一人印書員役若干人三經費本館資本以洋銀三萬元爲率分作六百股每股五十元擬俟股本收至一萬元卽先開辦餘可陸續收取願入股者可認明經手人交清洋元掣取收條股票惟無經手人簽字者不得爲憑四權限惟總理綜司館政一切總撰述專司文字指揮分撰書記校對人等各專責成股友除年終會議不得干預館政五會議每屆年終由本館擇定日期報告股友前來入會者須簽名登簿由總理派定坐次首稽核帳目有無浮冒侵蝕次酌議報中規則應否增改按照坐次以次宣言不得越序衆議僉同卽行照辦如有異同由總理視贊成人數多寡爲定其故存意見挾私立異者公議辭退股本充公六利息年終結算除開支及來年預備外股本有餘公擇商號存儲存數漸多可議生息或擴充報業此外所入盈餘以十之七勻付各股以十之三爲存款仍將所有收支明晰列刊附報末館用務求撙節茶食從簡在館諸人禁止呼朋引類冶遊飲博違者逐出如有股本併罰充公七代派除本埠及札派外另託的實可靠之友代爲分派凡代派之人須先將各份報價匯至本館始能按期發報十份以上者提二成爲酬勞不至十份者否八捐助如有情願捐報者敬將台銜刊入報端十元以上送報三年五十元以上送報十五年一百元送報二十年二百元以上

除送報二十年外本館出有新書並當酌贈九認銷本館全報十五賴同志匡扶以期日興月盛如不欲捐助而又無力入股但能廣勸購閱按月實銷若干份徑辭酬勞以維報業者本館亦必將大名列入特別廣告以誌感忱十推廣俟股本充足之後並當續辦日報及通俗白話等報十一告白每登一次者一行自四十字起取資二百文半頁三元一頁五元長期酌減論前加倍十二售例每年龍洋三元六角半年一元八角零售大錢一百文郵費各按郵局民局章程隨時酌定以上各條均係草創俟開辦時再定詳細章程合預呈明

各省教育彙誌

京師 京師近擬於八旗小學堂附近設八旗女養學堂數處皆由中學堂籌撥官款每月百金是堂課程分爲兩級專以訓迪蒙童開通知識爲宗旨除講習各課外授以淺級算學現已開辦 某部主政李君近在羊肉胡同創設蒙學堂一處延聘教習四人學生以四十人爲定額凡在十歲內外均可入堂肄業不取束脩已於八月初一日開學 有某志士擬在前門外琉璃廠設立一女醫學堂延聘某國女醫師及中國文理通順之女教習兼授中國文字並授以日英語言文字凡入堂肄業者年在七歲以上十六歲以下方爲合格朝至夕歸修金甚廉章程業已訂妥不日開學 練兵處設參謀學堂一座現擬招考學生俟卒業後分布各營備用

山東 省城西門內小濠街第一半日小學校現已開學近有某君擬集資在城東一帶創設第二半日小學校一處並址覓定即行開校 濟甯自癸卯年創立中學堂係用運河道署改建嗣因經費不敷停工數月今歲張格渠開濬籌集

鉅款仍復督飭建造其講堂及教習職員各室以及一切應用各房舍已購告竣

河南 豫撫札催各屬開辦學堂及諭添設初等小學堂茲又於高等學堂內添設學務處專辦省內省外各學堂事務其中辦事不另委他員即以高等學堂總辦監督等兼理

江蘇 蘇城自設立學務處以來凡全省學堂事宜均須投處稟請立案近日南匯縣紳張維來蘇稟請將善堂義塾款處遵照奏定義小公立學堂章程辦理立案云 揚州閱書社已於七月初一日開辦尙擬再拓一屋多栽花木以養空氣云 馬市口新創培源小學堂亦於初一日開辦其中課程東文西文兼備而歷史與地國文則亦另設專科云 吳君在舊城中小街昭忠祠內創辦之少懷學堂今已開辦所需經費係以揚州營各處裁撤之卡櫃費用撥充云 上海製造局旁廣方言館略改舊章除向設英法文漢文算學外現添畫圖及工化理三門云

安徽 癸卯年省城高等學堂以前呈會典館之安徽輿圖所載太略曾委劉大令子運在臬署開局重繪放大地圖并飭各州縣將市集詳繪呈核茲劉大令以各州縣呈送者殊多不合且多半尙未經呈送已稟請誠中丞撥款設立測繪學堂中丞允之稟中言擬招學生四十名一年卒業即派往各地測量云

浙江 甯波之奉化龍津學堂聘得日本大阪高等工業學校應用化學科之卒業生神代良夫爲工業理化教習今已開學堂中學生頗能熱心學習云 紹興明道女學堂因章程周妥成績甚佳四月間曾有女生兩名赴滬至張竹君女士所設育賢女工分院學習女工并有前董事俞樹萱女士爲之照料一切而俞女士亦在院習藝俟畢業後當回里備授女工云 溫州永邑建設養正啓蒙求是育士商務明倫六校中惟明倫學塾教科全備程度最合開學半年生徒日衆爲府縣官校所不能及而東山書院謝公祠內設書報公會自壬寅冬由呂文起張留菴項叔莊諸君提倡集資創辦

又有查觀察兆孝慨捐巨款極力贊成現計新舊書籍二萬餘卷報數十種寒士趨於購書者絡繹

湖南 江海關道章海觀察出資開辦湘潭遠成師範學堂額設學生五十名聘請胡子培故實總理其事聞已擇定省城左文襄祠房尾已於七月二十日開學

四川 成都吳參軍中杰以宅左隙地建立藏書觀書樓各一座安置舊藏各書並備圖報任人往觀擬定章程稟知學務處立案 渝紳現擬撥渝郡歲撥巴縣學堂餘款三千金與設教育講習所首歲學次小學以及農桑實業醫學半日學堂書報公社皆屬於內次第舉行定於八月開辦

廣東 將弁學堂所定章程以兩年卒業星期暑月均不放假且每於狂風暴雨之中酷暑烈日之下排除出操以習勞苦操練之際各學生背負輜重四十斤以爲他日行軍之預習故其招考告示有云以二年之短期而欲將領完全之學則功課不得不密將欲付以三軍之衆而資表率則立法不得不嚴觀此則可知該堂辦理之切實云 南海設立學務公所舉紳董數人以經理學務近順德縣紳亦呈請學務處倡辦學務公所 河泊司王君諭令蛋戶設立學堂擬以某艇揭封之項六百兩復捐廉二百兩撥作開辦經費蛋戶亦甚踴躍擬定章程稟呈核議將來擬聯合大艇數艘在水面爲校舍云

各省報界彙誌

京師 五道廟路西新設京話日報館已於七月初一日出版

直隸 天津新出中外實報已於七月二十二日出版

江西 廣智書莊某君近在百花洲彭公祠內臨湖處葺屋數楹備報章二三十種任人閱看并有茶點飯食均極修潔索價亦廉云

福建 某志士近於廈門太史巷設立福建日日新聞社已於七月初一日出版每日正附兩張其內容則兼爲言論國政史傳電報內國新聞外國新聞商況雜著八類 廈門自黨江報刊行後新聞事業漸有進步癸卯年某商創設泉漳

日報又有日本人所刊時報近復有臺灣之日日新報社員到廈擬於七月望或八月期在廈另設一報聞商部亦願定月出商務報一册行將刊發

各國報界彙誌

俄國 俄人報禁極嚴而待波蘭及芬蘭人尤甚近得消息謂俄政府已許波蘭人刊行俄京七日報惟須用俄文并由俄員監督不得妄肆議論其前為芬蘭某報主筆所著之美國迴聲報在勃羅克林美地刊印者不准售銷俄境
法國 近聞法屬印度支那總督禁止該處銷行香港所出各華字報其意殆欲不使安南人知俄人戰事不利之消息也

檀島興學

檀香山自有學堂以後諸島合計至一千九百零四年六月三十號止有公立學堂一百四十七間比於去年實多三間有私立學堂五十七間比於去年實少二間以今年計有公立學堂教習三百九十九人有私立學堂教習二百四十七人有公立學堂學生一萬四千四百六十七人有私立學堂學生四千八百三十二人內公立學堂男教習一百零七人女教習二百九十二人私立學堂男教習八十二人女教習一百六十五人內公立學堂男學生七千九百四十七人女學生六千五百二十人私立學堂男學生二千五百一十人女學生二千三百二十二人今將公立私立學堂學生種類人數詳列如下土人四千八百七十七人半土人三千二百三十四人美八百七十七人英二百零五人德三百二十一
人葡四千三百四十五人各海島小國一百二十五人日本二千九百二十人中國一千六百五十人鉢桃李因五百五十六人其他各國一百八十九人至中日人數以今年與去年比較日人則今年多於去年三百四十三人中國人則今年多於去年八十六人今又將公立私立學堂教習種類人數揭示如下土人八十三人半土人八十六人美三百一十四人英五十九人德一十五人葡三十四人各海島小國一十四人日本九人中國十六人其他各國十六人日本教習九人皆為私立學堂教習中國教習十六人內十三人為私立學堂教習餘三人則在公立學堂

財政

論會議貨幣 錄六月二十一日新聞報

中國財政受貨幣無制之害深矣。近以賠款用金用銀之問題。乃知金貴銀賤之流弊。而國家始有整頓幣制之意。美國即派會議貨幣專使精琪至華。草定條議十七則。附以解說數萬言。其量時度勢。酌盈劑虛。可謂盡心焉矣。然宋芸子太史劉聚卿觀察。皆爲說以駁之。各十數萬言。二公之意。在於防後患。保主權。故未計其利。先計其害。夫以未嘗研究各國貨幣之人。生長於未有專科計學之國。而能反覆辯駁。不遺餘力。其用心之苦。正可與精琪相等。所惜者。二公但見其譯本。而不識其原文。遂以譯本之訛。視爲辦法之謬。使二公能倩名手。將精琪原文重爲繙譯。則當心平氣和。但求所以保全主權之策。而不必竭力排斥。至目爲亡國之言矣。至於上海商務中人。辯論用金用銀之孰便。尤屬非是。彼以先令之長短。爲生意之盈虧者。乃賭博而非商務也。銀賤則貨貴。貨賤則銀貴。銀未成幣。亦貨也。貴於彼者。賤於此。盈於此者。虧於彼。其所謂長短者。乃外人之操縱。而所謂盈虧者。仍是中國人之自爲賭博也。玩其語意。一若中國商務日衰。除先令長短。可以酌劑之外。無所爲商務者。不知幣

附錄

一百九十五

財政

制。不。備。匯。兌。不。齊。則。出。口。入。口。之。貿。易。皆。病。中。國。商。務。之。日。疲。即。在。於。先。令。之。有。長。短。試。觀。各。國。互。相。貿。易。以。幣。制。完。備。匯。兌。劃。一。之。故。其。商。務。之。盛。倍。蓰。於。中。國。即。知。中。國。若。能。除。去。匯。兌。之。虧。耗。其。商。務。必。能。興。盛。也。彼。又。有。外。國。民。富。利。用。金。中。國。民。貧。利。用。銀。銅。之。說。不。知。精。琪。辦。法。先。有。金。幣。之。名。而。後。徐。徐。鑄。實。幣。與。各。國。匯。兌。用。金。而。民。間。來。往。仍。可。用。銀。同。爲。此。說。者。並。於。精。琪。譯。本。而。未。嘗。研。究。者。也。至。於。京。中。王。大。臣。之。對。於。精。琪。尤。屬。奇。謬。如。十八。日。本。報。所。載。某。日。適。屆。會。議。之。期。精。琪。使。如。期。至。外。部。候。議。值。是。日。各。王。大。臣。均。有。事。未。到。僅。有。某。某。二。京。卿。到。場。精。琪。大。爲。不。悅。云。云。夫。使。精。琪。此。來。僅。爲。美。國。之。利。則。彼。既。奉。使。來。華。我。既。承。認。接。待。即。當。如。期。會。議。斟。酌。准。駁。亦。不。應。一。意。簡。慢。以。傷。中。美。之。交。際。況。精。琪。之。來。固。不。僅。爲。美。國。之。利。耶。中。國。商。務。外。債。皆。受。金。貴。銀。賤。及。幣。制。不。劃。一。之。害。求。教。於。美。美。乃。使。精。琪。研。究。之。欲。以。使。金。不。益。貴。銀。不。益。賤。誠。美。國。之。利。而。中。國。之。商。務。外。債。其。受。益。於。是。者。必。尤。鉅。也。夫。精。琪。之。條。議。在。中。國。所。當。爭。者。爲。第。二。第。三。第。四。第。十。七。則。其。他。皆。無。弊。之。不。能。照。原。本。也。外。部。戶。部。財。政。處。諸。公。必。與。之。互。相。會。議。以。求。保。全。主。權。之。策。誠。能。改。此。數。則。則。整。頓。幣。制。之。議。未。有。善。於。此。者。也。乃。以。駁。之。者。多。遂。致。求。教。於。前。者。慢。待。於。後。蓋。政。府。諸。公。已。有。勿。改。幣。制。之。意。故。其。流。露。者。如。是。然。而。他。日。者。或。以。中。英。商。約。第。

二。款。中。美。商。約。第。十。三。款。中。日。商。約。第。六。款。相。責。難。吾。恐。政。府。諸。公。又。將。措。手。不。及。而。過。於。遲。就。矣。

論挽回利權 錄七月初十日新聞報

有。形。之。破。裂。可。見。無。形。之。破。裂。不。可。見。宰。割。非。洲。分。據。印。度。皆。所。謂。有。形。之。破。裂。者。也。若。夫。外。無。宰。割。之。名。而。內。得。分。據。之。實。則。莫。如。握。我。鐵。路。敷。設。之。權。各。鑛。采。掘。之。利。路。鑛。者。全。國。民。命。之。所。係。者。也。路。爲。人。身。之。筋。絡。鑛。爲。人。身。之。臟。腑。我。有。筋。絡。我。自。能。貫。通。之。我。有。臟。腑。我。自。能。榮。養。之。則。自。主。之。權。不。失。若。一。旦。筋。絡。爲。人。所。製。臟。腑。爲。人。所。據。雖。尸。居。餘。氣。體。質。尙。存。而。精。液。血。脈。悉。爲。他。人。吸。取。已。盡。其。必。終。成。一。麻。木。不。仁。之。症。有。瘞。瘵。待。斃。而。已。尙。可。挽。救。耶。記。者。錄。垂。涎。支。路。一。事。竊。有。不。能。已。於。言。者。本。月。初。十。得。京。函。云。自。京。保。鐵。路。至。易。州。支。路。七。十。餘。里。係。供。謁。陵。蹕。路。之。用。平。時。雖。搭。載。客。貨。而。地。僻。道。迂。生。意。寥。寥。每。年。由。北。洋。支。應。局。領。銀。二。萬。兩。爲。養。路。津。貼。現。有。某。國。人。垂。涎。此。路。願。繳。造。路。成。本。並。加。年。息。購。領。此。路。爲。將。來。轉。運。鑛。產。之。用。袁。宮。保。以。事。關。重。大。未。敢。擅。允。婉。詞。覆。絕。而。該。西。人。尙。未。絕。念。夫。外。人。之。垂。涎。我。路。鑛。者。挾。其。慾。而。來。無。不。償。其。願。而。止。此。事。之。成。否。尙。不。可。必。然。垂。涎。之。欲。未。絕。勢。必。暗。中。運。動。嗚。呼。今。日。富。強。之。源。全。在。路。鑛。故。各。國。於。本。國。路。鑛。汲。汲。營。謀。且。

內。資。本。兼。營。謀。他。人。之。路。試。觀。我。中。國。軌。道。縱。橫。山。條。開。掘。某。省。延。長。若。干。里。某。省。采。取。若。干。處。自。其。表。面。觀。之。開。闢。利。源。未。嘗。非。中。國。之。福。而。自。其。內。容。以。觀。之。數。設。采。掘。之。柄。皆。非。中。國。人。所。操。且。資。本。亦。非。中。國。人。所。出。將。來。一。有。意。外。難。保。不。實。行。其。保。護。之。政。策。雖。有。定。約。雖。有。新。章。強。權。世。界。其。誰。違。之。危。機。潛。伏。觸。發。無。端。路。鑛。實。權。之。所。至。即。為。保。護。實。力。之。所。到。謂。非。無。形。之。破。裂。乎。故。外。人。近。來。不。用。猛。裂。之。政。策。而。專。用。和。平。之。手。段。甲。國。謀。得。某。省。路。權。即。視。為。異。日。勢。力。圈。乙。國。謀。得。某。省。鑛。權。即。作。為。異。日。根。據。地。不。必。明。分。顯。剖。而。已。坐。收。土。地。之。利。較。之。宰。割。非。洲。分。據。印。度。其。用。力。尤。省。其。設。謀。尤。工。幾。泯。其。宰。割。分。據。之。實。迹。而。使。我。不。及。覺。不。能。防。中。國。前。途。將。來。殊。屬。可。懼。雖。然。亦。中。國。自。取。之。咎。也。有。路。不。能。自。造。有。鑛。不。能。自。開。外。人。出。資。代。我。開。代。我。築。為。我。謀。利。未。能。即。指。為。破。裂。特。患。官。吏。辦。理。交。涉。不。慎。釀。成。事。端。致。遺。大。患。則。是。皆。由。自。取。又。將。誰。怨。乎。查。京。保。支。路。開。築。之。始。非。為。生。意。起。見。故。每。年。尤。須。津。貼。經。費。兩。萬。金。而。該。處。地。方。官。又。不。能。整。頓。至。今。搭。載。者。寥。寥。夫。以。無。利。可。圖。之。路。猶。垂。涎。不。置。則。有。利。可。圖。之。路。更。可。想。也。然。而。荒。涼。之。區。一。經。外。人。整。頓。便。成。富。庶。外。人。亦。何。嘗。無。益。於。我。無。如。身。為。地。主。自。造。之。支。路。復。不。能。設。法。使。之。興。盛。反。啓。外。人。之。覬。覦。以。願。繳。造。路。成。本。並。加。年。息。之。利。以。相。誘。誤。入。彀。中。便。鑄。大。錯。未。知。政。府。諸。公。

能絕其要求。否也。近川湖閩皖諸省。民智漸通。爭欲自築自開。默挽利權。爲保全土地人種之至計。我望各行省諸紳民。於築路開礦二事。急起直追。合力創辦。自保主權。無形破裂之禍。其庶幾可免乎。

直隸總督袁奏覆直隸籌款情形摺

竊臣承准軍機大臣字寄光緒三十年五月二十八日奉 上諭朕欽奉 慈禧端佑

康頤昭豫莊誠壽恭欽獻崇熙皇太后懿旨軍制以整齊爲要練兵尤以籌餉爲先各督撫務須不分畛域共濟艱難以身作則崇儉去奢爲屬吏倡率各就本省財力實心籌措分銷之款核實騰挪中飽之數從嚴釐剔並歸併局所裁汰冗員清提陋規力除糜費以資挹注每年勻出的款若干以爲練兵之用不得多留優缺優差爲調劑屬員地步並將籌辦情形限一月內具奏等因欽此跪誦再四仰見 深宮軫念時艱憂勞大局 聖謨廣運 垂訓周詳凡屬臣工苟具天良孰不感奮臣猥以鶯庸渥叨殊遇愧未能廣建富強之略以上紓兩宮宵旰之憂自奉 命蒞直以來夙夜兢兢尤冀以練兵籌款二端勉圖報稱惟是籌款非易籌款於直隸尤難以直隸地瘠民貧迥非繁富之區可比向來既少優缺并鮮優差疊經臣酌提州縣中飽盈餘節省河工修防經費整頓各屬田房契稅宣化鹽務等項每歲

計增三十萬兩又認籌煙酒稅項每歲八十萬兩綜計歲增額款共一百一十萬兩均經於未經奉旨之前先後奏明在案至直省冗員以佐貳爲最多教職亦半無所事現方督飭藩臬兩司並會商學臣設法汰減另案奏報各項局所自歷任督臣曾經疊次奉諭裁併現計其舊有者皆幾經審定而始能留存其新添者必萬不可緩而始行建置以近年來舉辦新政端緒紛紛而直隸爲首善要區北洋爲交涉重地庶務之繁實倍他省該所各有任寄各專責成尙不同駢拇枝指徒爲贅設第值庫儲萬緊之時必須格外撙節臣謹當悉心酌度如有事務較簡者卽行分別裁併現在籌畫伊始姑難預定確數然約略計之以上冗員局所二端汰併之後每歲當可省銀十萬餘兩若夫官邪多起於貪而官貪半由於奢直隸向係瘠區尙無奢靡惡習臣蒞任後疊飭各屬力戒浮文禁革糜費以遏弊竇而勵官箴自道府以下皆爲之酌定公費所有從前各屬陋規一律提解藩庫化私爲公永不准再有陋規名目亦曾經奏明有案此外如尙有可以清釐可以節省之款仍當隨時認真核考依次籌集總期裨益餉需庶可仰副 宮廷諄諄誥誡之至意謹 奏奉 硃批戶部知道欽此

兩江總督魏等會奏酌提報効銀兩摺

竊准部咨遵 旨籌餉酌擬十條奏奉 上諭現在時局多艱國勢積弱各直省伏莽未靖
蠢動堪虞非練兵無以衛國亦非練兵無以保民比年以來疊經諭令各省裁汰綠營改練
常備續備各軍近復特簡慶親王奕劻等辦理練兵事宜於京師設立總監之處期收畫一
整齊之效惟練兵實爲急務籌餉尤屬艱難凡軍中食用所需何在非吾口膏血現當國
困豈忍再腴民生以前次練兵處臚陳籌餉各條僅以酌提中飽加收煙酒等捐飭令各
省照辦嗣復諭令戶部就公家固有之利除弊節流統籌妥議茲據詳細陳各摺片著即
依議辦理用副簡練軍實體卹民艱之至意欽此刷印原奏清單飛咨到臣當卽欽遵分別
咨行籌辦除原奏兩浙鹽務甘肅鹽釐四川土藥暫停不急工程四條應由各該省及在京
各衙門遵辦又嚴核錢糧酌提雜稅核提漕務閒款清查沙田沙洲四條及另案加收煙酒
等捐由臣恩壽分別辦理會奏外伏查練兵以籌餉爲先籌餉以理財爲急江蘇財賦丁漕
稅釐而外惟鹽課爲大宗臣光燾於上年未奉 諭旨之先業將兩淮鹽務實力整頓官引
暢銷課釐增收其淮北銷鹽並已 奏明新加五萬引於餉需不無裨益部議清釐兩淮額
產鹽斤額銷鹽引及酌辦加丁加閩引額課款兩條近來鹽斤一再加價兼有就地抽收口
捐課款暗增已與加丁無異若再按丁加引恐難議辦其額產與額銷有無缺溢加閩能否

仿辦疊飭運司查議據稱必須詳查產鹽實數通籌至當辦法方免窒礙請寬予限期俾得妥籌議復容俟催復到日另行專案奏明辦理至飭提州縣中飽酌提報効兩項就江蘇各州縣所收丁漕價值核計浮費革除近時銀價雖賤用款增多所餘本僅足敷辦公光緒二十二年二十七年奏明於丁漕內酌量提解湊還洋款辦公已形竭蹶州縣責在親民地方應辦事多不能使無米爲炊致滋貽誤惟當此時局艱危庫藏支絀苟可稍節有餘以濟公用亦不能不竭力籌畫茲查明甯蘇兩屬各州縣丁漕徵數分別等差酌量加提統計每年丁漕兩項共提銀二十一萬兩飭自光緒三十年上忙爲始照數解司以備按年撥用此外雖無常年之款可集臣等仰體 深宮宵旰焦勞督同司道撙節公費量力報効一次暫供練餉之需計臣光燾臣恩壽暨藩司以至各道府局員共報効銀六萬五千兩解存司庫聽候部撥繕具清單恭呈御覽謹 奏奉 硃批戶部知道單併發欽此

兩江總督魏奏江南銅元局增置機廠改章整理餘利撥充興學練兵等用摺

竊查江南前因制錢缺乏於光緒二十八年經前督臣劉坤一奏明仿照福建廣東章程籌款在江甯銀元局開鑄當十銅元發市行銷以濟民用奏明每鑄本銀一萬兩能鑄銅元一百四五十萬枚約可盈餘銀千兩之譜旋因行銷尙暢鑄數無多於上年正月間經前署督

臣張之洞奏明添購新機增建廠屋擴充鑄造歲獲盈餘爲三江師範學堂經費之用在案臣上年二月到任其時三江師範學堂已擇定基址撥節估造工費約需銀十萬兩常年學費銀二十萬兩又臣上年夏間奏設練將學堂練兵營房購地建造約地價工費及開辦用項共需銀二十餘萬兩常年新餉除抵支外約需另籌撥銀三萬兩尙有陸師學堂高等學堂留學外洋學生官費新設農務局官報局農桑工藝局各經費無不於銅元盈餘項下取給此外新政急待舉行亦在在需款而銅元新機未到新增廠屋亦未竣工舊廠日鑄銅元既少且有代鑄代銷名目盈餘所入不敷所用當經督同司局妥定章程核實整理並催新機陸續運齊廠屋加工趕造現在新廠甫經裝設開鑄連同舊廠每日約可出銅元一百萬枚以外現時銅煤等項價值估計每錢當十銅元一枚約需成本制錢六文之譜此本爲救濟錢荒藉裨公用而設江南興學練兵如以上各項需巨款際此餉源奇絀撥款浩繁既乏正項可挪事關新政又難延緩不辦全賴銅元盈餘以資挹注臣當督飭藩司局員實心經理所有盈餘除提給修理機器開支局用獎勵在事員司人等外其餘悉數歸公由司先行提還購置新機添建廠屋暨以前借撥鑄本各款餘即充作本省興學練兵各項新政一切公用藉資周轉謹 奏

財政

二五三

甲辰

署漕督陸奏辦理清淮銅圓摺

竊臣前因錢少銀賤商民困苦 奏請開鑄銅圓奉 硃批戶部議奏欽此現接部咨議准
權爲試辦惟不得動用庫帑及添鑄銀圓奉 旨依議欽此咨行前來伏查清淮財力素稱
支絀今以錢荒民病請鑄銅圓惟有暫挪公項及息借商款以爲鑄本鑄錢有成卽行歸還
不令懸墊過久而民困藉可漸紓至於添鑄銀圓不但事不應爲抑亦力所未逮現在遴派
妥員訪購機器履勘廠基覓雇工匠惟事體繁重先挈其綱則其餘自次第就理謹擬大概
辦法六條爲我 皇太后 皇上陳之一用人宜慎也開鑄銅圓必須設局清淮距甯蘇較
遠而衝要甚於 蘇 卽名曰清淮銅圓局查淮揚海道楊鴻度篤實清慎辦事細心堪以派
充總辦另派提調一員隨同經理並派照料全廠機器一員專司鼓鑄皆擇廉幹勤慎熟諳
鑄務之員委用此外尙須文案收支及雜項差使數員容俟隨時遴員委同司工匠人數
另行報部斷不敢瞻徇情面安插閒員一鑄錢宜精也圖法之要在於畫一偷配料不均壓
印不明大小輕重不一無以取信卽難以流通必應遵照部議紫銅九五另開白鉛四分點
錫一分不得絲毫增減他若碾片成餅壓印花紋字迹皆須隨時考究稍不如律卽以剔作
廢圓以備重鑄不得摻雜收支工匠人等亦不得偷鑄他物如有前項諸弊惟經管之員是

問一稽查宜嚴也鑄局向多流弊銅圓亦然質輕則防其暗竊利厚則防其私鑄物料凌雜經手人多防其耗費拋撤應按所設機器每日出錢若干照數科發銅鉛點錫每日交收銅圓若廢圓銅渣邊角若干由經管委員司事互相對核登簿稽查稍有不符卽行澈底追究分別罰辦一贏餘宜覈也銅圓一枚當制錢十文除去鑄本必有贏餘清江不近江海運脚較多僱匠亦遠其餘自不如他處然必覈准確數涓滴歸公應於開鑄後切實考究每銅圓百枚共需鑄本若干以少例多所餘自見除酌提花紅犒賞外悉以充公一鑄本宜還也借於公項者固應早歸以資應用借於商舖者亦應早還以俟鑄錢既成首先歸清公項次則歸還商款全還則止息分次歸還則照數減息按日計算不稍短給一出納宜信也從前大錢鐵錢往往已行復廢良窳不齊收放歧異故也銅圓鑄造宜精已陳於前矣而公私出納莫重於信立信之道在官而不在民上無歧視則下自通行擬俟鼓鑄充裕援照前漕臣吳棠設立通源局成案並飭本省裕甯裕蘇兩官錢局辦法聯絡紳商調劑市面使銅圓與制錢相輔而行毋致偏重庶可垂諸永久以上各條臣謹就管見所及預爲酌擬其詳細章程當與在事各員悉心覈定另行咨部備查謹 奏

兩廣總督岑廣東巡撫張會奏商情不順暫緩改辦統捐摺

附 啟

竊光緒三十年二月二十九日准戶部咨開本部奏請通飭各省一律籌辦百貨統捐以保利權而便商民一摺於光緒二十九年十二月二十七日具奏奉 旨依議欽此相應抄錄原奏恭錄 諭旨飛咨各省將軍督撫督飭司道欽遵辦理計抄粘原奏畧稱釐金積弊甚深外人屢有煩言致有免釐加稅之舉局卡太多員司丁役因緣爲奸處處留難勒索以致商民痛心疾首迫而爲冒洋商掛洋旗諸弊將來加稅免釐恐所加之稅未能敵所免之釐預籌便商裕餉之道惟統捐爲善策統捐之法凡貨物由初次產地發運之時將各處局卡應完之釐歸併統計約收若干卽酌定收數成總完納給憑以後經過地方概不重征沿途釐卡全撤或酌留扼要一二區專司稽查不准再徵商人具有天良既免沿途留難無不踴躍實報迨貨到銷售之地再酌收一銷場稅既免中飽又省冗費本年江西巡撫奏稱江西釐金次第改收統捐規模粗定商民稱便是江西試辦統捐已畧有成效惟一隅之地未盡統捐全義必須各省和衷互商統籌辦法不可各存意見若此省統捐而他省復抽收則諸多窒礙統捐仍不能行總期各省聯爲一氣盡除積弊將來免釐加稅辦成應行徵收出產銷場等稅亦可以統捐先立其基免致臨時周章茫無頭緒除鹽務土藥外其餘各項大宗貨物擬請 旨飭下各省將軍督撫督飭司道等妥議改辦統捐各稅章程限文到一月內

詳細奏咨辦理等因咨行到粵准此當即轉飭司局妥議去後茲據廣東布政使胡湘林會同釐務局司道詳稱伏查釐金積弊叢生爲世詬疾今戶部以商約垂成加稅免釐得不償失援擬籌辦統捐剔除員司中飽裁節局卡冗費欲使商人免留難之苦官吏無征權之煩而餉項仍不致短絀用意頗爲深厚惟是時勢艱危人心不固似此更張不可不加之審慎爰就輿論商情悉心察訪有謂運銷貨物近則數百里遠或數千里近者統捐尙易遠者統捐實難巨貨遠運成本綦重沿途釐金多由所在之過載行墊付或由攬運之人代納到地結算隨時通融今成總先捐毫無騰挪商力維艱殊爲不便有謂售貨暢滯隨時隨地皆有變更因之配貨遠近有定而無定懸遷有無惟利是求固有本配遠貨轉售近地之事亦有本配近貨轉售遠地之時在近貨遠售未足之捐尙可補納其遠貨近售已捐之費從何取償有謂雖完統捐仍有驗卡路遠數千必經多處員司丁役薪水有誤習於弊混往日收辦正釐已不勝留難之苦今僅司查驗益無聊賴刁難需索勢所必至上官雖加察究行旅總受困累是統捐舊釐之外更須耗費多資商情恒怯尤爲不便凡此數端羣相疑懼洋商洋旗謠詠紛紜此商情不順之大概也至於廣東抽釐章程向分四宗一曰內河爲東江之白沙石就西江之都城後瀝北江之韶州蘆苞暨西北兩江總匯之河口等廠四會廠雖隸兩

江而別有支河商貨於第一廠完釐第二廠驗釐完此起驗單之後無論運往本省何處不再抽收一日外海爲廉州之北路高州之水東等廠僅此收釐一次其雷州之赤場等廠原設廣州灣內今入法國租界其廠已輟一日海口半釐則於省城河山陳村江門等埠設廠補抽一日各埠坐釐則由省內外繁盛鎮埠各行戶分認抽繳其九龍拱北兩關稅釐係由稅務司代爲經理此外湖瓊各屬均無設立廠卡以粵東幅員之大所設廠卡尙有此數或抽起釐驗釐或僅抽一次或僅補抽半釐就本省而論與統捐辦法彷彿相似雖不免於漏越大致尙能相安此廠卡無多之情形也統捐之疑懼如彼舊釐之習若此驟然改革商運必致停滯於餉項即大有關礙粵東度支不敷甚鉅實不敢孟浪從事江西省辦統捐既已畧有成效擬派員前往該省考察實在情形錄取詳細章程回粵參酌情形推求利弊必使商情不致重困然後再議改辦等情詳請 奏咨前來臣等查該司局所稱察訪各節係屬實在情形凡事改革之初即使有利無弊羣情猶多疑慮今改辦統捐實有苦累不便如果強行必致病商虧餉前考廣西撫臣柯逢時改辦統捐梧州至於罷市多日已據柯逢時奏報有案廣西土產無多道路扼要偶一停滯尙無大礙若粵東貨物充物港汊紛歧改辦一有未宜貽患實非淺鮮然免釐加稅事在必行出產銷暢終當改辦戶部用統捐以立

其基奏明 飭下各省皆辦粵東豈遂能獨免應請稍事寬緩委員赴江西訪察回粵與各省從長計議大約鄰省都已舉辦則粵省自無所藉口此時商情不願應懇 恩准予暫緩 謹 奏奉 硃批戶部知道欽此

湖廣道監察御史朱奏庫款外放本息全虛片

再中國未嘗無財上不在國下不在民而中飽於官即如浙江雖無富民而地之所產民之所輸當亦不亞各省歷任管鑰非人捐派苛細民有怨者確聞庫款外放竟有官商兩竊本利全虛之事光緒二十二年原任撫臣廖壽豐恐利源外溢招杭紳於湖對撲實橋創設通益公紗廠招紳於蕭山東門外創設通惠公紗廠其時風氣尙未大開次第撥官本以助其成計通益公先後領銀四十八九萬兩通惠公先後領銀二十三萬兩批定按季繳息限年拔本在案見彈求炙無非自保權利近十年機紗暢銷獲利甚鉅如南通州及上海各紗廠每歲盈利往往十萬數十萬不等該兩廠非但拔本屆期不應一錢甚至按季應繳息銀亦歸無著任催罔應飽享子利乾沒母本無論庫款悉屬正供絲毫爲重即揆以報施之義亦太不平尤可駭者通益公一廠領銀至四十八九萬不可謂非大宗二十八年間該廠突請以應繳息銀概予豁免所有本銀分作十五年無息拔還中外無此商例亦無此人情

大吏宜如何嚴駁緊催以重庫儲不解前任撫臣任道鏞升任藩司誠勳出人意料居然批准立案人言通益先以賄託故所稟如響斯應年來拆息奇昂四十八九萬兩作常年一分計息每年應繳息銀四萬八九千兩該廠以一賄而免十餘年之利息在奸商固爲得計獨怪該撫藩渥荷簡任當司農仰屋竊歎之時若竟因奸商之賄忍化官項爲烏有而不惜臣意該撫藩具有天良必不至如是之貪然不應批准亦何至如是之謬令該撫藩自解其亦奚以置喙該撫藩在任時先後瀝陳籌措爲難情形安知不隱爲此款預占地步乎且該廠實在侵蝕擠倒則亦已矣乃廠之左右添造織布軋花榨油各廠蒸蒸日上重樓複閣氣象萬千道路以目咸謂此吾浙小民膏血所積之庫款爲之竭澤而漁吞舟漏網臣慮民氣易馴而不易馴大吏悍然不之顧 朝廷將有受其害者若不將通益公所領之四十八九萬兩本息逐一清查追繳固不足平浙民之心同一庫款其繳息彼追而此免還本彼遠而此近似亦不足箝通惠公之口有案據有領結有數目畧一鈎攷水落石出應請飭下署閩浙督臣李興銳澈底嚴查理財或可措手謹 奏

山東巡撫周奏紳民報効之款請由山東兌收濟用免其交金解部片

再前准戶部咨報効鉅款在數萬以上者應請 特旨給獎僅萬餘金者如係正途出身應

准獎給正印實官或本係正印實官亦准獎給正印實官升階其非正途出身亦非正印實官只准給予銜封貢監等因於光緒二十八年七月十九日具奏本日奉 旨依議欽此本年又准部咨報効鉅款應歸部庫核收等因均經分行司局遵辦在案茲據司道詳稱山東各府州縣中小學堂現雖次第興辦苦於經費支絀驟難大舉加以河工賑撫待用尤殷官款既難遍及而地方瘠苦風氣未開零星湊捐難集鉅款其有本籍紳富或雖非本籍曾在山東服官經商寄居山東已久者關懷地方意在興學助工施賑襄助等舉未便拂其志願應由山東兌收免其交金解部仍照章請獎以順民情而資觀感等情臣查紳民報効鉅款部臣議令交金解部係爲豫籌金幣地步原指赴部報捐而言是紳富捐助本省學堂工賑等項未便拒卻且山東工賑情形尤爲窘迫若併此紳富捐助之路阻遏不行勢將束手更難展布近年報効學堂經費者如湖北省經該督奏奉 恩旨優獎報効山東工賑者亦經臣奏准 獎勵有案各紳富關懷時局不惜鉅資捐助義舉若必責令交金解部誠恐拂其志願裹足不前仍於集金之舉無所裨益臣悉心察酌除被議人員報効鉅款仍令赴部呈交外其餘報効之款如本人願捐山東學堂工賑經費者惟有仰懇 天恩由山東兌收濟用仍遵照光緒二十八年七月十九日部議由臣請 旨獎勵實於東省內局稍資補助謹

附 啟

二百十一

甲辰

奏

直隸總督袁整飭各州縣督銷蘆鹽例章咨會順天府尹河南巡撫查照飭遵文

竊照鹽務正雜各款皆關餉需必須各州縣認真緝私設法督銷方足以暢官引而裕餉源是以情銷鹽引欠一分者停陞欠二分者降俸一級欠三分者降俸二級欠四分者降職一級俱令帶罪督銷欠五分者降二級調用欠六分者降三級調用欠七分者降四級調用欠八分以上者革職又定章商人無鹽運往罪坐商人如存鹽莫售或致商本佔擱無力辦運則咎不在商而在州縣仍應查取職名照例開參其失察私煎私販輕則降調重則革職例章何等森嚴各州縣理應懍遵辦理乃近聞蘆綱各岸州縣祇知需索陋規並不認真緝私引鹽銷數多寡更不過問以致私販橫行官引積滯虧課病商殊堪痛恨現當度支竭蹶商力凋殘亟應整頓維持以裕課款而紓商困嗣後蘆綱各岸州縣務當痛除積習設法督銷期於官引日暢課款日增倘或再蹈因循惡習定即照例加等嚴參其原有鹽規姑不深究如再巧立名目續有增加甚或縱容丁役格外需索准由商人據實稟報以憑撤參並由運司隨時認真查察稟辦不得瞻徇一面催令各商迅速照額領運濟銷違則照章懲辦

兩淮運司恩飭淮南總局傳諭場商加增桶價札

照得加增桶價一案前經札飭該局並通泰兩分司轉飭二十場大使各就地方情形妥籌議復迄今尚未復到若必待各該場一律復齊再行酌定既恐築室道謀久無成議且恐所議尙未妥洽則往返轉折徒稽時日因思各場垣商大都寄寓揚州自可由司核定數目飭局就近傳集衆商諭令遵辦本司前因各岸需銷曾有專加尖碱兩項桶價之議現查各場存堆鹽數和鹽僅及尖鹽四分之一自應一律議加以免畸輕畸重本司通盤籌畫除通屬呂四場本祇一垣自張殿撰集股購辦後有築田造澆設廠聚煮盡撤各竈之說應俟辦理就緒另案核奪又金沙一場無鹽可產均應無庸置議外其餘十八場應各按各場原定之價不分尖和碱鹽每桶一律加錢一百文本司爲恤竈增產起見非使竈戶煮丁稍沾餘潤不能禁絕偷漏現在銷多產少少儉一引之私各垣即多一引之收數亦即多一引之餘利以竈情而論加增百文尙嫌不足各該場應即遵照辦理限本月十五日稟復定案不得稍有計較惟和鹽產多銷滯其桶價准由該局體察情形如不能與尖碱之價一律照加准其酌量減少但和鹽每桶於百文內減少若干碱鹽即須於百文外再加若干緣碱鹽銷數本旺近又加增西岸每綱五票場存三萬餘引僅數年內銷市來年即無鹽應付非設法增煎不足以裕場產第和多碱少減和鹽之價以增碱片各商自無不樂從然所減之數至多不

得過三十文以外倘各場商人遲疑不決逾限不復本司惟有通飭照辦不能延候特札

山東酌提當典息本鼓鑄銅元章程

一此次專提發商生息原本作為鼓鑄銅元經費不必限定數目應先由司局會銜通飭各屬查明該處發商息本銀錢各有若干如何生息開具詳細清摺報局存案一面傳集當商飭令量力呈繳由各該縣匯齊解省交官銀號點收 一各處息款銀錢不同平碼亦異銀款應飭令一律合成庫平錢款即由該商按照市價易銀繳由該州縣批解以歸一律 一各處地方公款有因境無當典發給他項商人生息者亦有因發當之款過多另發他商者應由各州縣一律查明飭令量力呈繳 一各處發商生息之款有按年按月之別或幾分生息或幾釐生息亦不相同大概皆係以本地公款作本地公用銅元局提用後應仍照原案由局生息 一酌提此項官本應以當商繳款止息之日為銅元局收款起息之日免得各該縣辦理善舉中間忽有短絀將來銅元局資本充足發還各商其接續亦視此例如各當商不願領還即暫存官銀號生息留辦他項要政但屆時無論辦理何政必須詳明 撫院批准不得私自通融 一各處生息多係地方隨時取用之公款若俟各州縣應用時再行來省具領既恐緩不濟急且事涉繁瑣殊多窒礙應俟提用後由商務局開單行知官銀

號於應還銅元價內照下條酌定之期按期扣還專款存儲各州縣需用時應先行設法於外銷項下籌墊每年分四月十月兩次來省具領 一此項生息既歸官銀號代爲收發應令官銀號每年立收支總簿一本將提用各處息本收支數目分別隨時註明按年生息者分四月十月兩次收還按季者於四仲月列收按月者一月一收仍照章按月造報並每屆半年通結冊報一次以備查考 一各商資本厚薄不同資本較厚者率皆情願繳出以免生息其資本短絀之商或反藉官發之款以資週轉本局此舉絕不一概飭提應繳各州縣就近詢問如有必須留以作本者或距省較遠之處領解不便者均准取具該商情願留作資本甘結送局備案即免呈繳 一各屬發商之款生息厚薄不同此次酌提息本如有不願全提者應准擇生息最厚之款呈繳庶於興利之中仍寓恤商之意 一當商便民最大獲利最微吃虧亦最鉅往往有官本久已提清而官息仍須照繳者官非一任事非一年此弊殊難究詰現既設局保商須實盡保商義務經此次酌提官本以後擬查明通省當典此項無本生息共有若干俟將來商務大興當由局通盤籌計別設良法永爲閩省當商除此積弊

各省財政彙誌

財政

政府刻與美國專使精琦會議幣制已定銀幣分七錢二分三錢六分一錢四分五釐七分二釐四等面曰大清銀幣上滿文邊漢文戶部二字下合庫平幕上龍文下洋文大清一元字樣銅幣分當二十文當十文當五文當二文面曰大清銅幣其餘邊文龍文等與銀幣同業經呈進樣本奉 旨依議 政府曾擬創設國家銀行由部奏奉 俞允茲由戶部擬定章程三十二條當即移咨各省一體飭屬知悉以便遵辦 政府自增窳賦以來所擬章程業由商部札發各直省飭遵在案茲悉各督撫接奉定章即轉飭所屬一體遵照 慶邸為練兵處需款前已咨請戶部按月撥給銀三十萬兩稍次珊尙書接准咨文因庫款僅存二百七十萬當即據實駁覆惟戶部銀庫存款自遭癸卯火災當經那琴軒尙書盤驗尙存銀六百餘萬今趙次珊尙書長行登查實銀僅存二百七十萬云 戶部財政部電飭各省銅元局將實存儲本聲明每庫平銀一兩究竟能鑄銅元若干互相比較留庫裁細據天津報稱每銀本一兩能鑄當十銅元一百六十枚江甯報稱一百七十枚湖北報稱一百八十枚廣東報稱一百八十二枚其餘閩浙等省約在一百六七十枚之間 日使阻止山海關道文韞前往營口政府已議准將營口關稅歸日人征收以二十年為期 商部已將江海關道所擬關稅洋款存莊生息章程核准並已咨復南洋大臣轉飭認真妥辦

山東 東撫周中丞近日奉報云丁漕贏餘已於未奉 旨前提解實難再提現擬勸辦官商以刊刻公啓派員分赴各屬剴切勸導其竭力傾囊慷慨輸者頗不乏人雖未報截約計可得銀十萬兩

山西 晉撫張中丞為進籌練兵處常年經費起見報効銀三千兩藩司四千兩臬司二千兩冀甯道一千兩河東道三千兩雁北道八百兩又歸化關公費銀二千兩歸綏道一千八百兩又州縣續變米豆盈餘等項約可得銀一萬七千八百兩約提高稅銀一萬兩畜稅銀四萬五千兩合計每年可認解銀十萬兩云

江蘇 江南銅元局係前督劉宮保奏明開辦每鑄本銀一萬兩能鑄銅元一百四五十萬枚約可盈餘千兩之譜嗣後
督帥署理兩江即添購新機擴充鑄造以其盈餘作爲三江師範學堂經費近新機已陸續運齊開鑄鼓鑄連同舊機每
日約可出銅元一百萬枚估計當十圓元一枚成本只須制錢六文魏午帥以江南興學練兵各款全賴銅元盈餘故已
會同蘇撫奏請將該局所有收銀等費外其餘悉數歸公充作本省興學練兵一切新政公用云 官廳處
洲光緒二十五年即應大丈迄今未及百年在蘇奉 旨著督撫竭力整頓財賦以裕餉源江督魏制軍次簡會同江蘇
撫軍派員查勘各屬沙淤灘漲田地以資升科如要屬之蕩地徐屬之湖灘淮海之葦蕩均經魏督先後委派道員前往
查辦在案現准政府迭次催飭已將清沙田沙洲辦法情形分條奏報嗣又札飭各司情權履歷趕緊大丈分別新舊
灘漲按則升科江甯藩司黃方伯昨已札委蘇州知府沈鴻英等分赴各屬查勘並將各屬灘漲丈數開列如左
其餘各屬凡有蘆洲之區日內亦需接續委員分投勘丈 蘇省久困於匪亂軍需支絀民力凋敝極矣督撫奏請將
廣西餉賑捐茲派道員來甯設局除請江甯大吏出示曉諭外並派知縣數員分投甯省各屬勸捐
安徽 近日皖省奉到江督通飭內開奉 上諭各省州縣將各屬州縣例征錢糧銀米及正雜各費數目一律和盤託
出不准稍有隱瞞據實趕緊呈清册以憑查部上奏云聞皖藩司已遵照辦理矣
江西 樂平縣杜大令燦光前辦小學堂擬就所產稅膏酌收捐款惟稅膏已改統捐商民不服且有劣紳從中設法該
處人民素稱強悍因即聚眾起事將釐卡鹽卡學堂教堂搶劫一空該縣飛報上憲即委朱觀察于春商大令曾志前往
查辦并請杜大令撤任 贛撫夏中丞札飭牙釐統捐局畧謂近來改釐爲稅各項大宗貨物均收統捐其餘零星貨物
亦應次第改辦即如米穀一項亟宜改辦統捐應於江西省每河擇一扼要首卡徵收米穀統稅完納之後所經各卡照例

聽行如有多帶提解充公不准抑勒加補限十日內議章與辦

浙江 浙省現擬仿照江蘇湖廣等省改用印

張售錢一百五十文買業之戶赴縣投稅仍照繳

中聯契紙則觀交業戶收執上聯則繳隨稅銀解司下聯則存根備查開已訂有章程七條

物來自申江向無捐稅總辦甯郡蕭局劉海臣太守以百貨為金一再囑加各商民者能急公報効此項玉器皆貴重之

物非般實之舖不能儲此待沽亦非右錢之客不備價購買與尋常日用所需之物不同茲擬一律抽捐以費公用

福建 閩督李中丞定議在閩省開辦官銀

院諭云福州銀元局官辦發行銀二角一分

察情形常裏件較重又聞爐再修爐

近商民未能週知以其花文有異不通用

辦云

湖北 漢陽夏口鳳地釀造膏梁酒樽坊

其情察悉夏口應漢口縣米子減

而夏漢貿易實以該業為大宗

准減半折收以順商情而示體恤云

之同例今年茶梗出口較多各茶商以該項

昨奉總稅務司飭知此後茶梗一項照估本每值百兩抽稅五錢已經漢口稅司克樂思君奉飭施行 駐漢口美領事照會江漢關道云近來訪聞有等華商假美國商人名號在內地違章偷漏釐稅此後如有此等事件請照章辦理云

陝西 陝省釐金素以煙土皮貨水煙為大宗歲收不過六七十萬而止自去歲釐餉加價以來入款較昔年幾增一倍現聞三河口一卡收路驟加價僅及七月已收至十九萬之多餘可概見

廣東 粵督岑制軍前奏擬借民款三百萬兩辦理地方要政限十年內攤還以緝捕經費及開姓三票彩票五項承餉作抵現聞此件業已接到部覆奉 旨依議一俟岑制軍東旋即行委員開辦 近日贛鄂湘鄂各省督撫會商籌辦土

膏稅捐一節擬定章程凡由兩湖押運出境經贛省復由贛轉運折入粵東均應在其省分交界要隘之區設局委員驗收落地稅捐以杜中途濫費及覆行漏銷之弊此事會由岑撫電粵督並准粵督札行厘務善後兩局核議在案隨

由該兩局詳議以粵東土藥向係由川黔湘鄂等省轉運來粵行銷由進口第一道厘廠抽收其由江西省運來者則由

韶州東關厘廠抽收由湖南來者則由韶州西關厘廠抽收由廣西梧州等處來者則由都城厘廠抽收由廣西南甯等

處運來者則由廉州北海高州水東雷州海口等處抽收今特行贛鄂等省合辦土膏稅捐凡土藥在各該省過境由各

該省抽收過境後押送出境並抽落地稅節節押運似可杜絕繞漏倒灌擬即在兩省境內酌擇扼要處所設立查驗土藥厘卡委員前往辦理至惠州之和平興羅省之定南接壤嘉應州之平遠興甯與贛省之長甯亦接壤其餘湖南之於

廣省韶州連州廣西之於粵省廣甯都城信宜均有水陸可通應由局札屬察情形在各處設卡抽收並咨由湘桂各

省一律嚴辦以杜繞越等情詳覆督撫批准照辦並咨會湘桂兩撫查照辦理近聞厘局已委候補知縣盧令成毅前往

南雄州該處擇要設卡征收

財政

二百十九

甲辰

廣西 龍州商務近頗興盛有人與駐越之法蘭稅司商妥凡由香港貨物運到龍州者稅關格外體恤祇征值十抽二以通商旅經已試辦有效又由鄭京堂糾合龍商擬在南街開設一通商銀號資本五萬元鄭出二萬員商出三萬員以便周轉鎮南關已有官銀號今又增一號名曰新龍

各國財政彙誌

韓國 六月二十日漢城電韓國署理宮內大臣朴鑄和與日人高木文平君訂立借款條約其緊要之條目如下
韓國政府因設立銀行向高木氏借款一千萬圓 二以三十年為還清該款之期限在其年限以內亦可還清 三其利息一年五分以宮內府及政府之諸稅為其担保之物惟宮內府所屬之山林礦山及未開墾之荒地不在其內 四此條約甚為秘密當初並未由日本公使承認并聞又聘高木氏為銀行顧問一俟款借到後韓政府即將其九分之一交高木氏購辦軍器另再訂特別之條約而韓國人民亦頗有反對此事之象

日本 日本軍費逐有加添從開戰至今已用去二萬萬零八百萬此項軍費借於民間者七千七百萬元借於英國者六千萬元借於本國銀行者三千萬元節省公費二千五百萬元特別戰稅六百萬元雜務二百萬元各衙門節省用款八百萬元近來約計日軍用費每日須一百萬元雖所算尚未滿足然今年必不過三萬萬零六千萬元而政府前日所議則有五萬萬零三千萬元 六月十八日東京電日本現因第一次之軍資金五億六千萬元僅足供本年年內軍費故若交戰延至明年則更需第二次之豫算不得不增大其軍費供給之數日本當局者現已調查財務當局者目下亦正在專事調查關於該財源之事項因須另設新稅故現將食鹽專賣及絹布稅兩項再行調查又房屋稅茶稅等亦正調查以便預籌明歲之軍費

實業

論實業所以救亡 節錄六月二十九日中外日報

自日兵據守高麗之後。而日本駐韓公使。有向韓廷要請墾荒之事。韓人多不願者。至結爲會社。以拒日爲名。其政府亦以自行辦理謝日人。然日使之意未泯也。有謂韓人之結會拒日。實爲黨派之私利祿之見者。此非吾國切膚之害。可以不必深求。然竊就此事而有所省焉。則以實業之興衰。關於國勢之存亡。是也。吾因是而悟列強之用心。凡欲顛覆人國者。非有所甚利於己。則斷不亟亟圖之。而其所利者。乃必不在於其占籍之人民。而在於其自然之地利。舉凡所謂農工商鑛之事。無一而不啓其覬覦而染指之念。既殷則窺伺之心愈切。蓋不啻舉全國公共之產。而皆爲資乘。致寇之媒。此等事例。見於中國者。幾於書不勝書。而以承攬工程。測勘鑛山二者爲最夥。主權之喪。恆必由之。固不獨腋我脂膏已也。而推其致此之故。則皆起於實業之不興。蓋外人雖有涎我利益之情。而萬無紛臂奪食之理。果使一國之民。皆能振興實業。舉所謂農工商鑛諸事者。開拓經營。不致貨棄於地。則彼外人者。雖有攘取之心。更無著手之處。亦祇可爲臨淵之羨耳。惟我既不能自關其利。則已自棄其爲。

地主之資格而後旁觀者乃得為越俎之謀即為地主者亦竟無辭以問執其口前者之願方價後來之徒益衆地利去而國勢隨之以去吾人所以有石田千里謂之無地之言也此次高麗墾荒之案韓人以自行辦理拒日本其詞甚正然何以不辦於日本未請之先直至聲言要索之時始欲以空言抵制此誠不能為韓人解者固知日本之願未易從此遽休也近年之間我國於外人嘗試之舉亦頗謀所以阻之即如鑛山工程等事明哲之士乍見外人有所謀畫亦每每自辦之策以尼其成之如近日安東全省鑛山然猶限於一二端而未推及其全體見此一事之為害則但思與此一事以禦之雖然遍中國之廣二萬萬方里之地利二十六萬種之物產皆外人之所甚欲也非舉一國之實業而提倡之通力合作以自養者自保則更何術以救亡哉夫見一二鑛山工程之關係遑遑焉憂之而於全國地利之關係或朦朧而不察不知推此一事之關係以及於全國之關係則此一二事之患可尼即亡國之禍亦可遏而其所以遏之者舍提倡實業之計豈有他法歟嗚呼日本固以提挈韓國為己任者也而今日之計施於韓以者乃不急其內政而先以墾荒之說為言則是實業不興即亡國之兆其言據有若是之著者可畏也矣

論女工 節錄甲辰第二十一期商務報

同是圓顛方趾之儔。有官骸口體之具。有知覺運動之能。而男子獨任其勞。女子獨爲其逸。直若舍炊春鞠育以外。不必擔一毫之義務者。輒近世之頹俗。孰有甚於此乎。考中國男女生息之數。據周禮職方氏所載。惟冀州之域。其民五男二女。其餘諸州。皆女多而男少。以女較男。其數當贏五分之一。乃以目下通國男女計之。又若女少於男。與三代盛時爲反比例者。則以溺女之風。於今爲烈。有以預蹙其生機故也。夫女人既不能使嗣宗。勅又不能自謀衣食。在在須仰給於男子。是以貧窶之。咸以生女爲大不幸。或屢緣弄瓦而付諸清流。或未及衣襦而投諸隘巷。此女口之所以不善也。然則欲養女口。莫若禁溺女之風。欲禁溺女之風。莫若廣勸女工。而集其力。力有所用。即口有所資。如是而猶以生女爲不幸者。未之聞也。

吾嘗遐稽夫秦漢以上。自軒轅之妃西陵氏始教民蠶。後此蠶桑紡績之事。遂爲婦女之專職。成周之制。自后妃夫人以下。至庶民妻妾。無無所事事之婦女。王后親織元統。公侯之夫人。加之以絃綖。卿之內子爲大帶。命婦成祭服。列士之妻。加之以朝服。自庶士以下。皆衣其夫。莫不社而賦事。蒸而獻功。故四德之中。工居其一。司馬遷言。太公封於營邱。以其地斥鹵。人民寡。乃勸其女工。功極伎巧。其後齊國之富。至冠帶衣履天下。漢制。官人有罪者。輸織室。

賁以紡織蠶織。民間之有罪者。其女子爲白粲。課以品別桑盛。因其有罪而罰之作工。與因其愚貧而勸之務工。意美法良。均非後世所能及。夫周漢戶口之數。尙不逮今者三分之一。顧於女工。猶汲汲如是。是以家給人足。幾於比戶可封。今民數已達四百餘兆。而坐食無能之婦女。殆居其半。有不嘔斯飢而傷終窶者耶。

難之者曰。婦女之聰明才力。皆遜於男子。即使教以工作。裨益幾何。噫。爲是言者。其亦勿思之甚矣。夫乾道成男。坤道成女。鍾毓之靈。何分軒輊。自古婦女之卓卓可傳者。如鄧曼料楚師之敗。陵母知漢室之興。木蘭負羽以從軍。曹昭揮毫而作史。迴文之錦。製自若蘭。列國之圖。繡於趙氏。而毛詩三百。韓房之作。居其五六。浸假若而人者。易裙釵以冠弁。變巾幗爲鬚。安在聰明才力。盡出乎男子下哉。即使今日。婦女之智。遠不逮古。而教之以技藝。工作未嘗不勝其任者。中國自秦漢而下。女學不講。婦職不修。致使爲女子者。略堪溫飽。即不肯操勞。偶爾食貧。輒終朝詬誶。抑若口體之奉。固宜由男子供億也者。而男子則無論其勞心勞力。仰事俯畜。皆所不免。多則八口。少則五口。莫不取給於一人之身。往往終歲勤動。而老穉猶轉乎溝壑。骨肉不免於飢寒。生之者寡。食之者衆。力小任重。此家道所以不興也。而奈何而不重女工。奈何而不亟興夫女工。

誠使通國婦女皆有所執業。則男子之仔肩。有人分任。不必以謀生爲苦。內顧爲憂矣。且以生利分利之說。衡之通國利源。當增一倍。卽國家斂入之稅額。亦當增一倍。不觀夫歐美諸國。女工之發達乎。以美利堅一國言之。凡工程繪畫測量樂律諸事。以婦女操其業者。至數十萬人。而沙的士省之女子煤油公司。則自總理以迄傭役。無一而非女子者。新見次則爲英吉利。卽英國鋼筆製造場而論。職工三萬餘。就中女子多於男子數倍。新見該兩國皆以工業立國。故女工之進步。亦未可限量。卽如比利時之叢爾邦。目下亦擬於敖斯當得地方開博覽女工大會。已派定克來忙地諾王爵夫人爲監督。所有各女工皆可與賽。理見泰西各國之女工。卽此已足徵大概。而環顧我國。二百兆之婦女。則皆無一藝之擅。一技之長。以糊其口。而贖其身。夫安望工業之振興哉。

然則欲興女工。其道何由。曰。在乎興女學而已矣。按西國普通之女學。分爲十六科。以次教授。一識字。二書法。三知算。四縫衣。五精繡。六作札。七吟詩。八繪畫。九紮花。十編織絨衣絨帽。十一製各種花邊。十二略知醫理及形性學。十三音樂。十四宗教之道理。十五體操。十六地理。見我國女學之興。現始萌芽。欲仿西法教授。一時未能遽曉。惟就各地產出物品。之可以製成熟貨者。令婦女轉相傳習。如紡棉繅絲。織麻織布。縫衣製履。學製願繡。織草帽等。

工。皆。使。各。習。一。門。暇。時。兼。課。以。文。學。俾。粗。通。大。義。講。求。歐。美。工。藝。自。不。難。日。新。月。異。况。我。國。地。大。物。博。遠。勝。泰。西。而。婦。女。耐。勞。習。苦。之。性。質。更。超。乎。泰。西。婦。女。之。上。果。能。通。國。婦。女。皆。以。工。業。爲。禦。貧。之。術。內。助。之。資。其。不。一。蹴。而。躋。乎。富。強。之。域。者。無。是。理。也。

奉天將軍增奏蒙旗荒地招墾請派員收價丈放摺

竊奴才前以哲里木盟科爾沁札薩克鎮國公旗地段與札薩克圖王旗現在丈放荒地毗連其地亦頗堪招墾當經札派總辦札薩克圖荒行局分省試用知府張心田就近親往勸導並咨理藩院哲里木盟長札行該公旗在案現據該札薩克公拉什敏珠爾並委員張心田先後呈稱該札薩公於委員到旗後遵即與協理官員及旗衆人等商議妥協擬將本旗南段一帶荒地寬長各百里收價招墾並以該旗現有辦公急需懇先借銀一萬兩俟收有地價即在該旗應得正款項下扣還等情呈請核奏前來奴才查近來各蒙旗牧政日衰咸知耕種有益往往私招民墾並無一定章程甚至民人營集私相展拓需索不遂又欲施以驅逐而佃戶安土重遷動輒聚衆滋事比年訟案層見疊出辦理甚爲棘手誠不若由官丈放不特墾戶升科納賦視爲恆產之依而蒙旗得收地價歲租尤獲無窮之利况設官建治則保障堪資目今已經招墾各旗莫不耕墾相安人歌樂利奴才前於光緒二十一年在署

理黑龍江將軍任內奏陳興利大端摺內請將各蒙荒一律由官查核丈放良以此也茲該札薩克鎮國公拉什敏珠爾及該旗衆人等以時勢艱難願將該旗南段荒地由官派員丈放收價招墾實屬深明大義與甘受困敝故步自封者迥乎不同至該旗所請暫行撥借銀一萬兩業飭如數撥交其領俟收有地價如數扣還歸款相應據情奏聞如蒙 聖恩俯准招墾恭候 命下之日即行設局派員妥擬章程前往開辦至於該旗報効之款亦即查照札賚特札薩克圖現辦成案體察情形一併奏明辦理謹 奏奉 硃批著照所請該衙門知道欽此

江蘇巡撫恩奏試辦工藝局片

再查各國致富資生多由工藝蘇州戶口繁庶貧民生計維艱尤不可不早爲籌計因集官紳詳籌妥議但期無業之民皆能各習一藝自食其力既可免於游惰自足開闢利源查得元利縣有舊廢倉房地勢寬敞堪以建造工藝局所當經委員會同地方官勘估興辦將舊有平屋一百十九間算計修整添造樓房五十間東西大廠四座品評院競進院各一所及委員司事辦公各處所通計用工料銀一萬七百兩一面購定機具延訂教習先招工徒一百五十人入廠習業製造土貨如織花素布花素緞顧繡等類仿造洋貨如織毛巾絨毯地

蕭洋襪汗衫以及造皂捲烟等類均民生日用所需易於運售之物先行試辦俟有明效再分別擴充其一切經費就地勸集捐款銀四千五百五十兩而開辦暨常年所需以及工本等項每年約需銀三萬餘兩先由司庫核實動支造報謹 奏奉 硃批該部知道欽此

兩江總督魏飭知江海關道袁大生紗廠增設崇明分廠轉飭該縣示諭保護札

光緒三十年五月十七日准商部頭等顧問官辦理通海一帶商務翰林院修撰張香濤通州海門崇明均產棉花壤地相接十年前鄉間織戶多用機紗銷行日廣光緒二十一年十二月承准前督部堂張奏派經理通海一帶商務即經先就通海兩境棉產紗市適宜之地鳩集公司建設大生紗廠計二萬四百錠二十八年復就原廠增錠二萬四百二十九年陸續添開至本年春間開齊現因崇明利用通紗常若不給復於該縣外沙江北與通海水陸可通之永泰沙地方增添大生分廠計紗機二萬錠合計買地購機建造廠棧以及運本共需資本規銀八十萬兩擬章集股次第開辦廠屋基址現就永泰沙已經購定一百六十五畝四分三釐四月十三日移請商務局轉詳貴部堂在案紗廠業兼工商設廠之所必度廠之四面生貨所產浮於廠之所需大半熟貨所行浮於廠之所應小半入乃不竭出乃不墮前督部堂張奏派經理通海一帶商務本兼通海鄰近之地在內且通廠紗機係屬官本尤

不得不審慎從事是以度量形便空出海門仍與海門水陸俱通之崇明北沙增設分廠假如內地紳商復有建設紗廠者則崇明本沙尙可容一萬餘錠之廠庶實業之增長與保守兩無妨礙至分廠與本廠均係股分有限公司附股姓名及辦事詳細章程須俟股齊開辦方能呈報所有大生增設崇明分廠緣由及集股章程理合咨呈貴部堂鑒核立案并請飭下崇明縣先行出示并隨時實力保護以便興辦等因到本大臣准此查來文所叙移請商務局轉詳立案之件現尙未據該局轉詳前來合行札飭札到該道即便轉飭該縣刻日出示曉諭妥爲保衛勿稍玩忽仍將遵辦情形報查特札

鈞審磁業公司章程

第一章 試辦大略 第一條本公司現奉撫憲札行遵照部章振興磁業等因查河南古窯柴鈞汝最著陶說所載鈞審有兔絲紋火燄青翠青硃砂紅茄皮紫各種名磁盛行於世近數百年來此業久廢今照章開辦首以追復鈞審古磁爲主嗣後逐漸擴充以次摹仿唐哥等古窯及景德鎮脫胎諸種並製造東西洋細磁以期推行盡利 第二條本公司以改良土貨爲宗旨按照古法參以近日化藝諸書撮其要訣擇授巧匠考究本地土質調配金石各種釉料并巧製形模精候水色俟刻期開辦後即將所出各種磁器分寄京都汴梁

天津上海漢口各處并送東洋以便中外官商鑒別定購如有家藏精美古磁願送至本公司仿造及繪畫圖式寄製者本公司悉皆加意經理 第三條本公司所出各樣磁器各種釉色均按成色優劣分別上色二色三色審酌定價另行刻單登報若運送各省除按道里遠近另加運費外凡客商自來公司轉運者其價目皆按定章核算若價值或有增減必由公司先期登報聲明每出一審各司事工匠公同品訂等第註冊申報總辦查核不得移上作下品下爲上務期貨價相符昭著信實 第四條本公司先集股本銀五萬兩每股銀五十兩在禹州交萬盛新鹽店彙收在河南開城及上海漢口京師均交大德通票號彙收隨時填給股票憑摺爲據無論本省外省外埠各紳商人等皆可入股但不得參入非本國之人股友自取票以後不得自行抽回股本如欲轉售必報明公司繳銷原票將該買主姓名填寫另票發給不准私售非本國之人如有此項情弊查出將股票憑摺作爲廢紙 第五條本公司設於禹州城西六十里之神屋鎮由豫南公司派員總辦照章經理一切事宜現因急於試辦先由州署借墊款項作爲基礎一俟股本招集即行逐漸擴充 第二章 各項條規 第六條本公司立管帳處一所派司事一人專管收發銀錢釉料及公司各項開支所有銀錢大小出入帳項均隨時登記實存實載不得浮記銀錢均照本色不得作價抵

扣銀錢往來均有憑摺凡支發各項賬目必詳細註明年月事由作何動用以備查考 第七條本公司立管收發處一所派司事一人專管收點各匠熟坯及入窰裝坯出窰成器各項件數分別上二三色磁器及發售轉運等事均須躬親過眼隨時登簿並隨時開條蓋戳交管帳處登記存查所有磁器無論何人非照定價現錢不准攜取 第八條管收發管帳司事每月在公司常川住宿不得擅離按照條諭查考工匠一切作法是否均與定章相符每窰照章扣算每件磁器成本每月將各項收發實在數目開具簡明清摺呈報總辦查核以便每季總造冊報轉申豫南公司 第九條管雜務一人管採買藥料顏料五金雜釉泥土煤柴等事所買各色藥料隨時交管帳處收儲所買泥土煤柴隨時眼同過秤開碼分堆劈柴上塚堆塚編號各標若干舛不得混雜均報明管帳處支領清發不准拖欠致生弊端所有釉料泥土煤柴各項均應及早覓爲籌備無得臨時缺乏貽誤要需 第十條匠首兼管窰看火一人管配搭新鮮五金釉料製作粉定琢器兩種型模並各樣彝鼎瓶壺刻工察看火色查閱各匠所作生坯上下四周皆須詳視如圓器有無厚薄偏側方器有無傾欹折裂底口鏃空是否細薄合法及熟坯配料上釉是否合宜蓋匣封固裝窰起火均應一一細心經理仍自行作各樣磁器一體照章給價 第十一條各樣磁器坯胎均按尺寸大小及

工作粗細核定工價另單開列各匠所作各坯上釉後由匠首交管收發處驗收照章給價不得爭執 第十二條凡在公司各匠均應隨同匠首互相講究配釉製坯精益求精如有自出巧思創造新釉仿製各樣古器燒成之後呈總辦品閱果係出色除照章給發工價外另行從優給賞各匠均應擇徒傳授不得自秘其術 第十三條工匠所作生坯由該匠自行經理至燒成熟坯上釉點交管收發處驗收後由管收發司事眼同查驗隨時登簿即於該匠名下總寫某日交磁坯共若干件分寫各釉各磁坯各若干件報明管帳處隨時清發工價不得預支至入窰裝坯各匠均不准將自作物件私混裝入即由管收發司事查禁每次按裝匣定數隨時登簿總寫某年第幾窰某月某日入窰裝坯共若干件分寫各釉各磁坯各若干件又至出窰成器管收發處會同管帳查驗登簿總寫某年第幾窰某月某日出窰磁器共若干件分寫各釉各磁器上色二色三色脚貨各若干件不得遺漏錯誤登帳以後統交收發處存放如有損失查出何樣名色何等價值責成管收發司事包賠 第十四條工匠無論大小建每月以二十八日爲率每日限定五更上工黃昏下工除三餐外不得擅離作房非遇節期不得相率告假違者由司事稟明總辦查究 第十五條五金釉料紅綠青黃各色每觔能出深色磁器若干件淺色若干件又每窰應需柴煤若干觔均已迭經

試驗著爲定例由管帳處將糶料柴煤照例核實秤量勛數支給不得浮濫又生土若干車能作大小磁器若干件均應由管帳合燒坏及成器若干件隨時查核不准數目不符 第十六條公司磁器入窰每月限定次數匠首等不得任意耽延凡未裝窰之前管收發司事即須會同匠首將此窰應裝何等貨色應用何項匣鉢先時一一預備齊妥開窰取出磁器之後即趕急將續燒之坏裝入不得預備不全臨時遺誤 第十七條鈞磁生坏最忌烈火現與神屋各碗窰戶定立合同各窰每燒二次由公司搭燒鈞磁生坏一次每窰搭燒四十匣鉢每匣鉢酌給錢二十五文由公司匠首擇定窰內妥善處所搭放不得易置他處以免焦裂又生坏裝窰之後責成各該管窰窰人看守每次給錢五十文如有損失責成各該管窰經理 第三章 各項開支 條數目從其便 第十八條總辦委員車馬費管帳司事一人管收發司事一人雜務一人匠首兼管窰一人隊勇一人支應雜事一人磨糶料二人碾白藥城料二人飼牲及粗役一人包窰二人和泥二人劈柴二人添火二人裝窰三人開窰三人擔煤及渣一人以上各項均照現在窰場局面每月燒窰次數核實定額不得隨意增加嗣後擴充須按此定率類推各色人等如不稱職由總辦查明撤退若損失貨物銀錢惟屬主是問責成包償 第十九條本公司開辦伊始已經稟明免釐在案俟二三年後獲有

利益照章在本省完稅並以餘利報効 國家現在公司火食一切務從節儉在事人等務各實心任事以期利益均沾每年正月結帳除清還借項及各項開支並應留周轉資本外如有贏餘作十成統計以六成分作股東餘利倘股本無多除酌量分成外即將次年借項提前清繳以四成歸在事人等分紅由總辦核派所有以上章程如將來辦理日久有應行修改之處由總辦體察情形隨時更訂呈明豫南公司批核 附 驗工匠帖 第一精選好土作坯完好全賴細土神屋所出以淨五花土爲上須詳視土塊中有青黑界道迴旋作花紋閃爍若金星者方可取用夾雜黃沙土者斷不可購各匠可自往各山尋覓好土各以所得作坯比較高下又泥性有硬軟不同各匠必隨時審察調和 第二淘鍊細泥欲得細泥必須多費工夫淘鍊先以水池浸土二人用木鈹翻攪漂起渣滓加水少停再開水眼使細泥流出水溝轉至泥池過以馬尾細羅裝入大缸澄清去水另作大木框下鋪新磚數層覆以細布大單將澄清泥漿傾入緊包用磚壓乾移置大石片上用鐵鈹翻撥令實再用手足和熟以便作坯凡泥澄好切勿使灰土樹葉飛入雜壞土質 第三作坯要訣製造圓器每一款式動經千百不用模範斷難畫一每製一器必按准式樣尺寸算定泥土縮性造模鍊坯大致一尺之坯燒成祇得八寸按此核定則成器齊一不致大小參差又圓器尺寸雖定

於模而光勻輕薄尤資於鑄鑿工必精細耐煩鑿刀必鋒刃薄利鑿時必周詳審視務使細緻靈巧與模相合不可草率餅疊尊彝皆名琢器其圓者仍如造圓器之法其鑲方棱角之坯用布包泥以平板壓之成片以刀裁之成段用原泥調和黏合若小種器具則用印坯之法先按式作模調泥脫印凡有應鑿拱雕鏤者須候乾定始付雕刻堆捏各器名曰粉定盃壺等類柄嘴花紋均須自然精巧第四配釉蘸釉白藥極須碾細青灰極須漂淨或改用柴糠詳細較准分兩調配各料必用漂細極淨之料不可稍雜異質及粗渣灰屑又須調和極勻勿使重質澄下輕質浮上用少許則則蘸於器面無深淺不勻之弊鈞磁各色釉料皆以白藥爲母白藥性烈每易脫落又石藍性沈玻料性滑每易流墜須調和配單得法則磁色光亮聲響清越如天雨陰溼必烘乾合宜蘸釉必須均勻不使堆結起泡蘸時用手必須靈活則釉勻 第五製造匣鉢磁坯宜淨一沾泥滓卽成斑點且窯風火氣衝突傷坯所以必用匣鉢製造匣鉢之法泥土必須碾細作成口底均須平正大小必須合套周圍無縫免致走火冒烟傷損磁器 第六成坯入窯坯成蘸釉裝匣必安置平正勿使欹側致燒成有粘邊缺邊之病入窯必分別前中後及上下火勢緩急量器及釉色之宜配合窯位安放又必大小合宜不得參差錯雜多佔空地裝好起火歸匠首及添火者細心審看至火候已足

卽行止火不得遲早失宜古法磁器燒成止火必封閉窰門則窰易冷現在必須照辦匠首等審明止火之時卽應將窰門風道火眼概行封閉惟烟突不封則餘火速滅而窰易冷稍自凝結光潤欲得磁器十全完美釉色光瑩必照以上各事細心講求缺一不可古作磁法有土細料細工細坯乾窰柴乾之語所云土細卽選土淘泥之事必細心也所云料細卽選藥配釉之事必細心也所云工細卽作模鑄坯製匣之事必細心也所云坯乾卽裝匣時細心審視坯釉及安放合法也四者皆備坯胎必無疵病此匠首與各匠之責也所云柴乾窰乾皆燒窰時事窰有罅隙卽須補整柴有生溼煤有爆炸卽須挑擇至起火之後則添火之關係尤重必以均勻爲主先溜後緊切須漸次增加不可驟然猛烈尤不可忽緊忽慢如此數者皆細心體貼則燒成之磁必能十成完好此匠首與添火者之責也今按每出一窰照器色美惡明定賞罰如下釉色光瑩鮮澤器具十全完好者爲上色釉色光瑩鮮澤器具微有小疵者爲二色釉色沈黯器具十全者爲三色釉色脫缺不具及罅折與口邊毀剝者爲脚貨各匠由公司給予印章一方各於所作坯胎印記每出一窰卽按記分別某人所製之器照前定成色查核如得上色者酌提定價十成之一劃爲十分賞給匠首四分作匠四分作匣鉢者一分添火者一分以示鼓勵二色三色無賞無罰脚貨可出售者尙免議罰若

脚貨不能出售者照件數成本共計若干劃作十分罰賠匠首罰四分作匠罰四分作匠餘者罰一分添火者罰一分以示儆戒

各省農桑彙誌

直隸 署香河縣唐大令就縣城設立閱報公所兩處並購農學新書數十種分交兩所傳觀時復親往解說以開民智近又稟請直督袁宮保飭屬廣設農務學堂造就師範業已批准飭辦 天津紳商具稟商部請籌款墾種津南荒地嗣經商部據稟函達袁宮保轉飭農務局委查籌辦茲悉農務局業已查明詳復大致謂津南沿河各處荒地實多今體察情形擬按該商所稟第三等辦法先試建修開墾以興水利請飭由天津府札行所屬各州縣傳集公正紳民劃切勸諭富者出資貧者出力如果民情鼓舞即於各紳民中擇其能幹者派充董事每州縣各正副二人幫同地方官籌辦請先由官籌款數萬兩為建修開墾之用將來開工落成洵津郡數世之利云云聞袁宮保已札飭天津府趕速分飭與辦矣

山東 杜賓谷觀察癸卯秋奉到東撫周中丞札委查辦墾荒事務即妥訂章程帶同員紳馳赴萊陽一帶切實辦理茲觀察業已回省銷差聞共查出官荒五萬三千畝收到契價十二萬餘串除局用薪津外實存七萬餘串云 山東近設樹藝公司由前安徽候補道蕭小虞觀察主持其事辦法就東省官荒各地相其土宜以為種植所有開辦款項擬集商股不動官款試辦之初由官撥地暫不納課俟有成效再行核計租費由蕭觀察上稟撫帥批飭司局會議准辦 青島樹藝官德人赫施經東撫周中丞邀約至省考察山荒已於近省一帶樹藝之法研究有得現方籌議章程以興種植之利云

河南 豫撫劉觀察桑秧由謝州採辦來豫分佈種植因整理失入致入夏以來十畝八九惟懷慶清寧一帶經韓紫

石觀察設立蠶桑會聘請學堂出身者查考性質講求培種日來其業沃若蠶繭結繭獲利加倍

浙江 浙撫孫中丞有咨文到京云現在西湖地方廣設蠶務學堂專習飼蠶之法因該省今年赴美賽會之絲為全球之冠故更廣為講求以期更進

湖北 荆防牧馬廠坐落石首監利等縣頗多荒蕪近因募兵生計維艱已由練將軍將該牧場業股修繕招佃承墾俟有實效即以此項課租充作警察學堂常年經費

四川 署涪州鄭刺史憲章前次所稟辦蠶桑情形當經川督錫制軍批獎並飭司通行勸辦在案茲刺史呈送裨農最要書四百冊稟請札發各屬廣興利源業由川督通飭仿辦札府州縣遵照矣 金堂縣屬淮州鎮一帶夙產樟楠等樹近有精植物學者謂樟可煎腦構可造紙勸人廣植聞者疑信參半然樟楠之性宜於紅土倘山梁土嶺隙地相率種植數年即可成林其利益何可以數計耶

廣東 粵東染料之萵苣以廣西省龍州所產為上等惟西省因亂事日亟販客略稀邇來肇慶藤步一帶所出茨苣極為行銷該處土人亦必趕為種植據染工云苟能將種大加改良則此項利權不讓桑茶云

各國農桑彙誌

韓國 韓國近設一農礦會社由掌禮院卿金宗漢中樞院副議長李道宰等發起業由署理宮內大臣朴容和准其有權開墾國內荒地採擇山林開掘礦山等事該會社每股五十元計設立二十萬股其會社所定條例大略如錄如下
一股款皆由韓人募集不許外國人與股 一技師技手不妨由外國聘入 一會社除營業費及其他雜費外如有贏利於其中以五分納於宮內省一分為公積其四分則股東分之 一設試驗場以獎勵農礦事業 韓廷布告人民云

開墾荒地之事當初日本公使之意乃欲令韓國修農業之利以與富源竊思國之所以爲國以其有人民也人民之所
以爲生活者以其有土地也我國向以土地委之荒蕪誠不特不謂之失政然今日非無自行開墾之策豈能讓諸他人
我國決無將此利益許外人之意業已由政府向日本公使聲明寸土尺壤決不稍爲改變大小人民其知悉此意即守
則各應歸職而安其業務焉

德國 柏林電當德皇召見南非洲農人時嘗對彼等言曰德國決不將該殖民地棄去並當注意勿使將來再遇此次
之事又令彼等安心忍耐則終當成全汝等之利權云

法國 美國溫故報云法國農務大臣行文各郡諭令通國農民用瀑布灌田之法以代馬力費簡用宏所需者僅一磨
電機及安設之費耳苟能仿而行之實有事半功倍之效

漁業誌要

浙撫孫中丞通飭沿海州縣一律按照商部所定准張修撰與辦漁業章程妥速籌辦並將開辦期尅日咨請商部立案
以備考查

各省礦務彙誌

吉林 吉林省三姓城東富清河之上流有金礦二其南者曰春平浦北者曰皮溝兒 琿春河上流亦有礦二曰三龍
溝曰四道溝 吉林城南松花江岸亦有金礦 鴨綠江上帽兒山東亦有所謂三道溝四道溝兩金礦 圖們江水城
有二金礦曰百草溝曰南崗 綏芬河上流實古塔北之溪谷中有沙金場然產金無多

黑龍江 黑龍江右岸漢河爲最勝金礦之處地當北緯五十三度十八分東經百二十一度三十四分光緒八年俄人

險私探該礦所探面積由百二三十尺廣至五里後爲中國訪悉始行禁止

山東 沂州府鄉有煤礦數處皆係土法開採每逢大雨時行客底水流即行壅工客戶往往因此賠累茲有沂城縣派

鴨廷廣文深知此弊在無機器以出水因出銀二千兩自購煤礦機器全具出資於各客戶每月賃價京錢八百千文

河南 武安縣境煤礦十年前有津商沈聘三購地開採運用機器所費不貲開採之始遇水遇石甚不順手然該商志

意與辦始終不懈現在產煤極佳銷售亦旺自鐵路興築後獲利更厚云

江蘇 前有其洋商等以湘省礦產極旺迭次稟請開辦當經督撫一再批斥不准在案嗣恐外人日久垂涎故特稟請

江督蘇撫轉飭江海關道查觀察所有湘省礦產應准華商集款往辦巨料迄今無人前往復由江督蘇撫加札飭令其

觀察趕緊勸諭股實華商設法集款前往承辦以免外人覬覦

江西 信豐縣南鄉安息堡等處向有鐵礦現經向明府步瀛查看可以推廣諒飭紳士集股興辦 瑞州河畔徐塘地

方前由道庫趙君勘得煤礦由隗文階參軍經理開採約僱工人二三百餘人每日人各百錢近已獲煤七千餘噸云

浙江 衢郡各山礦產甚多如西安縣境之白煤鄰近鄉民類皆取以代薪茲已由沈某招工試開云

福建 閩督李制軍近奉商部來咨令詳查礦產所有全閩礦產若干處何府何縣何城何鄉分別已辦未辦是何礦質

一一詳列一表咨復註冊備查云云業已札飭各員分投上下游各屬往查詳稟以便咨復商部

陝西 美商某前往各地調查礦產見陝西榆林府延安府一帶煤礦有大利可圖因稟請商部開採

四川 川督錫制軍函致某尙書云川省富甲天下加之礦產豐厚故外人頗爲垂涎已有某國商人稟請開辦某處礦

產業已婉言辭却特由官紳籌劃資本自行開採以保利權現已設立礦務局數處計劃開採之事 商部接准錫制軍

咨開據礦務總局沈道榮等詳案奉札開准商部咨開俄美諸國及南洋等埠所產煤油每歲運進中國價值至一千數百萬兩為數甚鉅非設法抵制無以挽利權而塞漏卮中國產油以川省為最多應宜照仿洋法提煉果能辦有成效隨時報部等因奉此查川省蓬溪縣土人攻鑿鹽井取出煤油光緒二十五年間有天順祥商人自備本銀設立順昌公司在該處開挖油井數年之間頗有功效惟於礦學有限致所開之井或數日而枯竭或逐日而減少現在該公司業已派人前赴日本考查煤油礦學俟考查歸來再行督飭推廣等情合行咨覆查照等因商部接咨後以川省蓬溪縣煤油礦既經順昌公司開採數年頗有功效自宜尋求新法逐漸推廣該公司派人赴日本考查礦學自係正辦惟礦學畢業尚需時日中國或有研究此學之人可否先為訪聘試辦以免稽延之處特咨商部備案酌核辦理

廣東 粵督接外務來咨云有分都員外郎方大英東設公司提鍊熟錫係為挽回利權起見即飭該官紳局詳細開具清冊聲復以憑核辦 增城縣屬金礦前經德人探驗甚佳即欲與土人立約進行開採土人堅持不允該處紳民深恐地方利源終為他人所奪乃請諸張遊戎福貴情願歸官辦理業由張遊戎代為稟呈督撫核奪 番禺縣屬下參國煤礦經商人高合發稟准承辦嗣因機器未經購辦故暫緩開採茲聞該商已備購機器即可定期開採

雲南 外務部近接雲南督撫暨督辦滇礦唐京卿等電咨畧稱月前忽有英商某隨同英領事來謁聲稱現與川商劉姓合股開辦雲南東川昭通兩府屬金銀礦廠該礦本係劉姓稟准開採因資本虧折停閉今英商願與合股添本請即咨部給照等語當經飭局詳查川商劉某先年雖經稟辦并未批准各州縣亦無來報案據該英商難保不為劉某所騙且東昭兩屬均係銅鉛官廠萬不能任外人採辦金銀各礦以致有礙銅礦貽誤京運况法商前經稟辦堅持未允今若准英商開採法商勢不免藉口要求植生枝節惟該英領事曉曉不已難以理喻且云除現銅鉛官廠外其餘礦

地均欲任便開採多方要挾殊難以口舌與爭務請就近函請英使轉飭該領事等遵照條約礦章辦理免糾葛云

各國礦務彙誌

韓國 六月初四日漢城電駐韓比使據韓外部云聞貴政府已設立農礦會社將荒地山林礦山等之特權概付於該會社然本公使向貴國要求國內一所金礦之採掘權亦已有年卒未見許今將國內所有礦山鑿歸該會社之手殊為不合請明示該會社之定款規則及事實為盼云云 十二日漢城電韓國平安道水安地方之金礦乃昔年曾經歸於日本人之手後復由韓政府買回者現在駐韓英使特向韓廷要求此礦之採掘權

俄國 俄人於歐亞各屬新得煤礦數處故西比利亞鐵道自車里雅賓斯克至伊爾古次克間之火車向用木柴者今已用煤矣

德國 栢靈電普魯斯聯邦已將希巴尼亞之礦工購入矣

特國 倫敦特國礦務轉運局接獲奈斯堡礦局電報西五月分采金總數計維術忒倫地方共產金三十萬六千五百八十六溫司一溫司合中國八錢二分三釐值英金一百三十萬二千二百九十四鎊外邑共產金七千八百九十四溫司值英金三萬二千五百三十二鎊兩共得淨金三十一萬四千四百八十溫司值英金一百三十三萬五千八百二十六鎊較四月分多產金八千五百三十四溫司值英金三萬六千二百五十鎊

各省工藝彙誌

北京 五月二十一日為五城教養局所開辦之期是日由工藝局撥來各項工匠十數人五城察院公所及大宛兩縣送來竊案監犯計百餘名當經該局坐辦委員韓指揮逐次點名後俱令該犯沐浴更衣分別各所習藝 工藝局前赴

安南賽會得有超等文憑王公大臣無不贊美入股者多現該局集款甚鉅共計添蓋房屋數十間招養工徒五百餘名所製各貨亦已日有進步 商部奏設造紙公司專製西洋東洋各紙版設上海公司則在北京集股三十萬兩先由張侍郎提撥礦稅銀兩項內撥六萬兩以爲倡辦之用作爲官督商辦派駐京師總理一切

直隸 天津北馬路考工場將於六月初八日開場內多天津教養局北京工藝局之物不論是何商號皆可將貨物送賽並給票一枚可以隨意出入至他人往觀者須以銅元一枚購票觀覽出時交還 天津工藝學堂學生實共有一百二十七名而西頭廣仁堂內飾婦學習織布即用日本木機進步非常之速各女工所織之布已發出店舖求售各女織技雖不如男工之快捷而其整齊實有過之 天津設之習藝所業已開辦六月十七日爲西頭芥園習藝所開辦之期天津縣唐令檢監犯百名往習藝所各犯按班就學有造皮靴者造軍衣者造信封者織布者搓麻繩者各等大小機器陳列堂下由工匠督率指導犯人學習勝家公司總理亦派人帶工匠二名前往指示縫衣機器用法

山東 沂州胡星昉太守於郡城南關三義廟創設紡織局已有數年局中皆用本地木機出布無多成本太重聞太守已託人在日本代購織布鋼機矣 沂州所出製造之物甚多如蘇洋線布絲絹草帽辦而外尤以剪刀爲大宗北鄉一帶織匠不下百餘家城內亦有十餘家俱以製剪爲專門發交行客販運江南河南等處銷售據剪工言沂郡所出剪刀一捆十把每年所出不下十餘萬捆之多 沂州府胡太守設教養局於郡城馬王廟自癸卯年十一月興工共造屋四十餘間茲已工竣於六月初八日開局聘定織棉帶教習一人草帽辦教習一人局中專教此二藝已有數人學習以後擬將城鄉無業遊民陸續遷招入局令其各習一藝免致在外滋事 諸城縣朱子佩大令在該縣西關創設學製草帽辦局一所已於五月間開局凡所用麥楷及匠師薪工川資等項花費皆其捐廉籌備計自開局至今不過月餘而赴局

學習者業已紛至沓來該縣生員李象臣亦具稟擬在城後設立分局一所即經朱大令批准並由官局撥給匠師以資教導

河南 豫省工藝局設宋門內爲鑄鏡局實地開辦甫三月所製爲湖縐洋花布毛巾並仿造洋式木器等其教習均聘諸浙江上海各大局廠計湖縐教習二人洋花布教習二人毛巾教習三人木工五人製出各貨以毛巾爲最洋花布次之湖縐尙佳惟係土絲所製不免性硬至所製洋式木器尙可觀各項機器有購諸滬上者有本地自造者 河南近有巧工木工石工油漆工聯結一考工會每人集資銀三圓以爲開辦經費考其宗旨在求工藝進步每年將行中所作工藝互較工拙以圖改良此會創設之由實因有某匠到長壽寺聽演說乃畧知今日時局之危急與東西各國商戰屢敗之原因故汲汲有是舉云

江蘇 長元吳三縣工藝局已於五月初一日開辦初六日開工藝習茲悉局員游雲仙大令錫龍以所招子弟初次到局工藝均係生手除由局給予飯食外擬先按名發錢三百文俟三箇月後分別優劣動情給發工資其數分二千四千六千三等如工藝超絕另行特別加獎 漢口耀華公司前次運有玻璃砂二千石行經鎮關曾蒙免稅放行茲查得此砂出自宿遷約二千餘畝該縣黃孝廉以化學驗得堪爲製造玻璃材料業已稟官採辦設廠興工頗稱獲利 上海南市製造局總辦魏蕃實觀察自到差後查得本局創設已久惟各廠所製軍械等件尙無考察難求工藝進步茲議在水師學堂內添設考工處一所以便逐月考察製造優劣業已開辦並以廣方言館提調會君爲委員按月將考察情形錄摺詳請督撫察閱

安徽 前辦商務局安徽即補道許九香觀察曾於癸卯年商同徽甯池太廣兵備道查觀察擬將蕪湖西門外金真宮

廟宇改設教習工藝所招收無業游民教習工藝一切經費札飭徵甯池太廣地方籌解前經稟明皖撫批准在案現已籌解銀四千餘兩稟詳皖撫誠中丞議章創辦

江西 玉山縣工藝院前經余明府請擬於入起局內提撥英洋四千圓以資濟用並委黃紳誠恩管銀錢帳目周紳經翰司雜務瑞源錢莊汪紳介臣購辦東洋粗細洋紗及定武昌紡織各機器嗣因入起局止解英洋二千圓數缺其半不敷周轉復經衆紳會議公向瑞源錢莊暫借英洋二千圓以足其數今該院所購機器並粗細洋紗等件均甚平常以致織就羅紋梭布價值不高銷路亦隘將來照價出售僅可以敷工本現經會司馬設法改良擬令該院紳董先籌洋三四百圓仿造省城工藝院織布機器數具暫雇工人數名改織闊幅大布俾廣銷路如有民間子弟願入學堂學習及無業游民均准收入 崇仁縣樟樹極多現由官紳會議設廠熬腦以開利源已函託省垣潮福客對代向臺灣招致腦工二人先行試辦 崇義縣周明府近日捐廉雇匠安設牛車已於地勢平坦田畝較多之處督匠分段裝設機輪轉甚屬靈便汲水之速亦增倍現已詳囑各鄉紳耆照式製造廣爲安設

浙江 杭州籌興工藝創設工藝廠以鉅資籌備尙未舉行茲奉浙撫馮中丞查得各善堂歷年積存發商生息之款爲數尙多當即商之樊楊二紳酌提十萬金以備舉辦工藝局之需並令萬砥莊觀察爲督辦商務總董高君爾伊爲經理就慶春門建屋設廠一俟工竣即當開辦云 杭州祖廟巷華昌織襪廠於五月十二日開工計機器三十四架前已報名之女工有百餘人之多現陸續先傳三十餘人由總理廠事俞春叔君自行教授一月以來女工均已通曉織法所出貨樣甚佳

福建 現黎觀察擬於廈門創辦工藝自新局專收青年痞棍及廳監輕罪人犯入內習藝使其自新並設附齊一所爲

良家子弟習藝之地章程美備聞不日即可設局開工

湖北 鄂督張宮保前於兩湖書院傍正街創設勸工廠仿照西式頗具規模近又欲加以擴充將原廠易名益智場陳設各國各省新奇人造之物以資觀感另於南首建一新廠仍其舊名專列本省製造物件以勸百工聞已委黃伯雨觀察以兼董其事云 隆昌縣素產簾布婦孺均業紡織上品鞞結者價值昂於絲綢以縝密光華有水波紋者為最較之廣西古岡州所產不相上下土人嫁娶悉以為禮然此上品不可多得次者頗覺暢銷惜皆小本經營若能集款購機專織上品縞布亦蜀中商界發達之一大進步也

廣東 近有李君調查得惠州之珍山所產石質可製造紅毛坭即塞門德土已集股三萬金行將稟官開採惟該山離水道凡十二里若煉成紅毛坭後僱人挑運每擔須費工銀二角若自己興築鐵路用汽車載運則每噸亦不過費銀二毫惟該路工程須費銀四五萬兩故一時未能決議 潮陽縣俞大令近擬設工廠一所以救犯人已借考棚開辦就東西兩欄押犯中擇其年方強壯者每日自入點鐘起命入廠中學習手藝至午後五點鐘止仍回原羈住宿已僱情織網工師二人專教結織漁網 高要縣任大令玉衡以鄉間牛隻不敷耕種製造木架代牛之法勸諭鄉民仿造用有成效足便農民通稟請飭各屬一律照辦茲奉大憲批示飭由肇慶府就近體察是否水田旱田地均堪適用着由該府核明稟覆並飭先製造一架來省試驗如果利便即由藩司通飭各屬照辦 現有日本商人至省願出厚資招募中巧手銀匠十數名赴東洋製造各器惟該匠須具有數欸能力始為合格一能知粵省各府州縣首飾款式者一能打造紋銀花銀紅白銅物件者一能立六年合同不准回家者以上數欸如同答試驗合式即行訂定已招得十餘人矣

交通

再論粵漢鐵路 錄五月二十二日中外日報

粵漢鐵路之事。關係於中國前途者實巨。本報於三月中。業已論之。竊謂粵漢鐵路。實爲中國南方之幹路。其重要與蘆漢鐵路相等。當時若能以中國之資本。造中國之鐵路。固上策也。否則由美國照約承造。究爲商務起見。或無後患之慮。則猶不失爲次策。然今觀三月二十六日。美國外部大臣照會我駐使之公文。頗有足耐人尋繹者。茲將其要義三端。詳解於下。意者關心時局之士。與夫忠君愛國之疆臣。必能體會及此。而知所以對付之策乎。

一。該公文有云。美政府現視該公司爲美國之公司云云。按中美所訂路約有云。此續約與原約一體訂立者。准美國公司之接辦人或代辦人一律享受。但美國人不能將此合同轉與他國及他國之人等因。今美國外部。既聲明視粵漢鐵路公司爲美國之公司。則合同所有一切利益。固可依舊享受。然所謂視爲美國之公司者。特謂其依照美國之法律創辦此事云爾。至於管理該公司之人。與夫該公司之股東及總理司事諸人員。與夫在中國內地之諸工程師。是否必須爲美國人民。則未之言及。

交通

七十七

甲辰

二。公文又云。美政府以爲該公司目下係美人創辦管理。故凡有關涉該公司權利之交涉。須由美政府獨擔其責任云云。按此語甚關緊要。蓋必創辦管理者。實爲美國人民。而後美國政府。自有干預之責。然美國究以振興商務爲重。則當此工程肇造之際。要猶不致節外生枝。以釀無形之患。所慮者。即恐其非美國人耳。今據紐約商報有言。日後此路並非爲美人所有。而歸代表比王之人所管理云云。夫既爲代表比王之人所管理。則公司中所需用之人員。亦將聽其更易。假使在中國之比國工程師與夫司事諸人。與內地華民邂逅。啓蒙爲人所攻擊。不知美政府亦出而干預以保護之否。紐約商報又云。該公司之股份。美人止得三分之一。其餘皆爲比人所有。夫資本之多寡。既殊。則權力之強弱。即異。是則該公司之權柄。已不在美。人手中。假使事機構會。該公司之鐵路。或有毀壞之事。不知美政府亦派兵至中國。以責令華人賠償否。若置之不問。則是美政府之責任。有所未盡也。若竟事過問。則是明知除美國以外之人。若在中國開築鐵路。必不能安然無事。而竟聽其冒竊美國之權利。以與中國生釁也。諒美政府不當出此矣。又公文中。該公司目下係美人創辦管理。一語。亦頗爲扼要。蓋所謂美人創辦管理者。特指目下而言耳。然則日後如何。未可知也。假令爲日既久而情見勢露。管理其事者。確爲不可恃之人。而又大權在手。將迫令中國別

立。約。章。以。保。護。其。權。利。拒。之。則。其。勢。已。成。無。可。挽。回。允。之。則。其。國。人。之。對。待。中。國。萬。非。美。人。可。比。而。後。患。將。不。可。勝。言。又。將。如。之。何。此。誠。不。能。不。慮。及。者。也。

三。該。公。文。又。云。若。粵。漢。鐵。路。公。司。其。內。容。或。有。改。變。則。美。政。府。可。不。為。之。助。力。云。云。按。此。數。語。最。為。吃。重。蓋。就。美。國。言。之。若。該。公。司。之。內。容。一。時。改。變。則。美。政。府。即。將。保。護。之。責。立。時。撤。銷。誠。屬。易。易。而。就。該。公。司。言。之。假。使。管。理。之。人。實。非。美。國。人。民。而。因。欲。得。美。政。府。保。護。之。故。暫。時。敷衍。一。切。悉。仍。舊。貫。及。時。機。已。至。即。將。其。內。容。更。改。如。是。則。美。政。府。既。卸。其。擔。保。之。責。任。而。中。國。轉。處。於。予。拒。兩。難。之。地。位。不。知。更。何。以。應。付。此。又。不。能。不。長。慮。却。顧。者。也。

記者撰論既竟。復書其後曰。當光緒二十四年。張香帥奉命與美公司訂約時。即奏言不可使中國南方之鐵路。復為歐洲人所管理。蓋即鑒於蘆漢鐵路之已事。名為比人承辦。而實則與法人聯合。即與俄人聯合無異。故深恐粵漢鐵路復為比人所覬覦也。又光緒二十五年。總理衙門曾行文於英國云。倘南方之鐵路。美國人不自建立。則比人亦不能過問云云。蓋亦逆料及此矣。今者故牘猶存。前言在耳。若使南北兩方之幹路。全為一國所管理。則中國將來之危險。殆於不可思議。中國本無治外法權。在內地之外人。即非中國所能約束。而外人在中國築造鐵路。亦例有自行保護之權。彼英美兩國在中國築造鐵路。究以與商為

言其利害。猶居於得半之數。自餘諸國。則大約此路爲何國所造。卽其國與中國因之有絕大之關係。俄人在東三省之已事。是其股鑿。奚可蹈其覆轍哉。竊謂美政府若能切實聲明。所有粵漢鐵路之工事。當合同未滿以前。仍在美人之掌握中。固爲正辦。否則既不爲美人所有。卽不當爲美國以外之人所有。除遵守約言。註銷合同。而外。殆無他法矣。失今不圖。後將滋悔。竊願政府諸公。與夫南方之疆吏。一思之也。

福州將軍兼管船政大臣崇奏劾會辦大員摺

竊查前會辦船政事宜候補道沈翊清任事不力。經奴才奏請撤差。後奉 旨飭卽遵員接辦。當查有廣西候補道魏瀚出身船政學堂。歷充辦公所暨提調各差。經奴才奏請奉 旨賞加四品卿銜。會辦船政事宜。魏瀚受 國家教養。厚恩必能力圖報稱。不意瞻徇息玩。遇事擅專。嗜好甚深。毫無振作。船政所造建威建安兩艦。曾經 奏准撥歸南洋收用。隨經南洋派委福建建甯鎮總兵徐傳隆來閩與魏瀚面商。所有兩艦應配應修要件。約定本年二月告竣。屆期徐傳隆帶領管駕兵丁等五十餘人來閩收領。又復約至三月完工。經南洋屢次電催。魏瀚仍復遷延。徐傳隆在廠久候。目覩工匠疲玩。魏瀚并不入廠督催。直到四月中旬。見工程仍無頭緒。來署面陳。奴才不得已親赴船廠。勒限嚴催。始於四月底修配完竣。

奏摺

八丈

八月

察看船中一切均尙完備卽於五月初一日交總兵徐傳隆具結收領查建威建安兩艦本已告成數年此次僅係修配零件并無重大工程遷延數月之久全廠糜費實屬不貲船政關防自添設會辦改存工次緣省署距船廠數十里啓用不便乃魏瀚於咨劄文件多不與奴才相商輒用單銜殊爲專擅察其督工以來僅止入廠一次終日沈迷煙毒於員紳之勤惰工匠之優劣毫無覺察以致廠務廢弛奴才當飭船政總稽察候選同知楊廉臣將上等技藝工匠核實開單酌加薪工隨親赴各廠查閱所存料件核與原冊多有不符所設前後學堂規矩課程亦迥非昔時之完備支應處所開各帳忽少忽多常傳支應委員等諮詢一切據稱出入款目俱係魏瀚主持立卽面詢乃竟易羞成怒船政委紳任照並魏瀚中表陳常綏僉稱廠中料件裝國安舞弊滋多均被控有案魏瀚並不深究僅將其中表陳常綏批斥行同無賴撤去差使餘仍容隱留工將任照調派鍋爐廠差使裝國安派委監修建威建安兩艦并不到工現經奴才查明業已另案咨革似此膽徇怠玩廠務廢弛實屬辜恩溺職奴才不敢以保奏在前稍涉迴護相應請旨將四品卿銜會辦船政事宜廣西候補道魏瀚卽行革職並請將會辦名目從此裁撤所有船政事宜選派提調管理奴才不時驗工督率遵照沈葆楨左宗棠舊日所定章程極力整頓稍有廢弛情事立卽從嚴參辦庶幾船

政日有起色至提調一差責任頗重由斌才慎選幹濟之員專摺 奏明派委以符定章謹

奏奉 硃批著照所請該部知道欽此

外務部咨兩江總督魏郵政新定專章文

本年四月十六日據總稅務司申呈以郵政關係緊要洋人船隻既以未訂專條不便強使代運所有華輪行駛內港自應急定專章俾飭遵守而重郵政當經本部札行總稅務司查照擬章申復去後茲准復稱遵擬專章一條作為二十四年六月初八日續訂華洋輪船駛赴中國內港章程內第二條後之補條即與原章一律照辦無異嗣後華船入港之關牌無論已發未發者均由各該稅務司將此補條刊印其上以便有所遵循所有遵擬專章開列於後 一凡華輪均有代運郵袋之責成其行駛內港者一經領准入港之關牌即應代運郵政信袋分交路經各局每值行駛往來遇有郵局處所即須赴局聲報以便隨時交接郵袋不致有誤除代運包裹分量較大者如何發給水脚由各該郵局按公平運費核給外所有尋常郵袋訂明不給運費其代運郵件各華船不得私帶信函並不得擅帶他局郵件以專責成至寄帶之郵件亦須格外加慎如有損失遺落違章等事仍惟該船是問或罰辦或將入港關牌撤銷隨時酌情定辦以昭鄭重以上專章一條請酌核轉飭遵辦等因前來本

部查總稅務司所擬專章於郵政不無裨益除札行總稅務司轉飭各關稅務司遵照外相應咨行貴大臣查照轉飭各海關並行內地各關一體遵照

● 湖南紳士公請張宮保據約注銷美國合興公司承辦粵漢鐵路北段合同呈

竊查粵漢鐵路前於光緒二十四年三月經出使美日秘大臣伍在華盛頓與美國合興公司籌借英金四百萬鎊建造立有合同光緒二十六年六月復由督辦大臣盛以前項借款不能敷用與英國公司續議借用美金四千萬元估工興辦所訂續約於借款利益無微不至而主權一屬之美公司後患已不可勝言然果能照原約於五年內畢工且不將合同轉與別人則此時鐵路已將告竣紳等亦何敢別有異詞乃定約已及四年興工尙無時日屢次展限與續約第四條所載續約核准後十二箇月不興工築造則續約作爲廢紙數語相背近且聞美公使將粵漢北段私售比人實係法股去歲已兩次勘道傳聞法人來湘開工查公司向以股分多者爲主股去而權卽隨之是名美而實比名比而實法將來鐵路所至之處卽法國權力所到之處派兵保路永無撤期近路鑛山任其開採必至爲遼東鐵路之續貽患何堪設想況湖南逼近粵西爲法人趨注長江必經之地又其由滇入黔亦須取徑湘路深謀詭計防不勝防紳等食毛踐土目擊桑梓阡危不得不合團力以圖自保溯查光

緒二十四年正月初五日奉 上諭粵漢一路若由湘鄂三省紳民自行承辦仍歸總公司總其綱領實於大局有裨著妥議招股各節並選舉各省紳商設立分局購地鳩工認真辦理此路貫湖南腹地銜接武昌不特取徑直捷練兵開鑛諸凡有益並准暫用中國工師將湘省應造鐵路之地測量勘繪等因欽此仰見 聖恩注念粵漢鐵路緊要 諭由三省紳商自行承辦而於湖南腹地尤煩 睿慮凡我湘人宜如何感激奮發力保利權以答 高厚今幸天牖其衷美公司逾限既久又復私售比國顯違續約第十七條趁此嚴詞駁詰責以背約勒令將合同作廢美公司當無可置喙紳等現已實籌合股自辦並非以空言抵制且湘省產鐵產木取攜甚易以本地之人辦本地之事鳩工庀材事事便利上遵 諭旨下順人心外患以祛經費亦節無有善於此者第事關重大湘省命脈萬姓安危繫此一舉宜保大公祖為萬家生佛十餘年飲和食德久戴生成此舉尤為利害關鍵幸彼有背約之咎機不可失事不宜遲用敢合詞籲懇恩予主持迅電盛大臣據約力爭必使廢約而後已至湘省集款承辦所有設立公司及條款章程再當簽同妥議呈請核定奏咨立案呼籲環求不勝迫切待命之至

德公司代建山東膠濟鐵路接修小清河叉路一段合同

大清國山東全省農工商務局布政使胡候補道朱即補道蕭。大德國總辦膠濟鐵路事務錫斯今爲彼此便通商民起見擬將膠濟鐵路推廣接修小清河又路一段公議代修及租回條款訂立合同於後。一此段又路自濟南縣東關車站分路起接修至小清河南岸止計長二千五百米達合中國四里。二查曹州條約膠濟鐵路章程並未准有此段又路今山東商務局奉撫臺准外務部來文以此又路准由山東商務局自行修築今商務局以此路工大小不便獨自起造與鐵路公司議明由公司代造將來公司代爲造成之後應作爲中國商人產業與膠濟鐵路公司無涉。三此段又路應需地價土方橋梁鐵軌墊板及一切車站應用等項工料價值由商務局籌付濟平銀二萬兩交膠濟鐵路公司承辦如不敷用由公司貼補仍俟路成之後公司將實用銀數開單報與商務局存查倘有不符合商務局不認。四此段又路造成之後議准仍由鐵路公司租回所有租價照膠濟鐵路股票現章長年四釐生息每年合濟平銀八百兩由公司於年終照付五年之後如生意興旺再由商務局向公司議加租價。五此段又路凡由小清河頭以及省東關車站來往貨物上下搭客應收車費利益均歸公司經收至應用歲修養路一切各費均歸出資商務局概不與聞惟遇有便商取益防損之事仍隨時由商務局與公司商辦。六此段又路倘日後商

務局自願收回除已付二萬兩外應再補足修路實用之銀數公司即應照准 七郵政乃中國 國家利權不應商人附置於鐵路今議所有此路之郵政及電報馬路行棧官房並以後再做分叉大小枝路等項概由商務局與應辦之官商經理均不在膠濟公司代造代管之內 八此項合同商務局與膠濟鐵路公司議定詳報山東撫臺批示並候咨商外務部核准再行畫押如外務部不允或有改訂之處仍應照辦並由膠濟鐵路公司報明柏靈總公司核准派何人畫押須將總公司來函報知商務局存查

天津內河行船規條

一派巡船一艘駐茶店口上聚豐恆斗店前專司稽查河路每日按所定各條分段認真查察第一段自東浮橋起至北大關止第二段由北大關起至西頭怡和斗店止第三段由斗店起至芥園止 一大小各船一律不准橫泊 一運河各船停處須在南岸不得寄棹北岸 一各船駛行時應魚貫而進相距至少以五尺爲限不得爭越 一各船應銜尾停泊首尾應離二尺空隙謂此船船首與彼船船尾相離二尺空地也前後均下旋或拴於岸棹 一河道寬處大船祇准平泊二艘小船狹處均准平泊兩艘 一載草之船不准在茶店口等狹處停泊亦不准入界停泊 一各船裝卸時應另懸紅旗一面事畢即行收下開往

他處不准停滯空船泊處以梁家嘴至芥園爲界 一各船戶亦不准私僱印人持械開路

一各船桅上晚間懸一燈二更後須將跳板撤去

墨西哥國內部新定中國及東方諸國移民入境章程

第一款 凡移民搭船來墨其未登船以前必須由醫生查驗發給執據再由墨國駐札各口領事照例批准若無墨領事則由美國領事代批惟該執據應在輪船抵港之日兩月以內發給 第二款 凡輪船行抵墨國港口所有貨物行李若須登岸應遵衛生局酌量設法防疫船上搭客亦須遵照進出口防疫章程細候查驗所有當時供應一切費用均由輪船公司備給 第三款 凡輪船載運移民來墨祇准在太平洋之濱曼山尼佑港口登岸輪船公司應在該處預造房舍足供每船最多人數之用暨適合衛生局之意 第四款 凡移民數不過十人者除濱曼山尼佑港口外亦准在亞卡普咕埠麻薩蘇蘭埠瓜馬士埠覃璧咕埠威拉克魯士埠瓜渣瓜咕埠薩連拿咕魯士埠以上各埠登岸 第五款 除以上各款如衛生局爲防疫起見或因船艙單指明進出口之港口染有時症或因船上有遇意外之事或搭客未盡潔淨均可隨時設法特爲除疫 第六款 衛生局及衛生局派出之委員有權暫行扣留船隻以便遵照各款辦理

郵政重訂新章

交通

<p>凡郵政局所用之分 斤量均係按英磅合算 英一磅合華十二兩 英一兩合華七錢五 分五釐 重</p>	<p>各 類 郵 件</p>
<p>每 重 五 錢</p>	<p>信 (乙) 件 類</p>
<p>單 雙</p>	<p>明 信 片</p>
<p>每 重 二 兩 一 包 內 以 兩 二 重 每 張 數 或 張 一 包 (止 磅 四 至 重)</p>	<p>新 (丙) 聞 紙 (戊) (庚)</p>
<p>每 重 三 兩 三 由 內 以 兩 三 重 每 兩 八 至 兩 三 由 磅 一 至 兩 八 由 磅 二 至 磅 一 由 磅 四 至 磅 二 由 (止 此 至 重)</p>	<p>刷 印 物 貨 契 及 書 籍 類 (庚) (丙) (戊)</p>
<p>每 重 三 兩 三 由 內 以 兩 三 重 每 兩 八 至 兩 三 由 兩 二 十 至 兩 八 由 (止 此 至 重)</p>	<p>貨 樣 類 (丙) (己) (庚)</p>
<p>郵 局 收 信 據 每 件</p>	<p>挂 號 執 據 (甲) (地)</p>
<p>收 信 人 回 執 每 件</p>	<p>包 (甲) (辛) (壬)</p>
<p>每 重 一 磅 一 由 內 以 磅 一 重 每 磅 三 至 磅 一 由 磅 六 至 磅 三 由 磅 十 至 磅 六 由 磅 二 十 至 磅 十 由 輪 船 火 車 所 運 之 貨 物 其 長 寬 厚 之 尺 寸 不 得 超 過 船 車 之 規 定 各 項 規 定 均 須 照 行</p>	<p>類 裹 類 包 (甲) (辛) (壬) 往 來 陝 西 甘 肅 雲 南 貴 州 四 川 五 省 應 照 左 方 開 列 之 資 目 加 倍 完 納 特 此 聲 明 惟 由 宜 昌 興 隆 四 川 之 明 重 慶 往 來 寄 用 河 船 運 寄 費 加 倍 之 免 費</p>
<p>每 圓</p>	<p>兌 銀 匯 (天)</p>

八十八

八月

期 八 第 誌 雜 方 東

外 洋 各 國			中 國 境 內 (甲)	
資 五 第	資 四 第	資 三 第	資 二 第	資 一 第
等 門 香 處 港 澳 島	日 本	各 郵 國 會	省 互 各 寄 局 行	遞 各 界 局 內 投
分 四	分 三	角 一	分 二	分 一
分 一	半 分 一	分 四	分 一	分 一
分 二	分 三	分 八	分 二	分 二
兩 二 重 每 分 二	半 兩 二 重 每 分 半	兩 二 重 每 分 二	分 一	分 半
兩 二 重 每 分 二	之 四 三 每 三 分 兩 重	兩 二 重 每 分 二	分 二 五 一 一 三 角	分 一 二 四 八 一 角
內 在 至 項 貿 一 少 其 易 角 不 資 契 以 得 費 一	分 二	內 在 至 項 貿 一 少 其 易 角 不 資 契 以 得 費 一	分 二 五 一 一 三 角	分 一 二 四 八 一 角
兩 二 重 每 分 二	之 四 三 每 三 分 兩 重	兩 二 重 每 分 二	分 二 五 一	分 一 二 四
內 四 不 費 此 分 得 至 項 以 在 少 資	分 二	內 四 不 費 此 分 得 至 項 以 在 少 資	分 五	分 五
角 一	分 七	角 一	角 一	角 一
角 二	角 一	角 二	角 一 二 三 四 八	角 一 一 二 三 五
條 幅 專 此 癸 費 項 字 見 包 之 後 裏	資 第 中 仍 納 除 此 費 二 國 須 專 按 項 類 境 另 費 國 包 之 內 加 外 交 裏	資 第 中 仍 納 除 此 費 二 國 須 專 按 項 類 境 另 費 國 包 之 內 加 外 交 裏	角 一 二 三 四 八	角 一 一 二 三 五
票 鈔 之 外 國 往 匯 不			分 二	分 二

交 通

八 十 九

甲 辰

號通

九十

八月

此單自光緒叁拾年柒月貳拾貳日起即為定妥所有前項費單即於是日註銷作廢仰各寄件人周知勿誤

郵件章程摘要

查單內郵費共分五類茲將各類列後

第一資類 凡在各局投遞界內附近之處往來寄遞郵件俱按此第一資依類納費

第二資類 凡行省各局互相往來之件俱按此第二資依類納費

第三資類 凡往來外洋郵會各國暨龍州蒙自思茅河口等處繞經東京之路或騰越一處繞經印度之路應按此

第三資依類納費

第四資類 凡往來日本國應按此第四資依類納費

第五資類 凡往來香港澳門青島等處俱按此第五資依類納費威海衛生等處亦同此類

以上第三四五三類資費須知信及明信片若既照各該資類如數納清便可任經各省郵局並不另加他費倘係重大郵件如新聞紙刷印物貿易契貨樣等類除往來輪船火車所通之處仍不另加他費外其餘均應另加第二類之資費至於包裹一項自應照各國專單所列資目並加入第二類國內郵費一併粘票無誤更有五省包郵加寄等項亦應分別是否照辦再第一二等之資費無論中國外洋郵件倘應交納即須先完滿費如於交寄之時未完滿費該件概不收寄或逕投於信櫃之內該件即難免遺誤之端至由外洋寄來之件自係有第一二類之欠費此等郵件亦可照投惟於遞過

總局之時查其欠資若干代爲粘貼欠資票以表其數收件人必須照數補交滿費方可領收倘使不欲補交即係不欲領收該件之明證至外洋寄來之件若有第三四五類之欠資亦係按粘欠資票法一律辦理

又來往內地無郵政局處所之各項郵件如郵政局仍用掛號民局轉寄其脚費係按民局自訂之數由寄件人或收件人付給惟各項郵件雖入民局之手例歸原局詳查但有遺誤係惟民局是問與官局無涉

右列各節須與以下章程參看

甲各局投遞界內及行省各局互寄郵件照章應粘滿費倘遞到時查出票有不敷即向收件人按欠數加倍索取至請局掛號及交寄包裹無論往來外洋或國內倘無滿費均不允爲辦理

乙信件一項由行省各局彼此互寄必須先完滿費至往來外洋之信件倘不掛號或可有欠資之處惟投遞之時則有將欠資加倍之辦法

丙新聞紙印刷物貿易契貨樣等類除行省各局互寄有粘滿費郵票之例外其來往外洋者雖非定須滿費究應粘有郵票倘使毫無郵票即不允爲寄發

丁信件類長不得逾二尺寬厚不得逾一尺重不得逾四磅即華三斤

戊新聞紙印刷物貿易契三類重不得逾四磅長寬厚各不得逾一尺五寸如係成捲其徑寬不得逾四寸其長即可至二尺五寸

己貨樣類重不得逾英十二兩長一尺寬八寸厚四寸如係成捲其長一尺徑寬半尺

查 題

九十一

廿辰

者即照信件類索取郵費

半包裏類如往來輪船鐵路所通之處長寬厚可至二尺重二十二磅惟有往來輪船鐵路不通之處長寬厚各不得逾

一尺重不得逾六磅即華四斤半如往外洋各國者另有辦法可向郵局探詢

主包裹往來船辦匯票之局即可掛號保險其保險費係按估價值百抽五核算至少不得在一角以內如係往來外洋之包裹仍須另加外國保險費又各項包裹寄到時仍有索取收包回執之法往來行省各局者計費五分往來外洋者計費一角倘有貿易包裹由局代貨主收價亦可向能辦匯票之局辦理其費係按該貨估價值百抽二

發去香港澳門之包裹如重不逾三磅資費係二角五分逾三磅未逾七磅者資費五角逾七磅未逾十二磅者資費七角五分至包裹由中國此境至彼境經過香港者每磅另加資費二分以符搭換郵船之費倘包裹發去青島重不逾二磅者資費三角由二磅至十一磅資費四角由十一磅至二十二磅資費八角

天匯寄銀鈔辦法係分兩項一係輪船火車所通之匯兌局互相匯寄銀鈔每張銀數可至洋銀五十圓一係輪船火車未通之匯兌局互相匯寄銀鈔每張銀數不得逾洋銀十圓倘此兩項郵局互匯銀鈔每張銀數仍不得逾洋銀十圓應納匯費均係每洋一圓取費二分至於發售購領匯票時銀錢行情如何定奪詳見後開定章之內

購領郵票匯票行使銀錢之定章

- 一購領郵票匯票者應用上等洋銀交納倘其地洋銀短少亦可使用銅錢惟應仍照上等洋銀行情核算
- 一凡購郵票行用銀洋整圓者若該洋係屬上等通行之式則每圓內之一分即抵郵票一分是以每一整圓可購郵票一百分倘所用整圓之式或不通行或較低次則應視此等銀圓比照上等通行者所差幾何即按其差數貼水

方可一律使用至零開小洋一項爲數不得用逾一圓之外更應照足色大洋貼水譬如所用之小洋若十一角方值上等大洋一圓則每角應貼水一分倘不貼水即按應補分數從所購之郵票內坐扣

一以銅錢購郵票者應按上等大洋折算價值幾何係由各該管郵政司隨地隨時酌定額數

一購領匯票行使洋銀或有須用銅錢者其辦法與以上兩條無異惟匯票係由此局納銀彼局發銀兩處行情不同應在發票之局分別貼水迨寄至彼局發銀之時自毋庸再行補貼所有匯寄各處應貼紋水若干係由各該管郵政司核備專單發交匯兌各局懸示衆知以便遵照

地郵件交郵政局寄遞若關緊要者莫若請局掛號其掛號郵件每件編號各郵局加意慎重無慮遺失其掛號郵資必按右單所列交納滿費若郵政局偶疎遺落仍有賒抵之法

指示另條

各局有郵政章程訂成後
人應取其最要各條開列於後

一凡有郵局處所官商軍民之公私信函書籍刷印各物貨樣小包銀兩微數無不能由郵政局或往國內各處或往外洋各國隨意遞寄

一凡郵政局發信有一定時刻各處郵局俱經宣示凡欲寄信者莫若先時早來以免耽延

一除右單所列之各費外並不准郵政局人員暨信差等另索酒資倘寄信者若疑郵政局有不妥協之處譬如另外需索以及郵件遺失或誤投等弊即請親謁或函致郵政司以期立去流弊而儆將來

一凡投送郵件者如有舛誤遲延等弊即請將該件封面上詳細書寫緣由數語交郵政局以憑稽查

一凡各處郵政局如有格外之情事該處郵政司無法結辦者即請將緣由函致北京郵政總辦以憑酌量辦理

交通

九十三

甲辰

彙 通

九 十 四

八 月

至各處郵政局之司事人員差役等均奉有總郵政司之飭諭於來局之人員等謙和接待以昭輯睦

一凡交郵政局寄遞之郵件須於封面上寫明寄交某人姓名住寓某省某府縣村鎮及作何業或在何舖店字號逐一詳細登載以免延誤

一凡交寄之郵件寄件者亦可於封皮後面或角上將姓名住址詳細註明以便該件若無法投遞郵政局即可交還本人如有不欲註寫者亦聽其便

一凡交郵政局寄遞之件不得用脆薄之封皮須用堅固封套或箱裹以防同裝一袋長途起下或致擦磨傷損

一凡交郵政局寄遞之件封面上須粘有足敷運費之郵票此票須加慎粘實粘貼以免撕揭擦損遺落

一凡淫邪圖冊及轟爆發毒危險各物海關例禁之貨應稅貨物與金銀珠寶等類俱為郵局例章嚴禁一概不准封裝郵件內寄送惟金銀珠寶與應稅貨物可裝成包裹遞寄另有局章可循

光緒叁拾年柒月貳拾貳日

總郵政司署總辦監發

各省航路彙誌

江蘇 癸卯冬運司會同儀棧派委運判任文瀾督委挑潯儀徵運河計程二百里茲已竣工 往來常鎮蘇滬內河各小輪局林立所請牌照或隸蘇關或屬鎮關或由蘇河輪局領來或即在滬關立案頭緒紛歧輪名各異經過沿途關卡遇有滲漏稅釐及事端糾葛等情地方官暨各關局辦理殊形棘手常鎮道郭觀察特咨請鎮江關稅務司雷樂石君將各輪船名所領某關某局牌照與往來某埠某碼頭貿易均一一查明函復備查

湖南 湖南人按察使銜江西補用道朱昌琳以湘江湍急不使泊舟前會開潯碧浪湖經營八載未視成功今復崇濬

請獨方承開此湖以爲將來商舟停泊之地已奉湘撫批推

各省鐵路彙誌

直隸 天津關外中國鐵路由大虎山至新民屯之中間尙未修完而該處管工程司鄧景陽因工程吃緊非有精練之人難資得手故營口領袖工程司克君又將田莊窪工程司程瑞符君調至新民屯駐紮檢視一切要工

山東 德人現欲由濰縣另築鐵路一條通至煙臺以作青島至濟南鐵路之幹路並欲速將此路造成故已派工程師將路線測量以便開工至於天津至濟南之鐵路亦已派人測量

河南 王鎮以西路基現已墊至澤盛煤廠所有橋溝亦將告成惟由澤盛煤廠至柏山一段現方購地柏山滑化鎮東北十里許所產硬煤頗佳癸卯冬天津仁記洋行曾試辦十餘萬斤運津出售聞福公司原議在滑化建造停車場因該處地價過昂且諸多阻礙乃將線路更改 汴省鐵路已築至鄭州登澤縣境其渡黃河之鐵路橋梁現已造成三十餘洞惟黃河正溜逼趨北岸若能伏汛無虞此工今年可竣至河沙非常之深三十餘丈銅柱尙不能直入河底 蘆漢鐵路自癸卯秋法人西摩派充黃河北岸工程司後工程進步甚速鐵軌現已鋪至豫省彰德府以南路基則已墊至衛輝府汲縣境直隸之邯鄲磁州臨洛關停車場均已建成豐樂鎮與彰德府二處亦不日報竣至新樂澤沱各河大橋橋梁均已安設又此路前已由漢口大智門外築至河南駐馬店刻已築至鄭城已於三月十六日開車

四川 癸卯冬川督錫制軍因起建川漢鐵路曾出示畧謂川省山路轉運維艱局外每欲攪修鐵路沽享利食本署部堂每慮修路之權授之於人必至坐失利權轉生枝節故癸卯年閏五月間在正定途次即奏請將川漢鐵路歸川自辦復將不得不辦情形由驛馳奏二十五日承准外務部商部電奉 旨該部知道欽此自當欽遵刻日開辦查川漢全路

交通

交通

九十六

八月

由成都而達漢口綿互約四千餘里工程浩繁責任重大前已奏派馮善藩司為督辦應再委沈署臬司羅主政奏調河南候補道陸道候補道蔡道為會辦會同辦理云云

廣東 湘省紳民聞粵漢鐵路在湖南境內者美國已將股票售與比國因之譁然而起謂若果歸比國承修全省紳民斷不認許因即電告外部商部及駐美國比國兩欽差請其據約而爭如美國不自辦理即應照合同第十七條聲明作廢歸湘紳自辦 張榕軒京師辦理潮汕鐵路已於三月二十一日在汕頭開局辦事將來擬招足股本一百萬現在暫由張京卿先行籌墊至此路工程共長九十餘里期以半年畢工所用木材鐵軌多由廈門日商愛久澤直哉承辦工程師廣東詹天佑已與愛久澤直哉同行勘地指定築路造屋之處以便訂購材料茲查其道路有二條一依電綫而行一由汕頭迴欄起由舉汀關玉簡峯青嶽山折而赴郡又折而赴揭連日工程師偕各屬紳士一路測景日內即須定率粵漢幹路第一段由黃沙起至打鐵基止第二段由打鐵基起至大朗止第三段由大朗起至大嶺下止現在工程已填築至第三段之龍湖頭惟自第四段花縣屬之新街地方以下須俟華美合興公司後命再行填築

各省電政彙誌

直隸 東京某報云法國近在秦皇島之高地點樹立無線電柱因之公衆甚為注意

山東 山東候補知縣徐仲哲前經查勘濟南東路一帶鐵路電綫道里遠近繪具圖說稟呈督辦電政袁大臣以青島至膠州電綫拂近鐵路以移為修又濰縣至周村電綫橫穿鐵路改於路北期歸一致又以高密炸山等處地居膠濰之間膠州之東有即墨濰縣之北有羊角溝沙河之東北有虎頭涯或為往來要道或為濱海要區實為商務蒼萃之地黃河上游賈莊一處更為河工緊要之所因稟於周中丞今已議定添設膠州至濰縣兩線濰縣至羊角溝沙河至虎頭涯

高村至賈莊三路各一線所需電線木枋等料由青島火車轉運一俟運齊即可開工此段工程經由膠州即墨平度高密安邱昌邑濰縣昌樂益都臨淄淄川新城長山博山鄒平章邱濰光掖縣荷澤等州縣已由直督袁制軍會同東撫檄飭各該地方官踴躍殫慮

江西 廬山牯牛嶺擬設電線茲已由九江電報局委員汪芭蓀大令督飭匠役趕修工竣業於五月初一日通報

浙江 杭州向無德律風公司近聞紳商會議擬集股創設德律風公司除報効本城各文武衙署不取電資外其餘皆可納費通話

湖北 電報局總辦朱如山大令現派委王君厚甫修理羊樓廟一帶電線電竿計長四百餘里即須起程前往

廣西 近日軍報絡繹大吏議將桂林電線展至永州所需經費已由東西兩省均攤電報局黃觀察已派員司前往永州一帶安設

各省郵政彙誌

山東 濟南郵政局近來往還各件較前加多忽有德人於二月二十後在南關所里街租賃民房加以修葺亦設郵局寄遞信管當由濟南郵局司事英人李齊查知轉告洋務局憲函詢所里街郵局申辦謂中國郵政開辦數年德人不應僭越云云該局答以中國郵政寄信遲速時日不定殊於商情有礙設局於此原為郵寄德人函件不寄華函洋務局以既言明不寄華函日後私行郵寄查出必罰現經周中丞飭令商務局阻止並特飭於附近鐵路一帶悉設大清郵政局所有民間往來函件皆由該局投遞不准投遞別國郵政局以符公例又札農工商務局諭悅來公司令其所有各處棧房不得租賃德國郵局

交 通

九十八

八 月

江蘇 癸卯年冬鎮江關稅務司接駐滬日本郵局專員函稱於鎮江地方分設日本郵局即由在鎮開設河上洋行之日本商人河上各務代為經理請承認照章互寄郵件等因並據該日商河上各務面稱前情並云現已在鎮貿易不日即移入英租界內設舖等情稅司當答以如在租界內設舖兼理郵政可以允准一面即為申請總稅務司核示在案茲查該日商仍在鎮江大街魚巷內設舖貿易並未遷入租界而接奉總稅務司札開有該分局如在租界內可以承認否則不能允准等因故除函告該日商河上各務如不遷入租界不能承認允准外並函致常鎮道轉稟南洋大臣鑒核

江西 江西至浙江之郵件向須中途轉折既稽時日又虞舛誤現九江郵政總局特派供事至廣信一帶推廣分局期與杭州總局脈絡貫通以副兩省商旅之望

湖北 漢口郵政總局近因火車直達許州一帶爰派司事人等分赴遂平等處創設分局傳遞消息

各國鐵路彙誌

各國 日本工學博士某據明治三十四年正月考查世界鐵路計總延長四十八萬八千八百七十二哩中計歐羅巴十七萬六千七百七十四哩北亞米利加二十二萬一千四百四十九哩南亞米利加二萬八千三百五十七哩亞細亞三萬七千四百六十九哩澳太利一萬四千九百三十二哩亞弗利加一萬五百一哩又一千八百三十一年以降十年間鐵路敷設數四千八百哩次十年間一萬九千二百哩次十年間四萬三千一百哩次十年間六萬三千二百哩次十年間十萬一千一百哩次十年間十五萬二千二百哩次十年間即自一千八百九十一年至千九百年十萬七千四百哩共計四十九萬一千哩而自一千八百八十一年至千八百九十年十年間十五萬餘哩專屬合衆國鐵路今後十年間亦應見十萬哩以外敷設而握其權者在中國全世界鐵路敷設計上七百億圓而歐羅巴一哩敷設費年均二十二萬

圓其餘十萬圓以日本圓法平均是七百七十八萬圓也

俄國 俄國現已決計敷設廣軌鐵道一支從蘇城之煤礦起與烏蘇里鐵道聯絡因蘇城在西伯利亞沿海州亞美利加灣以北一百數十俄里也 俄國鐵路進項一千九百零三年至一千九百零四年已過所估一百零一兆馬克之數 德國 德國議院已決定由國庫撥款築造土哥鐵路即前此估需工料價值七十八兆馬克者

各國電政彙誌

韓國 駐韓許星使電致外務部云營義電線業與韓廷定議日使亦無異言請即與韓使照會簽字存案按營義電線即指中國營口電線與韓國義州電線相接之事庚子亂後滿洲電局被俄人佔據故通線一事迄未議妥今照來電之意必係駐韓許星使與韓廷商定營口義州兩處電線仍可相接

日本 日本與土耳其商訂之商業航海約章已有進步日本向土國要求利益將來在土國境內所享利益當與歐洲各國之在土國所享者無異

德荷 五月二十四日柏林電德荷兩國擬於曼那都格姆與上海兩處安設海底電線以便與美國海底電線相接兩國合辦之銀公司業已糾合且由兩國政府津貼經費若干聞其資本共七兆馬克但將來須將募集票增至七兆零四分之一已由銀行三家承辦資本而該公司之目的欲使德國海底電線能以獨立毋須借重英國之海底線云

變
通



一
百

八
月

小說

郵賊

當今地球上西半球有一箇美利堅國。國中有一地方。名叫西卡哥。離西卡哥二十餘里有箇鄉村。在二十年前的時候。有箇富商。名叫赫斯德。那人是箇財主。既有資本。又善經營。他生平嘗有一句話。道是以兵立國。總不如以商立國的好。這句說話。當時沒一箇人不佩服他。大凡一國要想圖強。必定先要富。若是不能富。那強字從那裡說起呢。我們中國。怯怯犯了這箇病。和赫氏的話正鬧了箇反對。閒話休題。赫氏既懷著這樣大經濟。他又疎財仗義。豪爽非凡。生了一子。取名勞爾飛。年方十四歲。出落得一表英才。他父母就愛得如同珍寶。那勞爾飛年紀雖輕。卻是天性聰明。崢嶸頭角。更有一種異乎尋常的。他腦筋裡生來就含著一副義俠的性質。可算是赤膽熱腸。真是令人又可敬。又可愛。他自小就將世界英雄豪傑自許。最愛的是名家小說。後來出去做那些驚天動地可泣可歌的事業。要算得力在小說書上居多。如此看來。小說這件東西。豈不是最可貴的嗎。

且說赫斯德到了中年以後。膝下只有這一箇兒子。家道也狠積了許多。就沒有心思出山。在家安居樂業。享那林泉天倫之福。日常無事。就來教訓兒子。要想把他造成箇英雄豪傑。

水

過了幾時。不料他的夫人忽然受了疾病。起先還當是不要緊。那知一天重似一天。延了少醫生。服了多少湯藥。總覺無效。不多時日。竟至不起。赫斯德抱了鼓盆之戚。自然是傷感的了不得。也無庸細表。但是老年人。精力衰弱。那裡經得起偌大風浪。從此氣悶傷心。也就漸漸的頹敗下來。一日。心裡想道。兒子年紀已不小了。不要誤了他的終身。不如叫他到學堂裡去學業。但別的學堂。赫氏也不甚合意。照他平素重商的宗旨想來。自然還是商務學堂。學得些本領。將來可以紹述箕裘。繼我的事業。主意已定。就教勞爾飛進了本地一箇商務學堂去肄業。不料勞爾飛的心情。恰與商務兩字。狠不相對。他最歡喜的是偵探冒險的勾當。最羨慕的是英雄俠義的事情。本要不去。因為母親新故。惟恐背了父命。惹他老人家心上不自在。不如暫且依從。將來再作計較。就答應了。預備收拾進學。進學之後。起先覺著狠不自在。到了十天半月下來。也就慣了。看官須知他天性聰慧。同學當中。別人兩點鐘學會的。他恰一點鐘早懂了。省下些工夫來。還是看些小說。到了遊息時候。就練身打球。學成了一副絕好的身手。每逢考課。還要列箇優等。因此同學中佩服他的狠多。其中有一同學。名叫梅甫禮。也是這學校中的出色人物。學問甚好。相貌英俊。性情丰度。更溫文爾雅。到十二分。人家一見。就不知不覺要欽佩起來。他與勞爾飛兩人。正是水乳相投。情誼最好。光陰

如箭。日月如梭。將近一年光景。有一天。兩人閒談。勞爾飛說起素願不在商務的話。梅甫禮道。你如出這學堂。我們不知道何時再會哩。說罷。不覺感歎。勞爾飛道。我們何不訂下生死交情。作爲異姓兄弟。你意下如何。梅甫禮大喜。便訂了盟。從此更加親密。有一天。勞爾飛忽然接到家中一封急電。說赫斯德病重。叫他趕速回去。勞爾飛看了。登時方寸大亂。心上想道。早知如此。我來念這些書做什麼。一年之中。親近著父親不滿三十日。如今回去。還不知見得著見不著。想到這裏。不禁大哭起來。一面哭。一面收拾行李。梅甫禮見他這箇樣子。也弄得手足無措。便道。我到教習處代你告了假。再去雇馬車。你即刻走罷。說罷。飛奔的去了。勞爾飛匆匆拿了幾件東西。一逕出學堂來。只見梅甫禮已將馬車叫好。就跳了上去。祇說得一句。我時常給你信罷。那車子飛雲掣電的去了。梅甫禮睜了半天。一箇人淒淒寂寂。自回學堂。

且說勞爾飛坐在車中。胡思亂想。不到兩箇鐘頭。已到了鄉下家中。掣了門鈴。僕大開門接進。說道。主人已不省人事。但等你回來了。勞爾飛慌忙入內。見了父親。便上前喊了幾聲。赫斯德慢慢睜眼說道。人有不測風雲。我不料就此停了一會。又道。你年紀已是大了。但第一勿棄商業。說了這句。氣就接不上來。沒半鐘工夫。也就嗚呼了。勞爾飛哭得死去活來。停了

一日將屍成殮。不免打起精神。檢點父親在日往來的帳目。及存下的產業。約有五萬餘磅的光景。一一理清了。整整忙了半箇多月。但是獨是一人。形單影隻。暗想學堂裏一定是不去了。就寫了一封信。給梅甫禮說父親業已去世。第一家內不得分身。再者士各有志。學堂裏不願再來的話。他卻在家結交了一班包探警察的朋友。自由得了不得。加之性情豪邁。本是膽大於身。既結這班朋友。便時常隨了他們去偵探那疑難危險的案件。借此學習。做了十數天。就將那偵探的機巧。一齊學會了。這且慢表。

再說梅甫禮那年年紀已是弱冠。家道本不甚豐足。年紀又大了。依他心上。恨不得一年就卒業。無奈學問這事。是躡等不來的。他又性急的非凡。拚命用功。過於勞動。漸漸就有些身體支持不住了。那一天正在牀上害病。接著勞爾飛一封信。說他不來的話。心中更加憂悶。如同失了手足一般。傷感了一回。想到自己身上。生計艱難。流年似水。轉念道。古來豪傑。大半出自寒微。那裏都是學堂裏培植出來的。我何不出去想一謀生之策。大約不至於到那挑柴屠狗的地位。安見得我就不可以一面做事。一面向學呢。主意已定。便告了箇病假。回家養病。待到身子好了。就自己去謀他的事體。便處處託了親友。替他謀幹一件館地。停了幾天。有一朋友代他訪著一箇機會。便來說道。某處郵局內要請一位文案。但那郵局裏的

總司事穆漢爾極爲奸猾。狠難共事的。待人也刻薄到十二分。恐足下未必能受得住。未知意下如何。梅甫禮答道。橫豎總是餬口。吃人家的飯。那裏有由我自主的道理呢。當下便一口應承。那朋友居然薦他到郵局去任文案之職。梅甫禮既到郵局。見了總司事穆漢爾。你道是什麼樣子。原來生得一部落腮鬍子。遮住半箇臉兒。連耳朵都遮沒了。年紀約在四十五左右。頭尖鼻銳。鼠目狼牙。口裏啣著一枝雪茄。見了梅甫禮進來。略一擡身。帽子像是要摘不摘的樣子。便坐下了。問道。你就叫梅甫禮麼。梅甫禮應道。是的。穆漢爾又略略問了幾聲。蹺起了脚。就不響了。梅甫禮想道。此人果然醜得狠。看他那對眼睛。只怕還是箇狐狸精呢。但既已如此。管他則甚。且自做去。再待將來罷了。光陰迅速。不覺又是一年光景。正是無巧不成話。梅甫禮當了文案不打緊。誰知卻弄出許多的枝節來。且住。如今須要提出本書中最要緊的一箇人物。

這人是誰。原來西卡哥地方。有一箇有名的女子。是梅甫禮的姑表妹子。名字教做葛麗蘭。性情是敦厚溫柔。人品亦慧中秀外。至於容貌的好處。莫說是西卡哥。就是紐約。就是巴黎。也算得是數一數二的。可惜不曾覓得一張照片。不然。拿來印在書上。看官們還要愛而生敬。渺渺予懷哩。這葛麗蘭從小與梅甫禮在一塊兒頑耍。長大來也常常見面。談書說藝。好

不知己。他兩箇人。外面是一箇敬字。裏面卻含著一箇愛字。但愛雖是愛。彼此都不說出來的。這是什麼緣故呢。原來這梅甫禮愛葛麗蘭愛得過頭了。卻如天如帝的敬重他起來。斷不肯一言半語去唐突他。就是葛麗蘭是閨門女子。他那裏肯將心上隱事直捷說出來呢。但他看了梅甫禮那種神情。卻又猜摸不出。常常將些言語去試探他。時而喜。時而怒。又時而狀似瘋癲。梅甫禮雖則一味表白敬意。卻漸漸有些覺得了。心上暗自想道。表妹真果如此。豈不是天下第一件美滿的事情麼。但想到自己境况不好。又沒有學成。如果得這樣的人爲妻室。也就辜負他極了。我雖如此。但他卻並無一點看不起我的所在。雖時常喜怒得不情。也句句是有道理的。無非是打探我的意思。他的待我也沒有第二箇人了。由愛生感。由感生悲。幾乎把箇梅甫禮弄成熱鍋上螞蟻一般模樣。但恨沒有一箇機會。要想將他死心塌地敬愛的一片心腸。詳細表白一番。就可以從此爲定。可憐新當了郵局文案。因是初次入世。總司事又是難交的。因此格外謹慎。竟弄到足不出戶起來。反不如在學堂的時候。可以常常聚首。這也不在話下。

有一天。梅甫禮公事得暇。思前想後。氣悶起來。想道。我何不告箇假。去看看表妹呢。便到穆漢爾那裏去說明。雇了車子。一路走來。不多一刻。已到門首。掣了門鈴。僕人開了門。見是梅

叢談

魚雷略說 水戰用魚雷轟毀敵船。或遠離里許。用機送發。或舟送魚雷。迫近敵船而毀之。迫近敵船之法。必在黑夜方可。遠離機送之法。創於英人蛙哀特海得。其能轟毀敵船之故。則因魚雷中含有棉花火藥等物。製棉花火藥法。即用硫強水三股。硝強水一股。將棉花浸入六分鐘。取出洗淨。日中曬之。則成棉花火藥。若置棉花火藥一撮於掌中。以火燃之。其藥頓時焚散。而手不覺痛。因散去甚速故也。棉花火藥。欲其轟發毀物。必加以引。其引係用夫而米那得所為。魚雷近敵船時。藥力漲發。兇猛異常。不為水之阻力所阻。

無線電破壞水雷新法 近有無線電信破壞水雷之法。其新發明人爲法國陸軍大佐配爾克。其法能變更機械水雷之地位。能使沈沒于海底者。浮于水面而爆發。使其引線不與港灣相連絡。此固轉禍爲福。而可免艦隊之危

險者。誠如是。則將來海戰上之計劃。當必有大變動矣。又美國陸軍少將派甘。能以無線電觸發海底水雷。并可將海底所設水雷移動。使其自己各船往來無礙。專以備敵。

行軍用氣球 其利有三。一傳遞信息。俾各營聯絡。二登高眺遠。視敵軍所在。三遊行敵軍之上。投擲燃火物。燒其營寨。一千八百七十年。德法之役。法人用氣球傳信。頗稱靈捷。德人惡之。而破彈不能及。聽之而已。德相俾士麥謂氣球宜合法。然未言如何合法。亦無補之空言耳。論者曰。空氣比於洋海。洋海不屬於國。聽人任意往來。空氣似之。故氣球不囿於疆界。有駁之者曰。大洋固不屬於國。然濱岸若干里。屬於在岸之國。則空氣於近地處亦然。若聞近地幾何爲限。則謂高出四百丈以上。不屬在下之國。但破彈最有力者。及四千八百碼當。即一千二百餘丈。破彈所至。即國權之所及。則四百丈之說。猶非通論。以此之故。遂有某學士。謂此事不限於區而限於力。今球制未佳。不

能遠所欲之。其可禁之界亦窄。他年球制克全。憑空馳騁。無往不利。即無在不可估據。行見爾疆我界。分劃於霄漢間者。無異於五洲萬國。竊意爲是說者。亦妙想天開矣。特恐駕空之願。終成畫餅耳。

美人演放飛船 金山大埠某西人。久欲製造飛船一具。以赴聖魯意賽會。冀得優賞。曾在該埠十一街夾尾慎街。演放。意欲飛過屋脊。奈途中力弱。跌入海中。今早又由原處飛起。遊翔如意矣。居民見此船飛行空中。向東方而去。始而橫行。繼而直行。其中一燈。閃閃有光云。

電車速率 德國近製電車。行於鐵路。每鐘行二百零七法里。即中國三百二十一里。分計之。則一分鐘行五里四分。一秒鐘行十六丈。如車上窗戶廣二尺。則以一秒八十分之一。經路旁人之前。但物寓于目。至少須一秒十分之一。故人立路旁。正對電車。不能辨此窗戶。只見一黑物速過目前而已。車近屋宇樹木。坐車者不能辨此屋樹。必俟相離稍遠而後見之。惟大礮彈飛行空際。其速十倍於此。

車。其發聲傳遠。則五倍於此車。

傳形之德律風 德律風之傳聲。西人以爲須先明聲學。蓋聲之所以爲聲。無論何等。皆微氣之急顫而成。其一則視清氣所顫之類。清濁高下。一秒時得若干分。再則分其顫動之道。或寬或窄。比之彈絃甫脫手時。其絃形若稍粗。此所謂道也。於是顫動之微氣。合於空氣中。作爲聲浪。德律風則以吸鐵吸之。而引合電氣以傳焉。西人每推此理。謂不特傳聲。並可傳形。然亦未有人得其法也。據西報言。近日法國有某甲。已得之。彼從德律風兩端之吸鐵片上。置一電鏡。俾吸其聲浪。則並人之儀容而吸之。傳於電中。則彼此隔鏡傳言。便如對面相談。是又一現形新法也。改油漆筆 初西國油漆。用各色油。各色筆。然易沾染衣袖。畫家苦之。故皆製有新法。以求長進。近有法京人。名類勿連者。油漆師也。一日請同業全集一處。欲以其所得之法相示。衆人既集。類勿連謂之曰。吾業之筆硯。事事不便。且甚不潔。而尤可惡者。每畫一次。必洗淨一次。茲已得新

法。試爲諸君言之。吾已製成各色之筆。可畫於布上木上。無旁滲之患。諸君可立試焉。因取所製筆仿畫一幅曰。諸君可自行裁奪。此新法有兩種善處。一乾極。二不變色。時有考求顏色技師勃斯奶深相贊嘆曰。不圖于油漆一道。今亦得進步矣。

製炭精新法 各國電學家。用炭精甚多。其上等炭精。必用貴重機器。惟稍次炭精。則平常工師能製之。所用材料有四。一煤燈局所存炭屑。英國名曰可克二麵粉。三糖水。四清水。再用杵臼以春炭末。又用格模筒管以印炭片炭條。其可克須擇純淨。不宜稍含飛散氣質。以杵臼春爲細末。又以密篩篩之。配入乾麵粉八分之一。至六分之一。兩相和勻。更以極淡糖水。略略潤之。切忌太溼。封存二二三小時之久。莫使水氣飛散。則炭粉潤透。即可以模式作成炭片炭條。而後移置爐上。用暗火慢慢炕乾。初小熱。漸加大熱。既已乾透。則載於鐵箱內。以可克末覆在上面。免露空氣而焚。其細小者。則可以鎔金泥窩裝之。以代鐵箱。又以不能焚

之物密覆在上。而置於爐上。外加熱。至其色紅。留於紅炭內數時之久。而後移至涼處。俟其涼透。始可啓蓋。次將此炭片條。加入糖汁和水同沸。一鐘之久。復如前法炙乾。再三煉之久。復如前法炙乾。再三煉之。則片條之堅實更甚。是最好用。惟炕炭之時。須有氣洩出。故必以爐炭覆在上面。方妥。

墨器納科之養生談 近有西醫名墨器納科者云。凡人生世上。何故日見衰老。在常人每謂人至中年以後。則身中精而各管。其能力日漸減少。凡百物之入於養生道者。不能提吸精華。以灌溉百脈。故致筋絡漸漸弛縱。肌肉漸漸皺摺。未幾而頭童齒豁。頹然已老。然以余思之。則其原因不在乎此。蓋人身之中。有一種微生物。此微生物本爲生而即有者。唯在人幼稚及強壯之時。此微生物。能保護身軀。并能驅除一切害身之他微生物。故大有益於人生。及人年齒漸長。則此微生物之性質乃大變。非特不能保護。且欲破壞其向日所保護者。然生物之中。亦有不具此

微生物。如羽族中鸚鵡等類。因此而得享上壽。人若欲勦滅人身中之微生物。而使與鸚鵡同。則尚未得其法。惟凝結之牛乳中。亦含有一種微生物。能與人身中之微生物相敵。故如欲去人身中之微生物。宜將此牛乳時時食飲。以稍殺其勢。若欲求却死之方。則尚需時日。須俟格物家研明此理後。方有效也。

雀鳥避疫。雀鳥知避傳染之病。而燕子為尤。凡遇一地患黃痘瘧疾者。其去之也若不及。近世法國名士拉物朗宣說。凡染疫氣之地。雀鳥遠避。迨疫氣消散。復歸原地。此事曾見於俄法德意等國。當一千八百四十八年大疫時。近有教士味多爾方幼。在諾爾滿提省。與其伯父同居。一千八百四十六年至一千八百四十八年。霍亂盛行。伯父告知雀鳥避疫之說。乃出外觀望。果不見一燕。一千八百六十五年與一千八百六十六年。霍亂復起。又不見一燕。及後至西利亞。夏間黃痘流行。不見燕歸原窩。一千九百零二年七月初。尚見燕子多羣。未幾霍亂漸起。各燕頓時

遠逝。無一存留。由此以推。燕之避去。可知疫氣將至矣。以蜂愈病。美國非拉鐵非省化學家。近又發明新理一條。用蜜蜂尾上針刺。以治人身風溼各證。現已向養蜂之家。買得五萬尾。